

*Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitat legala.*

## Cudesch da procedura civila svizzer (Cudesch da procedura civila, CPC)

dals 19 da december 2008 (versiun dal 1. da settember 2023)

---

*L'Assamblea federala da la Confederaziun svizra,  
sa basond sin l'artitgel 122 alinea 1 da la Constituziun federala<sup>1</sup>,  
suenter avair gi invista da la missiva dal Cussegli federal dals 28 da zercladur 2006<sup>2</sup>,  
concluda:*

### **1. part            Disposiziuns generalas 1. titel          Object e champ d'applicaziun**

#### **Art. 1            Object**

Questa lescha regla la procedura davant las instanzas chantunalas per:

- a. chaussas civilas dispitaivlas;
- b. ordinaziuns giudizialas da la giurisdicziun voluntara;
- c. fatschentas giudizialas dal dretg da scussiun e da concurs;
- d. la giurisdicziun da cumpromiss.

#### **Art. 2            Relaziuns internaziunalas**

Las disposiziuns dal dretg da contracts internaziunals e las disposiziuns da la Lescha federala dals 18 da december 1987<sup>3</sup> davart il dretg internaziunal privat (LDIP) restan resalvadas.

#### **Art. 3            Organisaziun da las dretgiras e da las autoritads da mediaziun**

L'organisaziun da las dretgiras e da las autoritads da mediaziun è chaussa dals chantis, nun che questa lescha disponia insatge auter.

AS 2010 1739

1 SR 101

2 BBl 2006 7221

3 SR 291

## **2. titel      Cumpetenza da las dretgiras e recusaziun**

### **1. chapitel    Cumpetenza materiala e funcziunala**

#### **Art. 4               Princips**

<sup>1</sup> Il dretg chantunal regla la cumpetenza materiala e funcziunala da las dretgiras, nun che questa lescha disponia insatge auter.

<sup>2</sup> Sche la cumpetenza materiala dependa da la valur en disputa, vegn quella calculada tenor questa lescha.

#### **Art. 5               Suletta instanza chantunalala**

<sup>1</sup> Il dretg chantunal designescha la dretgira ch'è cumpetenta sco suletta instanza chantunalala per:

- a. disputas en connex cun la proprietad intellectuala, inclusiv las disputas che concernan la nullitat, la titularitat, il licenziamenti, il transferimenti e la violaziun da tals drets;
- b. disputas dal dretg da cartels;
- c. disputas davart l'utilisaziun d'ina firma;
- d. disputas tenor la Lescha federala dals 19 da decembre 1986<sup>4</sup> davart la concurrenza illoiala, sche la valur en disputa importa passa 30 000 francs u sche la Confederaziun fa diever da ses dretg da purtar plant;
- e.<sup>5</sup> disputas tenor la Lescha federala dals 13 da zercladur 2008 davart la responsabladad civila per l'energia nucleara<sup>6</sup>;
- f. plants cunter la Confederaziun;
- g.<sup>7</sup> disputas davart l'introducziun e la realisaziun d'ina controlla speziala tenor ils artitgels 697c–697h<sup>bis</sup> dal Dretg d'obligaziuns (DO)<sup>8</sup>;
- h.<sup>9</sup> disputas tenor la Lescha dals 23 da zercladur 2006<sup>10</sup> davart las investiziuns collectivas, tenor la Lescha dals 19 da zercladur 2015<sup>11</sup> da las infrastructuras da finanzas e tenor la Lescha federala dals 15 da zercladur 2018<sup>12</sup> davart ils instituts da finanzas;

<sup>4</sup> SR 241

<sup>5</sup> Versiun tenor la cifra 1 da l'agiunta 2, en vigur dapi il 1. da schan. 2022 (AS 2010 1739; BBI 2006 7221; AS 2022 43; BBI 2007 5397).

<sup>6</sup> SR 732.44

<sup>7</sup> Versiun tenor la cifra 3 da l'agiunta da la LF dals 19 da zer. 2020 (dretg d'aczias), en vigur dapi il 1. da schan. 2023 (AS 2020 4005; 2022 109; BBI 2017 399).

<sup>8</sup> SR 220

<sup>9</sup> Versiun tenor la cifra II 4 da l'agiunta da la LF dals 15 da zer. 2018 davart ils instituts da finanzas, en vigur dapi il 1. da schan. 2020 (AS 2018 5247, 2019 4631; BBI 2015 8901).

<sup>10</sup> SR 951.31

<sup>11</sup> SR 958.1

<sup>12</sup> SR 954.1

i.<sup>13</sup> disputas tenor la Lescha dals 21 da zercladur 2013<sup>14</sup> davart la proteczion da las vopnas, tenor la Lescha federala dals 25 da mars 1954<sup>15</sup> davart la proteczion da l'emblem e dal num da la Crusch Cotschna e tenor la Lescha federala dals 15 da december 1961<sup>16</sup> davart la proteczion dals numbs e dals emblems da l'Organisaziun da las Naciuns Unidas e d'autras organisaziuns interguvernamentalas.

<sup>2</sup> Questa instanza è er cumpetenta per ordinar mesiras preventivas avant l'entrada da la litispendenza d'in plant.

#### **Art. 6 Dretgira commerziale**

<sup>1</sup> Ils chantuns pon designar ina dretgira spezialisada ch'è cumpetenta sco suletta instanza chantunala per disputas dal dretg commerzial (dretgira commerziale).

<sup>2</sup> I sa tracta d'ina disputa dal dretg commerzial, sche:

- a. l'actividad commerziale d'almain ina partida è pertutgada;
- b. ins po far recurs en chaussas civilas tar il Tribunal federal cunter la decisiun; e
- c. las partidas èn inscrittas en il register svizzer da commerzi u en in register ester cumparegliabel.

<sup>3</sup> Sche mo la partida accusada è inscritta en il register svizzer da commerzi u en in register ester cumparegliabel, ma sche las ulteriuras premissas èn ademplidas, po la partida accusanta tscherner tranter la dretgira commerziale e la dretgira ordinaria.

<sup>4</sup> Ultra da quai pon ils chantuns attribuir a la dretgira commerziale:

- a. las disputas tenor l'artitgel 5 alinea 1;
- b. las disputas che concernan il dretg da societads commerziales e d'associazions.

<sup>5</sup> La dretgira commerziale è er cumpetenta per ordinar mesiras preventivas avant l'entrada da la litispendenza d'in plant.

#### **Art. 7 Dretgira per disputas che resultan tras assicuranzas supplementaras a l'assicuranza da malsauns sociala**

Ils chantuns pon designar ina dretgira ch'è cumpetenta sco suletta instanza chantunala per disputas che resultan tras assicuranzas supplementaras a l'assicuranza da malsauns sociala tenor la Lescha federala dals 18 da mars 1994<sup>17</sup> davart l'assicuranza da malsauns.

<sup>13</sup> Integrà tras la cifra II 3 da l'agiunta 3 da la Lescha da las vopnas dals 21 da zer. 2013 davart la proteczion, en vigur dapi il 1. da schan. 2017 (AS 2015 3679; BBI 2009 8533).

<sup>14</sup> SR 232.21

<sup>15</sup> SR 232.22

<sup>16</sup> SR 232.23

<sup>17</sup> SR 832.10

**Art. 8** Plant direct devant la dretgira superiura

<sup>1</sup> Sche la valur en dispita d'ina dispita dal dretg patrimonial importa almain 100 000 francs, po la partida accusanta sa drizzar directamain a la dretgira superiura, sche la partida accusada è d'accord.

<sup>2</sup> Questa dretgira decida sco suletta instanza chantunala.

**2. chapitel Cumpetenza locala****1. secziun Disposiziuns generalas****Art. 9** Cumpetenza stringenta

<sup>1</sup> Ina dretgira cumpetenta è mo stringenta, sche quai vegn prescrit explicitamain da la lescha.

<sup>2</sup> D'ina dretgira cumpetenta stringenta na pon las partidas betg divergiar.

**Art. 10** Domicil e sedia

<sup>1</sup> Uschenavant che questa lescha na dispona nagut auter, è cumpetenta:

- a. la dretgira a ses domicil per plants cunter ina persuna natirala;
- b. la dretgira a sia sedia per plants cunter ina persuna giuridica, cunter instituziuns e cunter corporaziuns dal dretg public sco er cunter societads collectivas e commanditaras;
- c. la dretgira superiura dal chantun Berna u la dretgira superiura da quel chantun, en il qual la partida accusata ha ses domicil, sia sedia u sia dimora usitada, per plants cunter la Confederaziun;
- d. ina dretgira a la chapitala dal chantun per plants cunter in chantun.

<sup>2</sup> Il domicil sa determinescha tenor il Cudesch civil svizzer<sup>18</sup> (CCS). L'artitgel 24 CCS n'è betg appligtabel.

**Art. 11** Lieu da dimora

<sup>1</sup> Sche la partida accusada n'ha betg in domicil, è cumpetenta la dretgira en ses lieu da dimora usità.

<sup>2</sup> Il lieu da dimora usità è là, nua che la persuna viva durant in temp pli lung, er sche la durada da la dimora è limitada gia d'emprim ennà.

<sup>3</sup> Sche la partida accusada n'ha betg in lieu da dimora usità, è cumpetenta la dretgira en ses ultim lieu da dimora enconuschenent.

**Art. 12 Fatschenta e filiala**

Per plants che resultan tras la gestiun d'ina fatschenta commerziala u professiunala u d'ina filiala è cumpetenta la dretgira al domicil u a la sedia da la partida accusada u la dretgira al lieu da la filiala.

**Art. 13 Mesiras preventivas**

Uschenavant che questa lescha na dispona nagut auter, è stringentamain cumpetenta per ordinar mesiras preventivas:

- a. la dretgira ch'è cumpetenta per la chaussa principal; u
- b. la dretgira dal lieu, nua che la mesira duai vegnir exequida.

**Art. 14 Cuntraplant**

<sup>1</sup> A la dretgira che ha la cumpetenza locala per il plant principal pon ins inoltrar in cuntraplant, sche quel stat en in connex material cun il plant principal.

<sup>2</sup> Questa dretgira resta cumpetenta, er sch'il plant principal scroda per in motiv u l'auter.

**Art. 15 Litisconsorzi ed accumulaziun da plants**

<sup>1</sup> Sch'il plant sa drizza cunter plirs litisconsorts, è la dretgira ch'è cumpetenta per ina partida accusada, cumpetenta per tut las partidas accusadas, uschenavant che questa cumpetenza na sa basa betg mo sin ina cunvegna davart la dretgira cumpetenta.

<sup>2</sup> Sche pliras pretensiuns cunter ina partida accusada stattan en in connex material, è mintga dretgira ch'è cumpetenta per ina da las pretensiuns, cumpetenta per tut las otras pretensiuns.

**Art. 16 Plant sin denunzia da la disputa**

Per il plant sin denunzia da la disputa è cumpetenta la dretgira dal process principal.

**Art. 17 Cunvegna davart la dretgira cumpetenta**

<sup>1</sup> Las partidas pon fixar ina dretgira cumpetenta per ina disputa giuridica existenta u futura davart pretensiuns che resultan tras ina tscherta relaziun giuridica, nun che questa lescha disponia insatge auter. Sche la cunvegna na dispona nagut auter, po il plant vegnir inoltrà sulettamain a la dretgira cumpetenta fixada.

<sup>2</sup> La cunvegna sto vegnir fatga en scrit u en in'autra furma che permetta da la cumprovar a maun d'in text.

**Art. 18 Acceptaziu tacitura**

Uschenavant che questa lescha na dispona nagut auter, daventa la dretgira appellada cumpetenta, cur che la partida accusada s'exprima en chaussa senza far resalvas davart la cumpetenza.

**Art. 19 Giurisdicziun voluntara**

En chaussas da la giurisdicziun voluntara è stringentamain cumpetenta la dretgira u l'autoritat al domicil u a la sedia da la partida petenta, nun che questa lescha disponia insatge auter.

**2. secziun Dretg da persunas****Art. 20 Protecziun da la persunalidad e protecziun da datas**

La dretgira al domicil u a la sedia d'ina da las partidas è cumpetenta per:

- a. plants che resultan tras la violaziun da la persunalidad;
- b. dumondas concernent il dretg da replica;
- c. plants sin protecziun dal num e sin contestaziun d'ina midada dal num;
- d.<sup>19</sup> plants e dumondas tenor la Lescha federala dals 25 da settember 2020<sup>20</sup> davart la protecziun da datas (LPD).

**Art. 21 Decleranza da mort e da spariziun**

Per dumondas che concernan ina decleranza da mort u da spariziun (art. 34 fin 38 CCS<sup>21</sup>) è stringentamain cumpetenta la dretgira a l'ultim domicil enconuschennt da la persuna sparida.

**Art. 22 Rectificaziun dal register dal stadi civil**

Per plants che concernan ina rectificaziun dal register dal stadi civil è stringentamain cumpetenta la dretgira da quel circul d'uffizi, en il qual la documentaziju è veginida rectifitgada u avess stuì veginir rectifitgada.

**3. secziun Dretg da famiglia****Art. 23 Inoltraziuns e plants dal dretg matrimonial**

<sup>1</sup> Per dumondas e per plants dal dretg matrimonial sco er per dumondas d'ordinar mesiras preventivas è stringentamain cumpetenta la dretgira al domicil d'ina partida.

<sup>2</sup> Per dumondas da l'autoritat da surveglianza en fatgs da scussiun d'ordinar la separaziun dals bains è stringentamain cumpetenta la dretgira al domicil dal debitur.

<sup>19</sup> Versiun tenor la cifra II 24 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBl 2017 6941).

<sup>20</sup> SR 235.1

<sup>21</sup> SR 210

**Art. 24** Inoltrazius e plants concernent il partenadi registrà

Per dumondas e per plants concernent il partenadi registrà sco er per dumondas d'ordinar mesiras preventivas è stringentamain cumpetenta la dretgira al domicil d'ina partida.

**Art. 25** Constataziun e contestaziun da la relaziun da figlialanza

Per plants sin constataziun e sin contestaziun da la relaziun da figlialanza è stringentamain cumpetenta la dretgira al domicil d'ina da las partidas.

**Art. 26** Plants sin mantegniment e sin sustegn

Per plants independents dals uffants sin mantegniment e sin sustegn cunter lur geniturs e per plants sin obligaziun da sustegn cunter parents è stringentamain cumpetenta la dretgira al domicil d'ina da las partidas.

**Art. 27** Pretensiuns da mammas betg maridadas

Per pretensiuns da mammas betg maridadas è stringentamain cumpetenta la dretgira al domicil d'ina da las partidas.

**4. secziun Dretg d'ierta****Art. 28**

<sup>1</sup> Per plants dal dretg d'ierta sco er per plants sin liquidaziun dals bains matrimonials en cas da mort d'in conjugal u d'in partenari registrà è cumpetenta la dretgira a l'ultim domicil dal testader.

<sup>2</sup> Per mesiras en connex cun la successiun d'ierta è stringentamain cumpetenta l'autoritat a l'ultim domicil dal testader. Sch'il testader n'è betg mort a ses domicil, infurmescha l'autoritat dal lieu da la mort l'autoritat dal domicil e prenda las mesiras necessarias per segirar las valurs da facultad al lieu da la mort.

<sup>3</sup> Plants independents sin attribuziun d'in manaschi u d'in bain immobigliar agricul tenor il dretg d'ierta pon er vegnir inoltrads al lieu, nua che l'object sa chatta.

**5. secziun Dretgs reals****Art. 29** Bains immobigliars

<sup>1</sup> La dretgira al lieu, nua ch'il bain immobigliar è vegni inscrit u stuess vegnir inscrit en il register funsil, è cumpetenta per:

- a. plants reals;
- b. plants cunter la cuminanza dals proprietaris en condomini;
- c. plants sin constituziun da dretgs da pegen legals.

<sup>2</sup> Auters plants che sa refereschan a dretgs vi da bains immobigliars pon er vegnir inoltrads a la dretgira al domicil u a la sedia da la partida accusada.

<sup>3</sup> Sch'in plant sa referescha a plirs bains immobigliars u sch'il bain immobigliar è vegni inscrit en il register funsil en plirs circuls, è cumpetenta la dretgira en quel lieu, nua ch'il bain immobigliar cun la surfatscha la pli gronda u nua che la surfatscha la pli gronda dal bain immobigliar sa chatta.

<sup>4</sup> En chaussas da la giurisdicziun voluntara che sa refereschan a dretgs vi da bains immobigliars è stringentamain cumpetenta la dretgira en quel lieu, nua ch'il bain immobigliar è vegni inscrit u stuess vegnir inscrit en il register funsil.

#### **Art. 30 Chaussas moviblas**

<sup>1</sup> Per plants che concernan dretgs reals, il possess da chaussas moviblas e pretensiuns garantidas tras in pegn movibel è cumpetenta la dretgira al domicil u a la sedia da la partida accusada u la dretgira al lieu, nua che la chaussa sa chatta.

<sup>2</sup> En chaussas da la giurisdicziun voluntara è stringentamain cumpetenta la dretgira al domicil u a la sedia da la partida petenta u la dretgira al lieu, nua che la chaussa sa chatta.

### **6. secziun Plants che resultan tras contracts**

#### **Art. 31 Princip**

Per plants che resultan tras contracts è cumpetenta la dretgira al domicil u a la sedia da la partida accusada u la dretgira al lieu, nua che la prestazion caracteristica sto vegnir furnida.

#### **Art. 32 Contracts cun consuments**

<sup>1</sup> Per disputas che resultan tras contracts cun consuments è cumpetenta:

- a. la dretgira al domicil u a la sedia d'ina da las partidas per plants dal consument;
- b. la dretgira al domicil da la partida accusada per plants da l'offerent.

<sup>2</sup> Seo contracts cun consuments valan contracts davart prestaziuns dal consum usitè ch'en destinadas als basegns personals u famigliars dal consument e che vegnan purschidas da l'autra partida en il rom da sia activitat professiunala u commerziala.

#### **Art. 33 Locaziun e fittanza da chaussas immoviblas**

Per plants che resultan tras la locaziun e tras la fittanza da chaussas immoviblas è cumpetenta la dretgira al lieu, nua che la chaussa sa chatta.

**Art. 34** Dretg da lavur

<sup>1</sup> Per plants dal dretg da lavur è cumpetenta la dretgira al domicil u a la sedia da la partida accusada u la dretgira al lieu, nua ch'il lavurant exequescha per ordinari sia lavur.

<sup>2</sup> Per plants che vegnan inoltrads d'ina persuna che tschertga ina piazza e d'in lavurant sin basa da la Lescha federala dals 6 d'october 1989<sup>22</sup> davart l'intermediaziun da lavur e l'emprest da persunal è ultra da quai cumpetenta la dretgira al lieu da la sedia da la fatschenta da l'intermediatur u da l'emprestader.

**Art. 35** Renunzia a las dretgiras cumpetentas tenor la lescha

<sup>1</sup> Betg renunziar gia ordavant u tras acceptaziun taciturna a las dretgiras cumpetentas tenor ils artigels 32 fin 34 na pon:

- a. il consument;
- b. il locatari u il fittadin da locals d'abitar u da fatschenta;
- c. il fittadin agricul;
- d. la persuna che tschertga ina piazza u il lavurant.

<sup>2</sup> Resalvada resta la conclusiun d'ina cunvegna davart la dretgira cumpetenta suenter l'entrada da la disputa.

**7. secziun Plants che resultan d'acziuns scumandadas****Art. 36** Princip

Per plants che resultan d'acziuns scumandadas è cumpetenta la dretgira al domicil u a la sedia da la persuna donnegiada u da la partida accusada ubain la dretgira al lieu da l'acziun u da l'eveniment.

**Art. 37** Indemnisaziun dal donn en cas da mesiras preventivas nungiustifitgadas

Per plants sin indemnisiatiun dal donn che resultan tras mesiras preventivas nungiustifitgadas è cumpetenta la dretgira al domicil u a la sedia da la partida accusada u la dretgira al lieu, nua che la mesira preventiva era vegnida ordinada.

**Art. 38** Accidents da vehichels a motor e da velos

<sup>1</sup> Per plants che resultan tras accidents da vehichels a motor e da velos è cumpetenta la dretgira al domicil u a la sedia da la partida accusada u la dretgira al lieu da l'accident.

<sup>2</sup> Per plants cunter il biro naziunal d'assicuranza (art. 74 da la Lescha federala dals 19 da decembre 1958<sup>23</sup> davart il traffic sin via; LTV) u cunter il fond naziunal da garanzia (art. 76 LTV) è ultra da quai cumpetenta la dretgira al lieu d'ina filiala da questas instituziuns.

#### **Art. 38a<sup>24</sup>      Donns nuclears**

<sup>1</sup> Per plants che resultan tras accidents nuclears è stringentamain cumpetenta la dretgira da quel chantun, nua che l'accident ha già lieu.

<sup>2</sup> Sche quest chantun na po betg vegnir defini cun tschertezza, è stringentamain cumpetenta la dretgira da quel chantun, nua che l'implant nuclear dal possessur responsabel è situà.

<sup>3</sup> Sch'i existan pliras dretgiras cumpetantas tenor questas reglas, è stringentamain cumpetenta la dretgira da quel chantun che ha il liom il pli stretg cun l'accident e ch'è pertutgà il pli fitg da las consequenzas da l'accident.

#### **Art. 39      Plant d'adesiun**

Per giuditgar plants civils che vegnan fatgs valair sin via d'adesiun resta resalvada la cumpetenza da la dretgira penala.

### **8. secziun    Dretg da commerzi**

#### **Art. 40      Dretg da societads e register da commerzi<sup>25</sup>**

<sup>1</sup> Per plants da responsabladad che resultan tras il dretg da societads è cumpetenta la dretgira al domicil u a la sedia da la partida accusada u la dretgira a la sedia da la societad.

<sup>2</sup> Per reinscriver in'unitad giuridica stizzada en il register da commerzi è stringentamain cumpetenta la dretgira a l'ultima sedia inscritta da l'unitad giuridica stizzada.<sup>26</sup>

#### **Art. 41<sup>27</sup>**

<sup>23</sup> SR **741.01**

<sup>24</sup> Integrà tras la cifra 1 da l'aggiunta 2, en vigur dapi il 1. da schan. 2022 (AS **2010** 1739; BBI **2006** 7221; AS **2022** 43; BBI **2007** 5397).

<sup>25</sup> Versiun tenor la cifra 2 da l'aggiunta da la LF dals 17 da mars 2017 (dretg dal register da commerzi), en vigur dapi il 1. da schan. 2021 (AS **2020** 957; BBI **2015** 3617).

<sup>26</sup> Integrà tras la cifra 2 da l'aggiunta da la LF dals 17 da mars 2017 (dretg dal register da commerzi), en vigur dapi il 1. da schan. 2021 (AS **2020** 957; BBI **2015** 3617).

<sup>27</sup> Aboli tras la cifra II 1 da la LF dals 28 da sett. 2012, cun effect dapi il 1. da matg 2013 (AS **2013** 1103; BBI **2011** 6873).

**Art. 42** Fusiuns, partiziuns, transfurmaziuns e transferiments da facultad

Per plants che sa basan sin la Lescha da fusun dals 3 d'october 2003<sup>28</sup> è cumpetenta la dretgira a la sedia d'in dals subjects giuridics participads.

**Art. 43** Annnullaziun da vaglias e da polissas d'assicuranza;  
scumond da pajament

1 Per annullar titels da participaziun è stringentamain cumpetenta la dretgira a la sedia da la societad.

2 Per annullar titels da pegr immobigliar è stringentamain cumpetenta la dretgira al lieu, nua ch'il bain immobigliar è vegnì inscrit en il register funsil.

3 Per annullar las ulteriuras vaglias e las polissas d'assicuranza è stringentamain cumpetenta la dretgira al domicil u a la sedia dal debitur.

4 Per pronunziar e per annullar scumonds da pajament che resultan tras cambialas e tras schechs è stringentamain cumpetenta la dretgira al lieu dal pajament.

**Art. 44** Obligaziuns d'emprest

La cumpetenza locala per l'autorisaziun da convocar la radunanza dals crediturs sa drizza tenor l'artitgel 1165 DO<sup>29</sup>.

**Art. 45** Investiziuns collectivas

Per plants dals investiders sco er dal represchentant da la cuminanza dals investiders è stringentamain cumpetenta la dretgira a la sedia dal titular da la permissiun pertutgà.

**9. sezioni Dretg da scussiun e da concurs****Art. 46**

Per plants tenor la Lescha federala dals 11 d'avrigl 1889<sup>30</sup> davart la scussiun ed il concurs (LSC) vegn la cumpetenza locala determinada tenor quest chapitel, nun che la LSC prevesia ina dretgira cumpetenta.

**3. chapitel Recusaziun****Art. 47** Motivs da recusaziun

1 Ina persuna giudiziala prenda recusaziun, sch'ella:

- a. ha in interess personal vi da la chaussa;

<sup>28</sup> SR 221.301

<sup>29</sup> SR 220

<sup>30</sup> SR 281.1

- b. è stada participada a la medema chaussa en in'autra posizion, en spezial sco commembra d'ina autoritat, sco assistenta giuridica, sco experta, sco perditga u seo mediatura extragiudiziala;
  - c. è u era maridada, viva u ha vivi en partenadi registrà u maina facticamain ina communitad da vita cun ina partida, cun ses represchentant u cun ina persuna ch'è stada participada a la medema chaussa sco commembra da l'instanza precedenta;
  - d. è parenta u quinada cun ina partida en lingia directa u fin e cun il terz grad da la lingia laterala;
  - e. è parenta u quinada en lingia directa u en il segund grad da la lingia laterala cun il represchentant d'ina partida u cun ina persuna ch'è stada participada a la medema chaussa sco commembra da l'instanza precedenta;
  - f. pudess esser impligada per auters motivs, en spezial pervia d'amicizia u d'inimicizia cun ina partida u cun ses represchentant.

<sup>2</sup> Nagin motiv da recusaziun per sasez n'è en spezial la cooperaziun:

- a. a la decisiun davart la giurisdicziun gratuita;
  - b. a la procedura da mediaziun;
  - c. a l'avertura da dretg tenor ils artitgels 80 fin 84 LSC<sup>31</sup>;
  - d. a l'ordinaziun da mesiras preventivas;
  - e. a la procedura per la protecziun da la lètg.

## **Art. 48**                    Obligaziun d'annunzia

La persuna giudiziala pertutgada annunzia a temp in eventual motiv da recusazion e prenda recusazion da sai anor, sch'ella è da l'avis ch'il motiv saja avant maun.

## **Art. 49** Dumonda da recusaziun

<sup>1</sup> Ina partida che vul refusar ina persuna giudiziala sto far immediatamain ina du-monda correspondenta a la dretgira, e quai uschespert ch'ella ha survegnì encon-schientscha dal motiv da recusaziun. Ils fatgs che motiveschan la recusaziun ston vegnir fatgs valair vardaivlamax.

<sup>2</sup> La persuna giudiziala pertutgada prenda posiziun davart la dumonda.

Art. 50 Decisiun

<sup>1</sup> Sch'i vegn contestà in motiv da recusazion ch'ina partida fa valair, decida la dretgira.

<sup>2</sup> Cunter la decisiun pon ins far recurs.

31 SB 281 1

**Art. 51** Consequenzas da la violaziun da las prescripcziuns da recusaziun

- 1 Acts uffizials, als quals ina persuna che sto prender recusaziun è stada participada, ston vegnir abolids e repetids, sch'ina partida pretend a quai entaifer 10 dis dapi ch'ella ha survegni enconuschientscha dal motiv da recusaziun.
- 2 Mesiras da cumprova che na pon betg vegnir repetidas dastgan vegnir resguardadas da la dretgira.
- 3 Sch'il motiv da recusaziun vegn scuvrì pir suenter la finizun da la procedura, valan las disposiziuns davart la revisiun.

**3. titel** **Princips da procedura e premissas per in process****1. chapitel** **Princips da procedura****Art. 52** Agir en buna fai

Tut las personas participadas a la procedura ston agir en buna fai.

**Art. 53** Attenziun giuridica

- 1 Las partidas han il dretg d'attenziun giuridica.
- 2 En spezial pon ellas prender invista da las actas e laschar far copias, nun che interess publics u privats predominants s'opponian a quai.

**Art. 54** Publicitat da la procedura

- 1 Las tractativas ed in'eventuala communicaziun da la sentenzia a bucca èn publicas. Las decisiuns vegnan rendidas accessiblas a la publicitat.
- 2 Il dretg chantunal determinescha, sche la tractativa da la sentenzia è publica.
- 3 La publicitat po vegnir exclusa per part u dal tuttafatg, sche l'interess public u sche l'interess degn da vegnir protegi d'ina persuna pertutgada pretend a quai.
- 4 Las proceduras dal dretg da famiglia n'èn betg publicas.

**Art. 55** Princip da tractativa e d'inquisiziun

- 1 Las partidas ston preschentar a la dretgira ils fatgs ch'en la basa da lur dumondas ed inditgar ils meds da cumprova.
- 2 Resalvadas restan disposiziuns legalas davart la constataziun dals fatgs e davart la registraziun uffiziala da las cumprovas.

**Art. 56** Interrogaziun tras la dretgira

Sch'ils arguments d'ina partida èn obscuris, contradicторics, intscherts u evidentamain incumplets, dat la dretgira a questa partida la pussaivladad da sclerir e da cumplettar ses arguments a maun da dumondas correspondentas.

**Art. 57** Dretg applitgà d'uffizi

La dretgira applitgescha d'uffizi il dretg.

**Art. 58** Princip da disposiziun e maxima uffiziala

<sup>1</sup> La dretgira na dastga betg attribuir ad ina partida dapli u insatge auter che quai ch'ella pretenda e betg pli pauc che quai che la cuntrapartida ha renconuschi.

<sup>2</sup> Resalvadas restan disposiziuns legalas, tenor las qualas la dretgira n'è betg liada vi da las propostas da las partidas.

## 2. chapitel Premissas per in process

**Art. 59** Princip

<sup>1</sup> La dretgira entra en in plant u en ina dumonda, sche las premissas per in process èn ademplidas.

<sup>2</sup> Questas premissas èn en spezial las suandantas:

- a. la partida accusanta u petenta ha in interess degn da vegnir protegi;
- b. la dretgira ha la cumpetenza materiala e locala;
- c. las partidas èn capablas dad esser partida e da processar;
- d. la chaussa n'è betg pendenta davant in'autra autoritatad;
- e. la chaussa n'è betg anc vegnida decidida cun vigur legala;
- f. il pajament anticipà e la segirezza per ils custs da process èn vegnids prestads.

**Art. 60** Examinaziun da las premissas per in process

La dretgira examinescha d'uffizi, sche las premissas per in process èn ademplidas.

**Art. 61** Cunvegna da cumpromiss

Sche las partidas han fatg ina cunvegna da cumpromiss davart ina chaussa dispiataivla che po vegnir suttamessa ad in cumpromiss, refusescha la dretgira statala appellada sia cumpetenza, nun che:

- a. la partida accusada haja acceptà la procedura senza resalvas;
- b. la dretgira constateschia che la cunvegna da cumpromiss saja evidentamain nunvalaivla u betg ademplibla; u
- c. la dretgira da cumpromiss na possia betg vegnir nominada per motivs che ston evidentamain vegnir attribuids a la partida accusada en la procedura da cumpromiss.

#### **4. titel      Litispendenza e consequenzas da la retratga dal plant**

##### **Art. 62      Cumenzament da la litispendenza**

<sup>1</sup> Tras l'inoltraziun d'ina dumonda da mediaziun, d'in plant, d'ina dumonda u d'ina dumonda cuminaivla da divorzi cumenza la litispendenza.

<sup>2</sup> A las partidas vegn confermada l'entrada d'in plant u d'ina dumonda.

##### **Art. 63      Litispendenza en cas che la cumpetenza manca ed en cas ch'il tip da procedura è fauss**

<sup>1</sup> Sch'in plant, ch'è vegni retratg u refusà per mancanza da cumpetenza, vegn purtà da nov devant l'autoritat da mediaziun u devant la dretgira cumpetenta entaifer 1 mais dapi la retratga u dapi la decisiu da betg entrar en chaussa, vala la data da l'emprima inoltraziun sco mument da l'entrada da la litispendenza.

<sup>2</sup> Il medem vala, sch'in plant n'è betg vegni inoltrà cun la dretgira procedura.

<sup>3</sup> Resalvads restan ils termins legals spezials per purtar plant tenor la LSC<sup>32</sup>.

##### **Art. 64      Effects da la litispendenza**

<sup>1</sup> La litispendenza ha en spezial ils sustants effects:

- a.    tranter las medemas partidas na po l'object da disputa betg vegnir fatg pendent devant in'autra autoritat;
- b.    la cumpetenza locala vegn mantegnidia.

<sup>2</sup> Per observar in termin legal dal dretg privat che sa basa sin il mument ch'il plant è vegni deponi u inoltrà u che sa basa sin in auter act che iniziescha la procedura, è decisiva la litispendenza tenor questa lescha.

##### **Art. 65      Consequenzas da la retratga dal plant**

Tgi che retira in plant tar la dretgira cumpetenta, na po betg pli manar in segund process cunter la medema partida davart il medem object da disputa, sche la dretgira ha gia tramess il plant a la partida accusada e sche quella n'accepta betg la retratga.

#### **5. titel      Partidas e participaziun da terzas persunas**

##### **1. chapitel    Capacitad d'esser partida e da processar**

##### **Art. 66      Capacitad d'esser partida**

Capabel d'esser partida è tgi ch'è capabel da giudair dretgs u tgi che dastga sa preschentiar sco partida tenor il dretg federal.

<sup>32</sup> SR 281.1

**Art. 67 Capacitad da processar**

- <sup>1</sup> Capabel da processar è, tgi ch'è abel d'agir.
- <sup>2</sup> Per tgi che n'è betg abel d'agir agescha sia represchentanza legala.
- <sup>3</sup> Uschenavant ch'ina persuna inabla d'agir è abla da giuditgar, po ella:
  - a. far diever independentamain da ses dretgs che sa basan sin sia personalitat;
  - b. prender sezza las mesiras provisoricas necessarias, sch'i resulta in privel dal retard.

**2. chapitel Represchentanza da las partidas****Art. 68 Represchentanza contractuala**

- <sup>1</sup> Mintga partida ch'è capabla da processar po sa laschar represchentar en il process.
- <sup>2</sup> Da represchentar professiunalmain las partidas èn autorisads:
  - a. en tut las proceduras: advocats ch'èn autorisads da represchentar partidas davant dretgiras svizras tenor la Lescha dals 23 da zercladur 2000<sup>33</sup> davart las advocatas ed ils advocats;
  - b. davant l'autoritat da mediazoun, en disputas dal dretg patrimonial en la procedura simplifitgada sco er en chaussas da la procedura summarica: curaturs patentads sco er agents da dretg, uschenavant ch'il dretg chantunal prevesa quai;
  - c. en chaussas da la procedura summarica tenor l'artitgel 251 da questa lescha: represchentants professiunals tenor l'artitgel 27 LSC<sup>34</sup>;
  - d. davant dretgiras da locaziun e da lavour: represchentants cun las qualificaziuns professiunalas, uschenavant ch'il dretg chantunal prevesa quai.

<sup>3</sup> Il represchentant sto sa legitimar tras in plainpudair.

<sup>4</sup> La dretgira po ordinar ch'ina partida represchentada stoppia sa preschentar persunalmain davant dretgira.

**Art. 69 Incapacitad d'ina partida**

<sup>1</sup> Sch'ina partida è evidentamain incapabla da processar sezza, la po la dretgira intimar d'incumbensar in represchentant. Sche la partida na dat betg suatientscha a questa intimaziun, nominescha la dretgira in represchentant per ella.

<sup>2</sup> La dretgira infurmescha l'autoritat da proteczion da creschids e d'uffants, sch'ella è da l'avis che mesiras da proteczion sajan inditgadas.<sup>35</sup>

<sup>33</sup> SR **935.61**

<sup>34</sup> SR **281.1**

<sup>35</sup> Versiun tenor l'agiunta 2 cifra 3 da la LF dals 19 da dec. 2008, en vigur dapi il 1. da schan. 2013 (AS **2010** 1739; BBI **2006** 7221; AS **2011** 725; BBI **2006** 7001).

### 3. chapitel Litisconsorzi

#### Art. 70 Litisconsorzi necessari

<sup>1</sup> Sche pliras persunas èn participadas ad ina relaziun giuridica e sch'i po vegnir decidi davart questa relaziun mo cun effect per tuttas, ston ellas accusar u vegnir accusadas cuminaivlamanin.

<sup>2</sup> Ils acts processuals ch'in dals litisconsorts exequescha a temp han in effect er sin ils litisconsorts negligents; exceptà da quai è l'inoltraziun da medis legals.

#### Art. 71 Litisconsorzi simpel

<sup>1</sup> Sch'i duain vegnir giuditgads dretgs ed obligaziuns che sa basan sin fatgs u sin motivs giuridics sumegliants, pon pliras persunas accusar u vegnir accusadas cuminaivlamanin.

<sup>2</sup> Il litisconsorzi simpel è exclus, sch'il medem tip da procedura n'è betg applitgabel per ils singuls plants.

<sup>3</sup> Mintga litisconsort po manar il process independentamain dals auters litisconsorts.

#### Art. 72 Represchentanza cuminaivla

Ils litisconsorts pon designar in represchentant cuminaivel, uschiglio vegnan ils documents consegnads a mintga singul litisconsort.

### 4. chapitel Intervenziun

#### 1. secziun Intervenziun principala

##### Art. 73

<sup>1</sup> Tgi che pretenda d'avair in meglier dretg vi da l'object da disputa, ch'excluda per part u dal tuttafatg omaduas partidas, po purtar plant cunter omaduas partidas davant la dretgira tar la quala il process è pendent en emprima instanza.

<sup>2</sup> La dretgira po ubain sistir il process, fin ch'il plant da l'intervenient principal è liquidà cun vigur legala, ubain unir las proceduras.

#### 2. secziun Intervenziun accessorica

##### Art. 74 Princip

Tgi che fa valair vardaivlamanin in interess giuridic ch'ina disputa pendenta vegnia decidida a favor d'ina da las partidas, po intervegnir da tut temp en il process sco partida secundara e puttamester a la dretgira ina dumonda d'intervenziun per quest intent.

**Art. 75** Dumonda

<sup>1</sup> La dumonda d'intervenziun cuntegna il motiv da l'intervenziun e la designaziun da la partida, a favur da la quala i vegn intervegnì.

<sup>2</sup> La dretgira decida davart la dumonda suenter avair tadtà las partidas. Cunter la decisiun pon ins far recurs.

**Art. 76** Dretgs da l'intervenient

<sup>1</sup> Per sustegnair la partida principala po l'intervenient exequir tut ils acts processualls ch'èn admissibels tenor il stadi da la procedura, en spezial far valair tut ils medis d'attatga e da defensiun ed er inoltrar medis legals.

<sup>2</sup> Sch'ils acts processualls da l'intervenient stattan en cuntradicziun cun ils acts processualls da la partida principala, na vegnan els betg considerads en il process.

**Art. 77** Effects da l'intervenziun

Sch'il resultat dal process è disfavauraivel per la partida principala, ha quai er in effect sin l'intervenient, cun excepcziun dals sustants cas:

- a. l'intervenient è stà impedita da far valair medis d'attatga u da defensiun causa il stadi dal process al mument da sia intervenziun ubain causa acts u omissiuns da la partida principala; u
- b. la partida principala n'ha – intenziunadaman u per greva negligentscha – betg fatg valair medis d'attatga u da defensiun che l'intervenient n'enconuscha betg.

**5. chapitel Convocaziun en ina disputa e delegaziun d'ina disputa****1. secziun Convocaziun simpla en ina disputa****Art. 78** Princips

<sup>1</sup> Ina partida che vul recurrer ad ina terza persuna en cas ch'ella perda il process u che tema las pretensiuns d'ina terza persuna, po convocar questa terza persuna e delegar ad ella il process.

<sup>2</sup> La terza persuna convocada po da sia vart delegar la disputa ad outras persunas.

**Art. 79** Posiziun dal convoca

<sup>1</sup> Il convoca po:

- a. intervegnir senza ulteriuras premissas a favur da la partida che l'ha delegà la disputa; u
- b. manar il process empè da la partida che l'ha delegà la disputa, sche quella dat ses consentiment ch'el fetschia quai.

2 Sch'el refusescha l'intervenziun u na respunda betg, vegn il process cuntinuà senza prender resguard dad el.

#### **Art. 80 Effects da la delegaziun da la disputa**

L'artitgel 77 vala confurm al senn.

### **2. secziun Delegaziun d'ina disputa**

#### **Art. 81 Princips**

1 La partida che deleghescha la disputa po far valair ils dretgs ch'ella crai d'avair cunter il convocà en la disputa davant la dretgira ch'è fatschentada cun il plant principal.

2 Il convocà na po da sia vart betg delegar la disputa ad outras persunas.

3 En la procedura simplifitgada ed en la procedura summarica n'è il plant sin denunzia da la disputa betg admissibel.

#### **Art. 82 Procedura**

1 L'admissiun dal plant sin denunzia da la disputa sto vegnir dumandada cun la resposta al plant u cun la replica en il process principal. Las pretensiuns giuridicas che la partida denunzianta ha l'intenziun da far cunter il denunzià ston vegnir numnadas e motivadas curtamain.

2 La dretgira dat la pussaivladad da prender posizion a la cuntrapartida sco er al denunzià.

3 Sch'il plant sin denunzia da la disputa vegn admess, fixescha la dretgira il mument e la dimensiun da la correspundenza respectiva; l'artitgel 125 resta resalvà.

4 Cunter la decisiun davart l'admissiun dal plant pon ins far recurs.

### **6. chapitel Midada da partida**

#### **Art. 83**

1 Sche l'object da disputa vegn alienà durant il process, po l'acquistader entrar en il process empè da l'alienader.

2 La partida entranta stat buna per tut ils custs da process. Per ils custs da process ch'en resultads fin a la midada da la partida stat buna solidaricamain la partida che sorta.

3 En cas motivads sto la partida entranta prestar – sin dumonda da la cuntrapartida – ina garanzia per l'execuziun da la decisiun.

<sup>4</sup> Senza alienaziun da l'object da disputa è ina midada da partida mo permessa cun il consentiment da la cuntrapartida; resalvadas restan disposiziuns legalas spezialas davart la successiun da dretg.

## 6. titel Plants

### Art. 84 Plant sin condemnazиun ad ina prestaziun

<sup>1</sup> Cun il plant sin condemnazиun ad ina prestaziun pretenda la partida accusanta che la partida accusada vegnia condemnada da far, da tralaschar u da tolerar insatge.

<sup>2</sup> Sch'i vegn pretendì ch'i vegnia pajada ina summa da daners, sto quella vegnir quantifitgada.

### Art. 85 Plant sin ina pretensiun betg quantifitgada

<sup>1</sup> Sch'i n'è betg pussaivel u betg pretendibel che la partida accusanta quantifitgeschia sia pretensiun gia al cumentament dal process, po ella inoltrar in plant sin ina pretensiun betg quantifitgada. Ella sto dentant inditgar ina valur minimala che vala sco valur en dispita provisoria.

<sup>2</sup> Suenter la finiziun da la procedura da cumprova u suenter la furnizun da las infurmaziuns necessarias tras la partida accusada sto la partida accusanta quantifitgar sia pretensiun uschespert ch'ella è en cas da far quai. La dretgira appellada resta cumpetenta, er sche la valur en dispita surpassa la cumpetenza materiala.

### Art. 86 Plant parzial

Sch'ina pretensiun è divisibla, po er vegnir inoltrà in plant mo sin ina part da la pretensiun.

### Art. 87 Plant constitutiv

Cun in plant constitutiv pretenda la partida accusanta la constituziun, la midada u l'aboliziun d'in tschert dretg u d'ina tscherta relaziun giuridica.

### Art. 88 Plant da constataziun

Cun in plant da constataziun pretenda la partida accusanta ch'i vegnia constatà davant dretgira, sch'in dretg u ina relaziun giuridica exista u betg.

### Art. 89 Plant collectiv

<sup>1</sup> Las uniuns e las otras organisaziuns d'impurtanza naziunala u regiunala, ch'en autorisadas sin basa da lur statuts da defender ils interess da tschertas gruppas da personas, pon purtar plant en agen num sin violaziun da la personalitat dals commembers da questas gruppas da personas.

<sup>2</sup> Cun il plant collectiv pon ins pretender:

- a. da scumandar ina violaziun smanatschanta;
- b. d'eliminar ina violaziun existenta;
- c. da constatar l'illegalitat d'ina violaziun, sche quella irritescha vinavant.

<sup>3</sup> Disposiziuns legalas spezialas davart il plant collectiv restan resalvadas.

#### **Art. 90            Accumulaziun da plants**

La partida accusanta po unir en in plant pliras pretensiuns cunter la medema partida, sche:

- a. la medema dretgira ha la cumpetenza materiala en chaussa; e
- b. il medem tip da procedura è applitgabel.

### **7. titel            Valur en disputa**

#### **Art. 91            Princip**

<sup>1</sup> La valur en disputa vegn determinada tras la pretensiun giuridica. Ils tschains ed ils custs da la procedura currenta u d'ina eventuala publicaziun da la decisiun sco er ulteriuras pretensiuns eventualas na vegnan betg resguardads.

<sup>2</sup> En cas che la pretensiun giuridica na cuntegna betg ina summa da daners determinada, fixescha la dretgira la valur en disputa, sche las partidas n'arrivan betg da sa convegnir davart quest punct u sche lur indicaziuns èn evidentamain faussas.

#### **Art. 92            Utilisaziuns e prestaziuns periodicas**

<sup>1</sup> Sco valur d'utilisaziuns u da prestaziuns periodicas vala la valur dal chapital.

<sup>2</sup> En cas d'ina durada intscherta u illimitada vala l'import da l'utilisaziun u da la prestaziun dad 1 onn, multiplitgà cun ventg, sco valur da chapital, en cas da rentas vitalizias la valur en daners.

#### **Art. 93            Litisconsorzi simpel ed accumulaziun da plants**

<sup>1</sup> En cas d'in litisconsorzi simpel e d'ina accumulaziun da plants vegnan adidas las pretensiuns che vegnan fatgas valair, nun ch'ellas excludian ina l'autra.

<sup>2</sup> En cas d'in litisconsorzi simpel vegn mantegnì il tip da procedura, er sche la valur en disputa vegn adida.

#### **Art. 94            Cuntraplant**

<sup>1</sup> Sch'in cuntraplant s'opporna al plant, vegn la valur en disputa determinada tras la pretensiun giuridica pli auta.

<sup>2</sup> Per determinar ils custs da process vegnan adidas las valurs en disputa, nun ch'il plant ed il cuntraplant excludian in l'auter.

## **8. titel      Custoù da process e giurisdicziun gratuita**

### **1. chapitel    Custoù da process**

#### **Art. 95                  Noziuns**

<sup>1</sup> Custoù da process èn:

- a. ils custs da dretgira;
- b. l'indemnisaziun da la partida.

<sup>2</sup> Custoù da dretgira èn:

- a. las pauschalas per la procedura da mediaziun;
- b. las pauschalas per la decisiun (taxa da decisiun);
- c. ils custs per la registrasiun da las cumprovas;
- d. ils custs per la translaziun;
- e. ils custs per la represchentanza da l'uffant (art. 299 e 300).

<sup>3</sup> Sco indemnisiaciun da la partida vala:

- a. l'indemnisaziun da las expensas necessarias;
- b. ils custs d'ina represchentanza professiunala;
- c. en cas motivads: ina indemnisiaciun adequata per malcumadaivladads, sch'ina partida n'ha betg gi in represchentant professiunala.

#### **Art. 96                  Tariffas**

Ils chantuns fixeschan las tariffas per ils custs da process.

#### **Art. 97                  Infurmazиun davart ils custs da process**

Sch'ina partida n'è betg represchentada tras in advocat, l'infurmescha la dretgira davart l'autezza presumtiva dals custs da process sco er davart la giurisdicziun gratuita.

#### **Art. 98                  Pajament anticipà dals custs**

La dretgira po pretender da la partida accusanta in pajament anticipà fin a l'autezza dals custs da dretgira presumtivs.

**Art. 99** Garanzia per l'indemnisaziun da la partida

<sup>1</sup> Sin dumonda da la partida accusada sto la partida accusanta prestar ina garanzia per l'indemnisaziun da la partida accusada, sche:

- a. ses domicil u sia sedia n'è betg en Svizra;
- b. ella para dad esser insolventa, en spezial sch'il concurs è vegnì declerà cunter ella, sch'igl ha lieu ina procedura d'accumodament cunter ella u sch'i èn avant maun attests da perdita;
- c. ella sto anc pajar custs da process anteriurs; u
- d. auters motivs periclitescan considerablamain l'indemnisaziun da la partida.

<sup>2</sup> En cas d'in litisconsorzi necessari sto la segirezza vegnir prestada mo, sch'ina da las premissas è avant maun tar tut ils litisconsorts.

<sup>3</sup> Segirezzas na ston betg vegnir prestadas:

- a. en la procedura simplifitgada, cun excepziun da las dispitas dal dretg matrimonial tenor l'artitgel 243 alinea 1;
- b. en la procedura da divorzi;
- c. en proceduras summaricas, cun excepziun da la protecziun giuridica en cas clers (art. 257);
- d.<sup>36</sup> en proceduras pervia d'ina disputa tenor la LPD<sup>37</sup>.

**Art. 100** Gener ed autezza da la garanzia

<sup>1</sup> La garanzia po vegnir prestada en daners ubain cun pajar in garanzia tar ina banca domiciliada en Svizra u tar ina societat d'assicuranzas ch'è admissa al commerzi en Svizra.

<sup>2</sup> La dretgira po augmentar, reducir u abolir posteriuramain la segirezza che sto vegnir prestada.

**Art. 101** Prestaziun dal pajament anticipà e da la garanzia

<sup>1</sup> La dretgira fixescha in termin per prestar il pajament anticipà e la garanzia.

<sup>2</sup> Mesiras preventivas po ella ordinar già avant che la garanzia vegnia prestada.

<sup>3</sup> Sch'il pajament anticipà u la garanzia na vegn er betg prestà entaifer in termin prolungà, n'entra la dretgira betg en il plant u en la dumonda.

**Art. 102** Pajament anticipà per la registraziu da las cumprovas

<sup>1</sup> Mintga partida sto pajar ordavant las expensas da la dretgira che resultan tras la registraziu da las cumprovas che la partida ha dumandà.

<sup>36</sup> Integrà tras la cifra II 24 da l'agiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>37</sup> SR 235.1

<sup>2</sup> Sche las partidas dumondan il medem med da cumprova, sto mintga partida pajar ordavant la mesadat da las expensas.

<sup>3</sup> Sch'ina partida na paja betg ordavant ses custs, po l'autra partida far quai; cas cuntrari na vegnan las cumprovas betg registradas. Resalvadas restan disputas, en las qualas la dretgira sto examinar d'uffizi ils fatgs.

#### **Art. 103 Meds legals**

Cunter las decisiuns davart la prestaziun da pajaments anticipads e da garanzia pon ins far recurs.

### **2. chapitel Repartiziun e liquidaziun dals custs da process**

#### **Art. 104 Decisiun davart ils custs da process**

<sup>1</sup> Davart ils custs da process decida la dretgira per regla en la decisiun finala.

<sup>2</sup> En cas d'ina decisiun intermediara (art. 237) pon vegnir repartids ils custs da process ch'èn resultads fin a quest mument.

<sup>3</sup> Davart ils custs da process da mesiras preventivas po vegnir decidì ensemble cun la chaussa principala.

<sup>4</sup> En ina decisiun da refusazion po l'instance superiura surlaschar a l'instance precedenta da reparter ils custs da process da la procedura da meds legals.

#### **Art. 105 Fixaziun e repartiziun dals custs da process**

<sup>1</sup> Ils custs da dretgira vegnan fixads e repartids d'uffizi.

<sup>2</sup> L'indemnisaziun da la partida vegr concedida da la dretgira tenor las tariffas (art. 96). Las partidas pon inoltrar ina nota dals custs.

#### **Art. 106 Princips da repartiziun**

<sup>1</sup> Ils custs da process vegnan adossads a la partida perdenta. Sch'i na vegn betg entrà en chaussa e sch'il plant vegr retratg, vala la partida accusanta sco partida perdenta; sch'il plant vegr renconuschì, è la partida accusada la partida perdenta.

<sup>2</sup> Sche ni l'ina ni l'autra partida n'ha gudagnà cumplettamain, vegnan ils custs da process repartids tenor il resultat da la procedura.

<sup>3</sup> Sche pliras persunas èn participadas al process sco partidas principales u secundaras, fixescha la dretgira la part dals custs da process che mintgina sto surpigliar. Ella po er decider che mintgina stoppia star buna solidaricamain.

**Art. 107 Repartizjun tenor agen giudicat**

1 La dretgira po divergiar dals princips da repartizjun e reparter ils custs da process tenor agen giudicat:

- a. sch'il plant è vegni approvà da princip, dentant betg en l'autezza da la pretensiun, e sche questa autezza è stada dependenta dal giudicat da la dretgira u sch'igl è stà difficult da quantifitgar la pretensiun;
- b. sch'ina partida ha gî motivs da buna fai da manar il process;
- c. en proceduras dal dretg da famiglia;
- d. en proceduras concernent il partenadi registrâ;
- e. sche la procedura è vegnida strigada pervia da mancanza d'object e sche questa lescha na dispona nagut auter;
- f. sch'i dat autres circumstanzas spezialas che laschan parair inadequata ina repartizjun tenor il resultat da la procedura.

<sup>1bis</sup> Sch'in plant dal dretg da societads che pretend a la prestaziun a la societat vegn refusà, po la dretgira reparter ils custs da process tenor agen giudicat sin la societat e sin la partida accusanta.<sup>38</sup>

2 Per motivs d'adequatezza po la dretgira adossar al chantun ils custs da dretgira che ni ina partida ni terzas persunas n'hant chaschunà.

**Art. 108 Custs da processunnecessaryaris**

Ils custs da processunnecessaryaris ston vegnir pajads da quel ch'als chaschuna.

**Art. 109 Repartizjun en cas d'accord**

1 En cas d'in accord giudizial surpiglia mintga partida ils custs da process confurm a l'accord.

2 Ils custs vegnan repartids tenor ils artitgels 106 fin 108, sche:

- a. l'accord na cuntegna nagina regulaziun; u
- b. la regulaziun prendida disfavurisescha unilateralmain la partida, a la quala è vegnida concedida la giurisdicziun gratuita.

**Art. 110 Meds legals**

La decisiuon da custs è contestabla en moda independenta mo cun in recurs.

**Art. 111 Liquidaziun dals custs da process**

1 Ils custs da dretgira vegnan cumpensads cun ils pajaments anticipads che las partidas han prestâ. La summa restanta va a quint da la partida ch'è sentenziada da pajar ils custs.

<sup>38</sup> Integrà tras la cifra 2 da l'aggiunta da la LF dals 17 da mars 2017 (dretg dal register da commerzi), en vigur dapi il 1. da schan. 2021 (AS 2020 957; BBI 2015 3617).

<sup>2</sup> La partida ch'è sentenziada da pajar ils custs sto restituir a l'autra partida ils pajaments anticipads prestads e pajar l'indemnisaziun che la dretgira ha concedì a la partida.

<sup>3</sup> Resalvadas restan las disposiziuns davart la giurisdicziun gratuita.

#### **Art. 112 Prorogaziu, relasch, scadenza e tschains dals custs da dretgira**

<sup>1</sup> Per pajar ils custs da dretgira po vegnir concedì in termin da prorogaziu ed en cas da basegnusadad permanenta pon ils custs da dretgira vegnir relaschads.

<sup>2</sup> Las pretensiuns seandan 10 onns suenter la finiziu da la procedura.

<sup>3</sup> Il tschains da retard importa 5 pertschient.

### **3. chapitel Regulaziuns spezialas areguard ils custs**

#### **Art. 113 Procedura da mediaziun**

<sup>1</sup> En la procedura da mediaziun na vegnan concedidas naginas indemnisiations da las partidas. Resalvada resta l'indemnisaziun d'in assistent giuridic gratuit tras il chantun.

<sup>2</sup> Nagins custs da dretgira na vegnan concedids en dispitas:

- a. tenor la Lescha d'egalidad dals 24 da mars 1995<sup>39</sup>;
- b. tenor la Lescha dals 13 da december 2002<sup>40</sup> davart l'egalidad da persunas cun impediments;
- c. che resultan tras la locaziun e tras la fittanza da locals d'abitar e da fatschenta sco er tras la fittanza agricula;
- d. che resultan tras la relaziun da lavour sco er tenor la Lescha dals 6 d'october 1989<sup>41</sup> davart l'intermediaziun da lavour fin ad ina valur en disputa da 30 000 francs;
- e. tenor la Lescha da participaziun dals 17 da december 1993<sup>42</sup>;
- f. che resultan tras assicuranzas supplementaras a l'assicuranza da malsauns sociala tenor la Lescha federala dals 18 da mars 1994<sup>43</sup> davart l'assicuranza da malsauns;
- g.<sup>44</sup> tenor la LPD<sup>45</sup>.

<sup>39</sup> SR **151.1**

<sup>40</sup> SR **151.3**

<sup>41</sup> SR **823.11**

<sup>42</sup> SR **822.14**

<sup>43</sup> SR **832.10**

<sup>44</sup> Integrà tras la cifra II 24 da l'agiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBI **2017** 6941).

<sup>45</sup> SR **235.1**

**Art. 114** Procedura da decisiun

En la procedura da decisiun na vegnan concedids nagins custs da dretgira en disputas:

- a. tenor la Lescha d'egalitatad dals 24 da mars 1995<sup>46</sup>;
- b. tenor la Lescha dals 13 da december 2002<sup>47</sup> davart l'egalitatad da persunas cun impediments;
- c. che resultan tras la relaziun da lavur sco er tenor la Lescha dals 6 d'october 1989<sup>48</sup> davart l'intermediaziun da lavur fin ad ina valur en disputa da 30 000 francs;
- d. tenor la Lescha da participaziun dals 17 da december 1993<sup>49</sup>;
- e. che resultan tras assicuranzas supplementaras a l'assicuranza da malsauns sociala tenor la Lescha federala dals 18 da mars 1994<sup>50</sup> davart l'assicuranza da malsauns;
- f.<sup>51</sup> pervia da violenza, smanatschas u persecuziuns tenor l'artitgel 28b CCS<sup>52</sup> u concernent la surveglianza electronica tenor l'artitgel 28c CCS;
- g.<sup>53</sup> tenor la LPD<sup>54</sup>.

**Art. 115** Obligazion da surpigliar ils custs

<sup>1</sup> En cas da process che vegnan manads da mala fai u da levsenn pon ils custs da dretgira vegnir adossads ad ina partida er en proceduras gratuitas.

<sup>2</sup> En cas da disputas tenor l'artitgel 114 litera f pon ils custs da dretgira vegnir adossads a la partida che ha pers, sch'i vegn ordinà in scumond cunter ella tenor l'artitgel 28b CCS<sup>55</sup> u ina surveglianza electronica tenor l'artitgel 28c CCS.<sup>56</sup>

**Art. 116** Liberaziun dals custs tenor il dretg chantunal

<sup>1</sup> Ils chantuns pon conceder ulteriuras liberaziuns dals custs da process.

<sup>2</sup> Liberaziuns ch'in chantun concede a sasez, a sias vischnancies ed ad outras corporaziuns da dretg chantunal valan er per la Confederaziun.

<sup>46</sup> SR 151.1

<sup>47</sup> SR 151.3

<sup>48</sup> SR 823.11

<sup>49</sup> SR 822.14

<sup>50</sup> SR 832.10

<sup>51</sup> Integrà tras la cifra I 2 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

<sup>52</sup> SR 210

<sup>53</sup> Integrà tras la cifra II 24 da l'agiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

<sup>54</sup> SR 235.1

<sup>55</sup> SR 210

<sup>56</sup> Integrà tras la cifra I 2 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

## **4. chapitel Giurisdicziun gratuita**

### **Art. 117 Dretg**

Ina persuna ha il dretg sin la giurisdicziun gratuita, sche:

- a. ella n'ha betg ils medis finanzials necessaris; e
- b. sia pretensiun giuridica na para betg dad esser invana.

### **Art. 118 Dimensiuon**

<sup>1</sup> La giurisdicziun gratuita cumpiglia:

- a. la liberaziun da la prestaziun da pajaments anticipads e da garanzias;
- b. la liberaziun dals custs da dretgira;
- c. la nominaziun giudiziala d'in assistent giuridic, sche quai è necessari per defender ils dretgs, en spezial sche la cuntrapartida è representada tras in advocat; l'assistent giuridic po vegnir nominà già per la preparaziun dal process.

<sup>2</sup> La giurisdicziun gratuita po vegnir concedida per part u cumplainamain.

<sup>3</sup> Ella na liberescha betg da pajar ina indemnisiun a la cuntrapartida.

### **Art. 119 Dumonda e procedura**

<sup>1</sup> La dumonda da giurisdicziun gratuita po vegnir fatga avant u suenter l'entrada da la litispendenza.

<sup>2</sup> Il petent sto infurmar davart sias entradas e facultads e s'exprimer tant davart la chaussa sco er davart sias cumprovas. En la dumonda po el designar il num da l'assistent giuridic giavischà.

<sup>3</sup> La dretgira decida davart la dumonda en ina procedura summarica. La cuntrapartida po vegnir tadlada. Ella sto adina vegnir tadlada, sche la giurisdicziun gratuita duai cumpigliar la prestaziun da la segirezza per l'indemnisaziun da la partida.

<sup>4</sup> Excepziunalmain po la giurisdicziun gratuita vegnir concedida retroactivamain.

<sup>5</sup> En la procedura da medis legals sto la giurisdicziun gratuita vegnir dumandada da nov.

<sup>6</sup> Cun excepziun da mala fai e da levsenn na vegnan incassads nagins custs da dretgira en la procedura da giurisdicziun gratuita.

### **Art. 120 Retratga da la giurisdicziun gratuita**

La dretgira retira la giurisdicziun gratuita, sche las premissas per tala n'existan betg pli u n'han mai existi.

**Art. 121** Meds legals

Cunter la decisiun che refusescha u che retira per part u cumplainamain la giurisdicziun gratuita pon ins far recurs.

**Art. 122** Liquidaziun dals custs da process

1 Sche la partida, a la quala la giurisdicziun gratuita è veginida concedida, perda, veggan ils custs da process liquidads sco suonda:

- a. l'assistant giuridic gratuit vegin indemnisià adequatamain tras il chantun;
- b. ils custs da dretgira van a quint dal chantun;
- c. a la cuntrapartida veggan restituids ils pajaments anticipads prestads;
- d. la partida, a la quala la giurisdicziun gratuita è veginida concedida, sto pajar l'indemnisaziun a la cuntrapartida.

2 Sche la partida, a la quala la giurisdicziun gratuita è veginida concedida, gudogna e sche l'indemnisaziun da la partida n'è betg u probablamain betg incassable, vegin l'assistant giuridic gratuit indemnisià adequatamain tras il chantun. Cun il pajament va la pretensiun al chantun.

**Art. 123** Restituziun

1 Ina partida, a la quala la giurisdicziun gratuita è veginida concedida, sto pajar enavos quella, uschespert ch'ella è en cas da far quai.

2 Il dretg dal chantun scada 10 onns suenter la fin da la procedura.

**9. titel** **Direcziun dal process, agir processual e termins****1. chapitel** **Direcziun dal process****Art. 124** Princips

1 La dretgira maina il process. Ella decretescha las disposiziuns processualas necessarias per preparar e per realisar la procedura en moda speditiva.

2 La direcziun dal process po veginir delegada ad in commember da la dretgira.

3 La dretgira po empruvar da tut temp da chattar ina cunvegna tranter las partidas.

**Art. 125** Simplificaziun dal process

Per simplifitgar il process po la dretgira en spezial:

- a. restrenscher la procedura a singulas dumondas u pretensiuns giuridicas;
- b. separar plants ch'èn veginids inoltrads cuminaivlamain;
- c. unir plants ch'èn veginids inoltrads independentamain;
- d. separar in cuntraplant da la procedura principala.

**Art. 126 Sistida da la procedura**

<sup>1</sup> La dretgira po sistir la procedura, sche l'opportunitad pretenda quai. La procedura po vegnir sistida en spezial, sche la decisum dependa dal resultat d'ina autra procedura.

<sup>2</sup> Cunter la sistida pon ins far recurs.

**Art. 127 Surdada en cas da proceduras connexas**

<sup>1</sup> En cas che plants, chestattan en in connex material in cun l'auter, èn pendents tar differentas dretgiras, po la dretgira ch'è vegnida appellada pli tard surdar il plant ch'è pendent tar ella a la dretgira ch'è vegnida appellada sco emprima, sche quella è d'accord cun quai.

<sup>2</sup> Cunter la surdada pon ins far recurs.

**Art. 128 Disciplina en la procedura e process da levsenn**

<sup>1</sup> Tgi che violescha las reglas da maniera u disturba l'andament da la procedura davant dretgira, vegn chastià cun ina reprimanda u cun ina multa disciplinara fin a 1000 francs. Ultra da quai po la dretgira ordinari che questa persuna vegnia exclusa da la tractativa.

<sup>2</sup> Per exequir sias ordinaziuns po la dretgira clamar la polizia.

<sup>3</sup> En cas da process che vegnan manads da mala fai u da levsenn pon las partidas e lur represchentants vegnir chastiads cun ina multa disciplinara fin a 2000 francs ed en cas da repetiziun fin a 5000 francs.

<sup>4</sup> Cunter la multa disciplinara pon ins far recurs.

**2. chapitel Furmas da l'agir processual****1. secziun Lingua da procedura****Art. 129**

La procedura vegn manada en la lingua uffiziala dal chantun cumpetent. En cas da pluris linguas uffizialas reglan ils chantuns il diever da las linguas.

**2. secziun Inoltraziuns da las partidas****Art. 130<sup>57</sup> Furma**

<sup>1</sup> Las inoltraziuns ston vegnir consegnadas a la dretgira sin palpiti u sin via electronica. Ellas ston vegnir suffascrittas.

<sup>57</sup> Versiun tenor la cifra II 5 da l'aggiunta da la LF dals 18 da mars 2016 davart la signatura electronica, en vigur dapi il 1. da schan. 2017 (AS 2016 4651; BBI 2014 1001).

<sup>2</sup> En cas d'ina consegna electronica sto l'inoltraziun vegin munida cun ina signatura electronica qualifitgada tenor la Lescha federala dals 18 da mars 2016<sup>58</sup> davart la signatura electronica. Il Cussegli federal regla:

- a. il format da l'inoltraziun e da sias agiuntas;
- b. la moda e maniera da la transmissiun;
- c. las premissas, sut las qualas i po veginir pretendi ch'ils documents veginian anc tramess sin palpieri en cas da problems tecnics.

### **Art. 131 Dumber**

En cas d'ina inoltraziun sin via electronica stoi esser avant maun in exemplar da l'inoltraziun e da las agiuntas per la partida ed in exemplar da l'inoltraziun e da las agiuntas per mintga cuntrapartida; cas cuntrari po la dretgira ubain fixar in termin posteriur per furnir quai ubain far las copias necessarias sin donn e cust da la partida.

### **Art. 132 Inoltraziuns manglusas, querulantas e giuridicamain abusivas**

<sup>1</sup> Mancanzas, sco la mancanza da la suittascripziun u dal plainpudair, ston veginir curregidas entaifer in termin che vegin fixà da la dretgira. Cas cuntrari na vegin l'inoltraziun betg considerada.

<sup>2</sup> Il medem vala per inoltraziuns illegiblas, nuncunvegnentas, nunchapiblas u bler memia extendidas.

<sup>3</sup> Inoltraziuns querulantas e giuridicamain abusivas veginan tramessas enavos al speditur senza commentari.

## **3. secziun Citaziun giudiziala**

### **Art. 133 Cuntegn**

La citaziun cuntegna:

- a. il num e l'adressa da la persuna citada;
- b. l'object dal process e las partidas;
- c. la qualitat, en la quala la persuna vegin citada;
- d. il lieu, la data e las uras che la persuna citada sto cumparair;
- e. l'act processual, al qual la persuna vegin citada;
- f. las consequenzas da la negligentscha;
- g. la data da la citaziun e la suittascripziun da la dretgira.

<sup>58</sup> SR 943.03

**Art. 134** Termin

La citazion sto vegnir tramessa almain 10 dis avant il termin da l'audiziun, nun che questa lescha disponia insatge auter.

**Art. 135** Spustament dal termin d'audiziun

La dretgira po spustar il termin d'audiziun per motivs suffizients:

- a. d'uffizi; u
- b. sche quai vegn dumandà avant il termin.

**4. secziun Consegnna giudiziala****Art. 136** Documents da consegnar

A las persunas pertutgadas trametta la dretgira en spezial:

- a. citaziuns;
- b. disposiziuns e decisiuns;
- c. inoltraziuns da la cuntrapartida.

**Art. 137** En cas da represchentanza

Sch'ina partida vegn represchentada, vegnan ils documents tramess al represchentant.

**Art. 138** Furma

<sup>1</sup> Citaziuns, disposiziuns e decisiuns vegnan consegnadas per posta recumandada u confirmond la recepziun en autra moda.

<sup>2</sup> La consegna vegn considerada sco succedida, sche la spediziun è vegnida recepida da l'adressat u d'ina persuna che ha almain 16 onns e ch'è emploiada u che viva en la medema chasada. Resalvadas restan ordinaziuns da la dretgira da consegnar in document persunalmain a l'adressat.

<sup>3</sup> Plinavant vegn la consegna considerada sco succedida:

- a. en cas d'ina spediziun postalà recumandada che n'è betg vegnida retratga: il 7. di suenter ch'igl è vegnì empruvà da consegnar la spediziun senza success, sche la persuna stueva far quint cun ina consegna;
- b. en cas d'ina consegna persunala, sche l'adressat refusescha da recepir la spediziun e sche quai vegn attestà dal consegner: il di da la refusa.

<sup>4</sup> Autras spediziuns po la dretgira consegnar per posta normala.

**Art. 139<sup>59</sup>** Consegnna electronica

<sup>1</sup> Cun il consentiment da la persuna pertutgada pon citaziuns, disposiziuns e decisiuns vegnir consegnadas sin via electronica. Ellas ston vegnir munidas cun ina signatura electronica tenor la Lescha federala dals 18 da mars 2016<sup>60</sup> davart la signatura electronica.

<sup>2</sup> Il Cussegli federal regla:

- a. la signatura che sto vegnir utilisada;
- b. il format da las citaziuns, da las disposiziuns e da las decisiuns sco er da lur agiuntas;
- c. la moda e maniera da la transmissiun;
- d. il mument, il qual la citaziun, la disposizion u la decisiun vala sco consegnada.

**Art. 140** Domicil da consegna

A partidas cun domicil u cun sedia a l'exterior po la dretgira ordinari da designar in domicil da consegna en Svizra.

**Art. 141** Publicaziun uffiziala

<sup>1</sup> La consegna vegn fatga tras ina publicaziun en il Fegl uffizial chantunal u en il Fegl uffizial svizzer da commerzi, sche:

- a. il lieu da dimora da l'adressat n'è betg enconuschent e na po betg vegnir eruì, malgrà retschertgas pretendiblas;
- b. ina consegna n'è betg pussaivla u fiss colliada cun malcumadaivladads extraordinarias;
- c. ina partida cun domicil u cun sedia a l'exterior n'ha – cuntrari a l'ordinaziun da la dretgira – betg designà in domicil da consegna en Svizra.

<sup>2</sup> La consegna vegn considerada sco succedida il di da la publicaziun.

**3. chapitel Periodas da scadenza, negligentscha e restituziun****1. secziun Periodas da scadenza****Art. 142** Cumenzament e calculaziun

<sup>1</sup> Periodas da scadenza che dependan d'ina communicaziun u d'in eveniment, cumenzan il di suenter.

<sup>59</sup> Versiun tenor la cifra II 5 da l'aggiunta da la LF dals 18 da mars 2016 davart la signatura electronica, en vigur dapi il 1. da schan. 2017 (AS 2016 4651; BBI 2014 1001).

<sup>60</sup> SR 943.03

<sup>2</sup> Sche la perioda da scadenza è calculada en mais, finescha ella l'ultim mais, e quai quel di che ha la medema cifra sco il di che la perioda da scadenza ha cumenzà. Sch'il di correspondent manca, finescha il termin l'ultim di dal mais.

<sup>3</sup> Sche l'ultim di d'ina perioda da scadenza è ina sonda, ina dumengia u in firà renconuschì en il lieu da dretgira tras il dretg federal u chantunal, finescha il termin il proxim lavurdi.

#### Art. 143 Observaziun

<sup>1</sup> Las inoltraziuns ston vegnir consegnadas a la dretgira il pli tard l'ultim di da la perioda da scadenza u surdadas – per mauns da la dretgira – a la Posta svizra u ad ina represchentanza svizra diplomatica u consulara.

<sup>2</sup> Per l'observaziun d'in termin en cas d'ina inoltraziun electronica è decisiv il moment, il qual vegn emessa la quittanza che conferma che la partida ha terminà tut ils pass ch'en necessaris per la transmissiun.<sup>61</sup>

<sup>3</sup> La perioda da scadenza per in pajament a la dretgira è observada, sche l'import è vegni surdà a la Posta svizra u pajà sin in conto da posta u da banca en Svizra a favur da la dretgira, e quai il pli tard l'ultim di da la perioda da scadenza.

#### Art. 144 Prolungaziun

<sup>1</sup> Las periodas legalas na pon betg vegnir prolungadas.

<sup>2</sup> Per motivs sufficients pon las periodas giudizialas da scadenza vegnir prolungadas, sche la dretgira vegn dumandada da far quai avant la fin da la perioda da scadenza.

#### Art. 145 Interrupziun da las periodas da scadenza

<sup>1</sup> Las periodas da scadenza legalas e giudizialas vegnan interruttas:

- dal 7. di avant Pasca fin e cun il 7. di suenter Pasca;
- dals 15 da fanadur fin e cun ils 15 d'avust;
- dals 18 da december fin e cun ils 2 da schaner.

<sup>2</sup> Questa interrupziun da las periodas da scadenza na vala betg per:

- la procedura da mediazjuni;
- la procedura summarica.

<sup>3</sup> Las partidas ston vegnir rendidas attentas a las excepiuns tenor l'alinea 2.

<sup>4</sup> Resalvadas restan las disposiziuns da la LSC<sup>62</sup> davart las vacanzas da scussiun e davart il moratori.

<sup>61</sup> Versiun tenor la cifra II 5 da l'aggiunta da la LF dals 18 da mars 2016 davart la signatura electronica, en vigur dapi il 1. da schan. 2017 (AS 2016 4651; BBl 2014 1001).

<sup>62</sup> SR 281.1

**Art. 146 Effects da l'interrupziun**

- 1 Sche la consegna ha lieu durant ina interrupziun, cumenza la perioda da scadenza il 1. di suenter la fin da l'interrupziun.
- 2 Durant l'interrupziun da la perioda da scadenza n'han lieu naginas tractativas giudizialas, nun che las partidas sajan d'accord cun quai.

**2. secziun Negligentscha e restituziun****Art. 147 Negligentscha e consequenzas**

- 1 Ina partida è negligenta, sch'ella n'exequesch betg in act processual entaifer il termin fixà u sch'ella na cumpara betg ad in termin.
- 2 La procedura vegn cuntinuada senza l'act negligì, nun che questa lescha disponia insatge auter.
- 3 La dretgira renda attentas las partidas a las consequenzas da la negligentscha.

**Art. 148 Restituziun**

- 1 Sin dumonda d'ina partida negligenta po la dretgira conceder in termin posteriur u citar la partida ad in nov termin, sch'ella fa valair vardaivlamain ch'ella n'haja nagina culpa u mo ina pitschna culpa da la negligentscha.
- 2 La dumonda sto vegnir inoltrada entaifer 10 dis suenter ch'il motiv da negligentscha è scrudà.
- 3 Sch'ina decisiun è vegnida communitgada, po la restituziun vegnir pretendida mo entaifer 6 mais dapi che la decisiun è entrada en vigur.

**Art. 149 Procedura da restituziun**

La dretgira dat a la cuntrapartida la pussaivladad da prender posiziun e decida alura definitivamain.

**10. titel Cumprova****1. chapitel Disposiziuns generalas****Art. 150 Object da la cumprova**

- 1 L'object da la cumprova èn fatgs disputaiveis, giuridicamain relevanti.
- 2 L'object da la cumprova pon er esser l'isanza, l'isanza locala, ed – en disputas dal dretg patrimonial – il dretg ester.

**Art. 151** Fatgs enconuschents

Fatgs notorics ed enconuschents a la dretgira sco er experientschas generalmain renconuschidas na dovran nagina cumprova.

**Art. 152** Dretg d'inoltrar cumprovas

<sup>1</sup> Mintga partida ha il dretg che la dretgira acceptia las cumprovas adattadas ch'ella inoltrescha en moda formalmain correcta ed entaifer il termin fixà.

<sup>2</sup> Cumprovas acquistadas en moda illegala vegnan resguardads mo, sche l'interess da chattar la vardad predominesch.

**Art. 153** Cumprovas registradas d'uffizi

<sup>1</sup> La dretgira registrescha d'uffizi las cumprovas, sch'ils fatgs ston vegnir cumprovads d'uffizi.

<sup>2</sup> Ella po registrar d'uffizi las cumprovas, sch'i dat dubis considerabels ch'in fatg betg disputaivel saja correct.

**Art. 154** Decrets areguard las cumprovas

Avant che las cumprovas vegnan acceptadas, ston vegnir formulads ils decrets necessaris areguard las cumprovas. En quels vegnan surtut numnadas las cumprovas admissas ed i vegn fixà, per tge fatgs che mintga partida sto furnir cumprovas e contraprovas. Il decret areguard las cumprovas po adina vegnir midà u cumplettà.

**Art. 155** Examinaziun da las cumprovas

<sup>1</sup> L'examinaziun da las cumprovas po vegnir delegada ad in u a plirs commembers da la dretgira.

<sup>2</sup> Per motivs impurtants po ina partida pretender che la dretgira sentenzianta examine-schia las cumprovas.

<sup>3</sup> Las partidas han il dretg da sa participar a l'examinaziun da las cumprovas.

**Art. 156** Proteczjuni d'interess degns da vegnir protegids

Sche l'examinaziun da las cumprovas pericletescha ils interess degns da vegnir protegids d'ina partida u da terzas persunas, sco en spezial ses secrets da fatschenta, prenda la dretgira las mesiras necessarias.

**Art. 157** Liber giudicat a basa da las cumprovas

La dretgira fa sias conclusiuns giuditgond libramain las cumprovas.

**Art. 158** Cumprovas preventivas

<sup>1</sup> La dretgira examinescha da tut temp las cumprovas, sche:

- a. la lescha conceda in dretg correspondent; u
  - b. la partida petenta fa valair vardaivlamanin che las cumprovas èn periclitadas u ch'i dat in interess degn da vegnir protegi.
- 2 I vegnan applitgadas las disposiziuns davart las mesiras preventivas.

#### **Art. 159        Organs d'ina persuna giuridica**

Sch'ina persuna giuridica è partida, vegnan ses organs tractads en la procedura da cumprova sco ina partida.

### **2. chapitel    Obligaziun da cooperar e dretg da refusar la cooperaziun**

#### **1. secziun     Disposiziuns generalas**

##### **Art. 160        Obligaziun da cooperar**

1 Las partidas e terzas personas èn obligadas da cooperar a la registraziun da las cumprovas. En spezial ston ellas:

- a. dir la vardad sco partidas u sco perditgas;
- b.<sup>63</sup> consegnar documents; exceptads da quai èn documents or dal contact d'ina partida u d'ina terza persuna cun in advocat ch'è autorisà da represchentar professiunalmain la partida u la persuna u cun in advocat da patenta en il senn da l'artitgel 2 da la Lescha federala dals 20 da mars 2009<sup>64</sup> davart las advocatas ed ils advocats da patenta;
- c. tolerar ch'experts fan ina inspecziun da lur persuna u da lur proprietad.

2 Davart l'obligaziun da cooperar d'ina persuna minorenna decida la dretgira tenor ses agen bainparair.<sup>65</sup> Ella resguarda il bainstar da l'uffant.

3 Terzas personas ch'èn obligadas da cooperar han il dretg da vegnir indemnisisadas adequatamain.

##### **Art. 161        Infurmaziun**

1 La dretgira infurmescha las partidas e terzas personas davart l'obligaziun da cooperar, davart il dretg da refusar la cooperaziun e davart las consequenzas da la negligentscha.

2 Sch'ella tralascha l'infurmaziun davart il dretg da refusar la cooperaziun, dastga ella mo resguardar las cumprovas registradas, sche la persuna pertutgada dat ses consentiment u sche la refusa fissa stada nungiustifitgada.

<sup>63</sup> Versiun tenor la cifra I 4 da la LF dals 28 da sett. 2012 davart l'adattaziun da disposiziuns da procedura concernent il secret professiunal dals advocats, en vigur dapi il 1. da matg 2013 (AS 2013 847; BBI 2011 8181).

<sup>64</sup> SR 935.62

<sup>65</sup> Versiun tenor l'agiunta 2 cifra 3 da la LF dals 19 da dec. 2008, en vigur dapi il 1. da schan. 2013 (AS 2010 1739; BBI 2006 7221; AS 2011 725; BBI 2006 7001).

**Art. 162 Cooperaziun refusada giustifitgadomain**

Sch'ina partida u ina terza persuna refusescha giustifitgadomain la cooperaziun, na dastga la dretgira trair naganas conclusiuns areguard il fatg che sto vegnir cumprovà.

**2. secziun Dretg da las partidas da refusar la cooperaziun****Art. 163 Dretg da refusa**

<sup>1</sup> Ina partida po refusar la cooperaziun, sch'ella:

- a. exponiss in da ses proxims en il senn da l'artitgel 165 ad ina persecuziun penaia u a la responsabludad civila;
- b. sa faschess chastiabla pervia da la violazion d'in secret tenor l'artitgel 321 dal Cudesch penal<sup>66</sup> (CP); exceptads èn ils revisurs; l'artitgel 166 alinea 1 litera b, terza part, vala tenor il senn.

<sup>2</sup> Persunas che portan auters secrets ch'èn protegids tras la lescha pon refusar la cooperaziun, sch'ellas fan valair vardaivlamain che l'interess da tegnair secret predominescha l'interess da chattar la vardad.

**Art. 164 Refusa nungiustifitgada**

Sch'ina partida refusescha nungiustifitgadomain la cooperaziun, vegn quai resguardà da la dretgira cun giuditgar las cumprovas.

**3. secziun Dretg da terzas persunas da refusar la cooperaziun****Art. 165 Dretg cumplessiv da refusar la cooperaziun**

<sup>1</sup> Refusar mintga cooperaziun po:

- a. tgi ch'è u era maridà cun ina partida u maina facticamain ina communitad da vita cun ina partida;
- b. tgi che ha uffants cuminaivelis cun ina partida;
- c. tgi ch'è parent u quinà cun ina partida en lingia directa u fin e cun il terz grad da la lingia laterala;
- d. ils geniturs da tgira, ils uffants confidads ed ils uffants tratgs si sco fragliuns d'ina partida;
- e.<sup>67</sup> la persuna nominada per l'avugadia u per la curatella d'ina partida.

<sup>2</sup> Il partenadi registrà ha il medem status sco la lètg.

<sup>3</sup> Ils mezs fragliuns han il medem status sco ils fragliuns.

<sup>66</sup> SR 311.0

<sup>67</sup> Versiun tenor l'agiunta 2 cifra 3 da la LF dals 19 da dec. 2008, en vigur dapi il 1. da schan. 2013 (AS 2010 1739; BBl 2006 7221; AS 2011 725; BBl 2006 7001).

### **Art. 166 Dretg limità da refusar la cooperaziun**

**1 Ina terza persuna po refusar la cooperaziun:**

- a. sch'i sa tracta da constatar fatgs ch'exponissan ella sezza u in da ses proxims en il senn da l'artitgel 165 ad ina persecuziun penalà u a la responsablada civila;
- b. sch'ella sa faschess chastiabla pervia da la violaziun d'in secret tenor l'artitgel 321 CP<sup>68</sup>; exceptads èn ils revisurs; cun excepcziun dals advocats e dals spirituels ston terzas persunas dentant cooperar, sch'ellas èn suttamessas ad in'obligaziun d'annunzia u sch'ellas èn vegnididas liberadas da l'obligaziun da tegnair secret, nun ch'ellas fetschian valair vardaivlamain che l'interess da tegnair secret predomineschia l'interess da chattar la vardad.
- c.<sup>69</sup> sch'i sa tracta da constatar fatgs ch'en vegnids confidads ad ella sco funcziunaria en il senn da l'artitgel 110 alinea 3 CP u sco commembra d'ina autoritat en sia funcziun uffiziala, ubain fatgs, dals quals ella ha survegnì encouschientscha exequind ses uffizi u exequind sia activitat auxiliara per in funcziunari u per in'autoritat; ella sto dar pled e fatg, sch'ella è suttamessa ad in'obligaziun d'annunzia u sch'ella è vegnida autorisada da sia autoritat superiura da dar pled e fatg;
- d.<sup>70</sup> sch'ella stuess dar pled e fatg sco mediatura publica, sco cussegliadra da lètg u da famiglia u sco mediatura extrajudiziala davart fatgs ch'ella è vegnida a savair en il rom da l'activitat respectiva;
- e. sch'i sa tracta da constatar l'identitat da l'autur u il cuntegn e las funtaunas da sias infurmaziuns, en cas ch'ella s'occupa en moda professiunala u sco persuna auxiliara cun la publicaziun d'infurmaziuns en la part redacziunala d'im medium che cumpara periodicamain.

**2 Persunas che portan auters secrets ch'en protegids tras la lescha pon refusar la cooperaziun, sch'ellas fan valair vardaivlamain che l'interess da tegnair secret predominescha l'interess da chattar la vardad.**

**3 Resalvadas restan las disposiziuns spezialas dal dretg d'assicuranza sociala davart la communicaziun da datas.**

### **Art. 167 Refusa nungiustifitgada**

**1 Sche la terza persuna refusescha nungiustifitgadamain la cooperaziun, po la dretgira:**

- a. ordinar ina multa disciplinara fin a 1000 francs;
- b. pronunziar la smanatscha da chasti tenor l'artitgel 292 CP<sup>71</sup>;

<sup>68</sup> SR **311.0**

<sup>69</sup> Versiun tenor la cifra 5 da l'agiunta 1 da la Lescha dals 18 da dec. 2020 davart la segirezza da las infurmaziuns, en vigur dapi il 1. da schan. 2023 (AS **2022** 232, 750; BBI **2017** 2953).

<sup>70</sup> Versiun tenor la cifra 2 da l'agiunta da la LF dals 20 da mars 2015 (mantegnimenti dals uffants), en vigur dapi il 1. da schan. 2017 (AS **2015** 4299; BBI **2014** 529).

<sup>71</sup> SR **311.0**

- c. ordinar la realisaziun per forza;
- d. adosar ils custs da process ch'èn resultads tras la refusa.

<sup>2</sup> La negligentscha da la terza persuna ha las medemas consequenzas sco sch'ella refusass nungiustifitgadamaun la cooperaziun.

<sup>3</sup> Cunter l'ordinaziun giudiziala po la terza persuna far recurs.

### **3. chapitel Cumprovas**

#### **1. secziun Cumprovas admissiblas**

##### **Art. 168**

<sup>1</sup> Seo cumprovas admissiblas valan:

- a. la perditga;
- b. documents;
- c. l'inspecziun;
- d. expertisas;
- e. infurmaziuns en scrit;
- f. l'interrogaziun da las partidas e la deposiziun da cumprova.

<sup>2</sup> Resalvadas restan las disposiziuns davart ils interess dals uffants en chaussas dal dretg da famiglia.

#### **2. secziun Dar perditga**

##### **Art. 169 Object**

Tgi che n'è betg ina partida dal process, po dar perditga davart fatgs percepids directamain.

##### **Art. 170 Citaziun**

<sup>1</sup> Las perditgas vegnan citadas da la dretgira.

<sup>2</sup> La dretgira po permetter a las partidas da sa preschentiar cun perditgas betg citadas.

<sup>3</sup> Las perditgas pon vegnir interrogadas al lieu da lur dimora. Las partidas ston vegnir infurmadas a temp en chaussa.

**Art. 171** Furma da l'interrogaziun

- 1 Avant l'interrogaziun vegn la perditga admonida da dir la vardad; sch'ella ha cumplenì il 14. onn da vegliadetgna, vegn ella plinavant infurmada davart las consequenzas penalas d'ina faussa perditga (art. 307 CP<sup>72</sup>).
- 2 La dretgira interroghescha mintga perditga individualmain ed en absenza da las otras perditgas; resalvada resta la confruntaziun.
- 3 La perditga sto s'exprimer libramain; la dretgira la po permetter da duvrar notizias en scrit.
- 4 La dretgira excluda perditgas da l'ulteriura tractativa, uschè ditg ch'ellas n'èn betg relaschadas dal banc da perditga.

**Art. 172** Cuntegn da l'interrogaziun

La dretgira interroghescha las perditgas davart:

- a. lur personalias;
- b. lur relaziuns personalas cun las partidas dal process sco er otras circumanstanças che pon esser impurtantas per la credibladad da lur deposiziun;
- c. las observaziuns ch'ellas han fatg en connex cun la chaussa.

**Art. 173** Dumondas cumplementaras

Las partidas dal process pon pretender che la dretgira tschentia dumondas cumplementaras u pon tschentar sezzas talas dumondas cun la permissiun da la dretgira.

**Art. 174** Confruntaziun

Las perditgas pon vegnir confruntadas cun otras perditgas e cun las partidas dal process.

**Art. 175** Perditga tras in expert

Ad ina perditga cun enconuschienschas spezialas po la dretgira er tschentar dumondas davart ses giudicament dals fatgs.

**Art. 176** Protocol

1 Il cuntegn essenzial da las deposiziuns vegn protocollà, prelegi a la perditga u laschà leger da la perditga ed alura suttascrit da la perditga. Sch'ina partida pretenda quai, vegnan er protocolladas dumondas cumplementaras da las partidas ch'en vegnidas refusadas.<sup>73</sup>

2 Supplementarmain pon las deposiziuns vegnir registradas sin bindel magnetic, sin video u cun auters medis tecnicas adattads.

<sup>72</sup> SR 311.0

<sup>73</sup> Versiun tenor la cifra I 1 da la LF dals 28 da sett. 2012 (prescripziuns da protocollaziun), en vigur dapi il 1. da matg 2013 (AS 2013 851; BBI 2012 5707 5719).

<sup>3</sup> Sche las deposiziuns vegnan registradas durant ina tractativa cun medis auxiliars tecnics tenor l'alinea 2, po la dretgira u il commember interrogant da la dretgira desister da preleger il protocol a la persuna interrogada u da laschar leger la persuna interrogada il protocol e da laschar suttascrivers quel. Las registrazjuns vegnan agiuntadas a las actas e conservadas ensemes cun il protocol.<sup>74</sup>

### 3. secziun Documents

#### Art. 177 Noziun

Sco documents valan per exemplu scrittiras, dissegns, plans, fotografias, films, registrazjuns sonoras, datotecas electronicas ed ulteriur material adattà per cumprovar fatgs giuridicament relevantes.

#### Art. 178 Autenticitat

Ina partida che sa referescha ad in document sto cumprovar l'autenticitat da quest document, sche l'autenticitat vegna contestada da l'autra partida; la contestazion sto vegnir motivada suffizientamain.

#### Art. 179 Forza da cumprova da registers e da documents publics

Ils registers ed ils documents publics cumprovan cumplimentariamain ils fatgs ch'els attestan, uschè ditg che l'incorrectedad da lur cuntegn n'è betg cumprovada.

#### Art. 180 Inoltrazion

<sup>1</sup> Il document po vegnir inoltrà sco copia. La dretgira u ina partida po pretender ch'i vegnia inoltrà l'original u ina copia legalisada uffizialmain, sch'igl existan dubis motivads davart l'autenticitat.

<sup>2</sup> En cas da documents voluminos sto vegnir inditgada la part relevanta per la registrazion da las cumprovas.

### 4. secziun Inspecziun

#### Art. 181 Realisaziun

<sup>1</sup> Sin dumonda d'ina partida u d'uffizi po la dretgira far ina inspecziun per constatar directamain ils fatgs u per survegnir ina meglia survista da la chaussa.

<sup>2</sup> La dretgira po envidar perditgas ed experts a l'inspecziun.

<sup>3</sup> L'object da l'inspecziun sto vegnir purtà davant dretgira, sche quai è pussaivel senza dischavantatgs.

<sup>74</sup> Integrà tras la cifra I 1 da la LF dals 28 da sett. 2012 (prescripziuns da protocollaziun), en vigur dapi il 1. da matg 2013 (AS 2013 851; BBI 2012 5707 5719).

**Art. 182** Protocol

L’inspecziun sto vegnir protocollada. Eventualmain vegn il protocol cumplettà cun plans, cun dissegns, cun fotografias u cun auters medis tecnicas.

**5. secziun Expertisa****Art. 183** Princips

- 1 Sin dumonda d’ina partida u d’uffizi po la dretgira incumbensar in u plirs experts da far in’expertisa. L’emprim taidla ella las partidas dal process.
- 2 Per ils experts valan ils medems motivs da recusaziun sco per las persunas giudizialas.
- 3 La dretgira sto infurmar las partidas dal process davart sia atgna savida spezialisada, per che quellas possian prender posiziun en chaussa.

**Art. 184** Dretgs ed obligaziuns da l’expert

- 1 L’expert è obligà da dir la vardad e sto furnir sia expertisa entaifer il termin fixà.
- 2 La dretgira renda attent l’expert a la chastiabladad d’ina faussa expertisa tenor l’artitgel 307 CP<sup>75</sup> e da la violaziun dal secret d’uffizi tenor l’artitgel 320 CP sco er a las consequenzas da la negligentscha e d’in adempliment manglus da l’incumbensa.
- 3 L’expert ha il dretg da vegnir indemnisià. Cunter la decisiun giudiziala davart l’indemnisaziun pon ins far recurs.

**Art. 185** Incumbensa

- 1 La dretgira instruescha l’expert ed al tschenta – en scrit u a bucca en la tractativa – las dumondas ch’el ha da sclerir.
- 2 A las partidas dal process dat la dretgira la chaschun da s’exprimer davart las dumondas e da proponer midadas u cumplettaziuns.
- 3 La dretgira metta a disposiziun a l’expert las actas necessarias e fixescha in termin per furnir l’expertisa.

**Art. 186** Scleriments da l’expert

- 1 Cun il consentiment da la dretgira po l’expert fa agens scleriments. Quels ston vegnir preschentads en l’expertisa.
- 2 Sin dumonda d’ina partida u d’uffizi po la dretgira anc far ina giada ils scleriments tenor las reglas da la procedura da cumprova.

<sup>75</sup> SR 311.0

**Art. 187 Furniziun da l'expertisa**

<sup>1</sup> La dretgira po ordinar che l'expertisa vegnia furnida a bucca u en scrit. Ultra da quai po ella ordinar che l'expert explitgeschia en la tractativa sia expertisa redigida en scrit.

<sup>2</sup> In'expertisa a bucca sto vegnir protocollada analogamain a l'artitgel 176.

<sup>3</sup> Sche plirs experts èn vegnids incumbensads, furnescha mintgin dad els in'expertisa, nun che la dretgira disponia insatge auter.

<sup>4</sup> La dretgira dat la chaschun a las partidas da laschar explitgar l'expertisa u da tschentiar dumondas cumplementaras.

**Art. 188 Negligentscha e mancanzas**

<sup>1</sup> Sche l'expert na furnescha betg l'expertisa entaifer il termin fixà, po la dretgira revocar l'incumbensa ed incumbensar in auter expert.

<sup>2</sup> Sin dumonda d'ina partida u d'uffizi po la dretgira cumplettar u laschar explitgar in'expertisa incumpletta, nunclera u motivada nunsufficientamain ubain consultar in auter expert.

**Art. 189 Expertisa da cumpromiss**

<sup>1</sup> Las partidas pon fixar da procurar in'expertisa da cumpromiss davart fatgs dispi-taivelis.

<sup>2</sup> Per la furma da la cunvegna vala l'artitgel 17 alinea 2.

<sup>3</sup> La dretgira è liada tras ils fatgs che vegnan constatads en l'expertisa da cumpromiss, sche:

- a. las partidas pon disponer libramain davart la relaziun giuridica;
- b. i n'eran avant maun nagins motivs da recusazion cunter la persuna incum-bensada; e
- c. l'expertisa da cumpromiss è vegnida redigida senza favorisar ina partida e n'è evidentamain betg faussa.

**6. secziun Infurmaziun en scrit****Art. 190**

<sup>1</sup> La dretgira po dumandar infurmaziuns en scrit dals uffizis.

<sup>2</sup> Ella po dumandar infurmaziuns en scrit da persunas privatas, sch'i na para betg dad esser necessari d'interrogar perditgas.

## 7. secziun Interrogaziun da las partidas e deposiziun da cumprova

### Art. 191 Interrogaziun da las partidas

- 1 La dretgira po interrogar ina u tuttas duas partidas davart ils fatgs giuridicamain relevants.
- 2 Avant l'interrogaziun vegnan las partidas admonidas da dir la verdad e rendidas attentas ch'ellas pon vegnir chastiadas cun ina multa disciplinara fin a 2000 francs ed en cas da repetiziun fin a 5000 francs, sch'ellas din apostea manzegnas.

### Art. 192 Deposiziun da cumprova

- 1 Smanatschond sancziuns penales po la dretgira obligar d'uffizi ina u tuttas duas partidas da dar pled e fatg.
- 2 Avant che dar pled e fatg vegnan las partidas admonidas da dir la verdad e rendidas attentas a las consequenzas penales d'ina faussa deposiziun (art. 306 CP<sup>76</sup>).

### Art. 193 Protocol

Per protocollar l'interrogaziun da las partidas e la deposiziun da cumprova vala l'artitgel 176 confurm al senn.

## 11. titel Assistenza giudiziala tranter dretgiras svizras

### Art. 194 Princip

- 1 Las dretgiras èn obligadas da prestar assistenza giudiziala ina a l'autra.
- 2 Ellas community geschan directamain ina cun l'autra<sup>77</sup>.

### Art. 195 Acts processuals exequids directamain en in auter chantun

Mintga dretgira po exequir directamain e sezza ils acts processuals necessaris er en in auter chantun; en spezial po ella tegnair sesidas e registrar cumprovas.

### Art. 196 Assistenza giudiziala

- 1 La dretgira po dumandar assistenza giudiziala. La dumonda d'assistenza giudiziala po vegnir redigida en la lingua uffiziala dal chantun petent u dal chantun dumandà.
- 2 La dretgira dumandada infurmescha la dretgira petenta e las partidas davart il lieu e davart las uras da l'act processual.
- 3 La dretgira dumandada po pretender ina indemnisiatiun per sias expensas.

<sup>76</sup> SR 311.0

<sup>77</sup> L'autoritat giudiziala svizra cumpetenta tut tenor il lieu per dumondas d'assistenza giudiziala pon ins eruir sin la pagina d'internet [www.elorge.admin.ch](http://www.elorge.admin.ch).

**2. part Disposiziuns spezialas****1. titel Emprova da mediaziun****1. chapitel Champ d'applicaziun ed autoritat da mediaziun****Art. 197 Princip**

La procedura da decisiun vegn precedida d'ina emprova da mediaziun davant in'autoritat da mediaziun.

**Art. 198 Excepziuns**

La procedura da mediaziun scroda:

- a. en la procedura summarica;

ab<sup>is</sup><sup>78</sup> en cas da plants pervia da violenza, smanatschas u persecuziuns tenor l'artitgel 28b CCS<sup>79</sup> u concernent la surveglianza electronica tenor l'artitgel 28c CCS;

- b. en cas da plants davart il stadi civil d'ina persuna;

bb<sup>is</sup><sup>80</sup> en cas da plants davart il mantegniment da l'uffant e davart ulteriuras du-mondas concernent ils uffants, sch'in genitur ha appellà a l'autoritat per la protecziun d'uffants avant il plant (art. 298b e 298d CCS);

- c. en la procedura da divorzi;

d.<sup>81</sup> en la procedura concernent la schliaziun e concernent la decleranza da nun-valaivladad dal partenadi registrà;

- e. en cas da plants concernent la LSC<sup>82</sup>:

1. plant sin abgiudicaziun dal debit (art. 83 al. 2 LSC),
2. plant da constataziun (art. 85a LSC),
3. plant d'opposiziun (art. 106 fin 109 LSC),
4. plant da participaziun (art. 111 LSC),
5. plant sin revendicaziun da terzas personas e sin revendicaziun da la massa (art. 242 LSC),
6. plant da collocaziun (art. 148 e 250 LSC),
7. plant sin constataziun d'ina nova facultad (art. 265a LSC),
8. plant sin restituziun d'objects da retenziun (art. 284 LEF);

<sup>78</sup> Integrà tras la cifra I 2 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS **2019** 2273; BB<sup>I</sup> **2017** 7307).

<sup>79</sup> SR **210**

<sup>80</sup> Integrà tras la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS **2015** 4299; BB<sup>I</sup> **2014** 529).

<sup>81</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS **2016** 3643; BB<sup>I</sup> **2014** 8669).

<sup>82</sup> SR **281.1**

- f. en cas da dispitas, per las qualas è cumpetenta – tenor ils artitgels 5 e 6 da questa lescha – in'unica instanza chantunala;
- g. en cas da l'intervenziun principala, dal cuntraplant e dal plant sin denunzia da la dispita;
- h. sche la dretgira ha fixà in termin per in plant.

**Art. 199 Renunzia a la procedura da mediaziun**

1 En cas da dispitas dal dretg patrimonial cun ina valur en disputa d'almain 100 000 francs pon las partidas renunziar cuminaivlamax da far la procedura da mediaziun.

2 La partida che porta plant po renunziar da sia vart a la procedura da mediaziun:

- a. sche la partida accusada ha sia sedia u ses domicil a l'exterior;
- b. sch'il lieu da dimora da la partida accusada n'è betg enconuschen;
- c. en disputas tenor la Lescha d'egalitat dals 24 da mars 1995<sup>83</sup>.

**Art. 200 Autoritads da mediaziun pariteticas**

1 En cas da dispitas che resultan tras la locaziun e tras la fittanza da localitads d'abitare da fatschenta sa cumpona l'autoritat da mediaziun d'in parsura e d'ina representanza paritetica.

2 En cas da dispitas tenor la Lescha d'egalitat dals 24 mars 1995<sup>84</sup> consista l'autoritat da mediaziun d'in parsura e d'ina representanza paritetica da la vart dal patrun e da la vart da la persuna emploida sco er dal sectur public e dal sectur privat; las schlattainas ston esser representadas en moda paritetica.

**Art. 201 Incumbensas da l'autoritat da mediaziun**

1 L'autoritat da mediaziun emprova da conciliar las partidas en ina tractativa senza formalitads. Sche quai serva a terminar la disputa, pon vegnir integradas en in accord er dumondas disputaivas tranter las partidas cuntraversas che n'han da far nagut cun la procedura.

2 En las fatschentas tenor l'artitgel 200 è l'autoritat da mediaziun er il post da cussigliaziun per dumondas da dretg.

## 2. chapitel Procedura da mediaziun

**Art. 202 Iniziazion**

1 La procedura vegn iniziada da la dumonda da mediaziun. Quella po vegnir inoltrada en las furmas tenor l'artitgel 130 u dada a protocol a bucca a l'autoritat da mediaziun.

<sup>83</sup> SR 151.1

<sup>84</sup> SR 151.1

<sup>2</sup> En la dumonda da mediaziun ston vegnir designads la cuntrapartida, la pretensiun giuridica e l'object da dispita.

<sup>3</sup> L'autoritat da mediaziun tramentta immediatamain la dumonda da mediaziun a la cuntrapartida e citescha il medem mument las partidas a la mediaziun.

<sup>4</sup> En las fatschentas tenor l'artitgel 200 po ella disponer, uschenavant ch'ina proposta da sentenzia tenor l'artitgel 210 u ina decisiun tenor l'artitgel 212 vegn en dumonda, ch'i vegnia procedi excepcionalmain per correspundenza.

### **Art. 203 Tractativa**

<sup>1</sup> La tractativa sto vegnir fatga entaifer 2 mais suenter che la dumonda è entrada u lura suenter che la correspundenza è terminada.

<sup>2</sup> L'autoritat da mediaziun prenda invista d'eventuals documents e po far ina inspecziun. Uschenavant ch'ina proposta da sentenzia tenor l'artitgel 210 u ina decisiun tenor l'artitgel 212 vegn en dumonda, po ella er examinar las ulteriuras cumprovas, sche quai na retardescha betg essenzialmain la procedura.

<sup>3</sup> La tractativa n'è betg publica. En las fatschentas tenor l'artitgel 200 po l'autoritat da mediaziun admetter la publicitat per part u dal tuttfatg, sch'igl exista in interess public.

<sup>4</sup> Cun il consentiment da las partidas po l'autoritat da mediaziun far ulteriuras tractativas. La procedura sto vegnir terminada il pli tard suenter 12 mais.

### **Art. 204 Preschientscha persunala**

<sup>1</sup> Las partidas ston esser preschentas persunalmain a la tractativa da mediaziun.

<sup>2</sup> Ellas pon sa laschar accumpagnar d'ina assistenza giuridica u d'ina persuna da confidenza.

<sup>3</sup> Betg esser preschent persunalmain, respectivamain sa laschar represchentar dastga, tgi che:

- a. ha ses domicil en in auter chantun u a l'exterior;
- b. è impedi pervia da malsogna, pervia da vegliadetgna u pervia d'auters motivs impurtants;
- c. deleghescha – en disputas tenor l'artitgel 243 – sco patrun respectivamain sco assicurader ina persuna emploienda u sco locatur l'administratiun d'immobiglias cun ina autorisaziun en scrit da far in accord.

<sup>4</sup> La cuntrapartida sto vegnir orientada ordavant davart la represchentanza.

### **Art. 205 Confidencialitat da la procedura**

<sup>1</sup> Deposiziuns da las partidas na dastgan ni vegnir protocolladas ni vegnir duvradas pli tard en la procedura da decisiun.

<sup>2</sup> Resalvada resta l'utilisaziun da las deposiziuns en cas che l'autoritat da mediaziun propona ina sentenzia u prenda ina decisiun.

**Art. 206 Negligentscha**

- 1 En cas d'ina negligentscha da la partida accusanta vala la dumonda da mediaziun sco retratga; la procedura vegn stritgada pervia da mancanza d'object.
- 2 En cas d'ina negligentscha da la partida accusada proceda l'autoritat da mediaziun sco sch'i n'avess dà nagina cunvegna (art. 209 fin 212).
- 3 En cas d'ina negligentscha da tuttas duas partidas vegn la procedura stritgada pervia da mancanza d'object.

**Art. 207 Custs da la procedura da mediaziun**

- 1 Ils custs da la procedura da mediaziun vegnan adossads a la partida accusanta:
  - a. sch'ella retira la dumonda da mediaziun;
  - b. sche la procedura vegn stritgada pervia da negligentscha;
  - c. sche la permissiun da purtar plant vegn concedida.
- 2 Sch'il plant vegn inoltrà, vegnan ils custs adossads a la chaussa principala.

**3. chapitel Cunvegna e permissiun da purtar plant****Art. 208 Consens da las partidas**

- 1 Sch'i dat in consens, fa l'autoritat da mediaziun in protocol da l'accord, da l'acceptanza dal plant u da la retratga senza resalvas e lascha suttascriver quel da las partidas. Mintga partida survegn in exemplar dal protocol.
- 2 In accord, l'acceptanza dal plant u ina retratga senza resalvas correspundan ad ina decisiun legalmain valaivla.

**Art. 209 Permissiun da purtar plant**

- 1 Sch'i na dat betg in consens, constatescha l'autoritat da mediaziun quai en il protocol e conceda la permissiun da purtar plant:
  - a. en cas d'ina contestaziun d'augments dal tschains da locaziun e dal tschains da fittanza: al locatur u a l'affittader;
  - b. en ils ulteriurs cas: a la partida accusanta.
- 2 La permissiun da purtar plant cuntegna:
  - a. ils nume e las addressas da las partidas e d'eventualas representanzas;
  - b. la pretensiun giuridica da la partida accusanta cun l'object da disputa e cun in eventual cuntraplant;
  - c. la data da l'iniziazion da la procedura da mediaziun;
  - d. la disposiziun davart ils custs da la procedura da mediaziun;
  - e. la data da la permissiun da purtar plant;

f. la suittascripziun da l'autoritat da mediaziun.

<sup>3</sup> Sche la permissiun da purtar plant è vegnida averta, permetta ella durant 3 mais d'inoltrar il plant a la dretgira.

<sup>4</sup> En cas da dispitas che resultan tras la locaziun e tras la fittanza da localitads d'abitar e da fatschenta sco er tras la fittanza agricula importa il termin da purtar plant 30 dis. Resalvads restan ulteriurs termins legals speziali e giuridics per purtar plant.

#### 4. chapitel Proposta da sentenzia e decisiun

##### Art. 210 Proposta da sentenzia

<sup>1</sup> L'autoritat da mediaziun po proponer ina sentenzia a las partidas en:

- a. dispitas tenor la Lescha d'egalidad dals 24 da mars 1995<sup>85</sup>.
- b. dispitas che resultan tras la locaziun e tras la fittanza da locals d'abitar e da fatschenta sco er tras la fittanza agricula, uschenavant ch'i èn pertutgads il deposit da tschains da locaziun e da fittanza, la protecziun cunter tschains da locaziun e da fittanza abusivs, la protecziun cunter la disditga u la prolunga-ziun da la relazion da locaziun e da fittanza;
- c. las ulteriuras dispitas dal dretg patrimonial fin ad ina valur en dispita da 5000 francs.

<sup>2</sup> La proposta da sentenzia po cuntregnair ina curta motivaziun; dal rest vala l'artitgel 238 confurm al senn.

##### Art. 211 Effects

<sup>1</sup> La proposta da sentenzia vala sco acceptada ed ha l'effect d'ina decisiun legalmain valaivla, sche nagina partida na la refusescha entaifer 20 dis dapi la communicaziun en scrit. La refusa na sto betg vegnir motivada.

<sup>2</sup> Suenter che la refusa è entrada, consegna l'autoritat da mediaziun la permissiun da purtar plant:

- a. en las fatschentas tenor l'artitgel 210 alinea 1 litera b: a la partida refusanta;
- b. en ils ulteriurs cas: a la partida accusanta.

<sup>3</sup> Sch'il plant en las fatschentas tenor l'artitgel 210 alinea 1 litera b na vegn betg inoltrà a temp, vala la proposta da sentenzia sco renconuschida ed ella ha l'effect d'ina decisiun legalmain valaivla.

<sup>4</sup> En la proposta da sentenzia ston las partidas vegnir rendidas attentas als effects tenor ils alineas 1 fin 3.

**Art. 212** Decisiun

- 1 Dispitas dal dretg patrimonial fin ad ina valur en disputa da 2000 francs po decider l'autoritat da mediaziun, sche la partida accusanta fa ina proposta correspudenta.
- 2 La procedura vegg fatga a bucca.

**2. titel** **Mediaziun extragiudiziala****Art. 213** Mediaziun extragiudiziala empè d'ina procedura da mediaziun

- 1 Sin proposta da tut las partidas vegg fatga ina mediaziun extragiudiziala empè d'ina procedura da mediaziun.
- 2 La proposta sto veggir fatga en la dumonda da mediaziun u a la tractativa da mediaziun.
- 3 Sch'ina partida communityescha a l'autoritat da mediaziun che la mediaziun extragiudiziala haja fatg naufragi, vegg emessa la permissiun da purtar plant.

**Art. 214** Mediaziun extragiudiziala en la procedura da decisiun

- 1 La dretgira po adina recumandar a las partidas da far ina mediaziun extragiudiziala.
- 2 Las partidas pon adina proponer cuminaivlamain a la dretgira da conceder ad ellas ina mediaziun extragiudiziala.
- 3 La procedura giudiziala resta sistida fin ch'ina partida revochescha la proposta u fin ch'i vegg communitygà che la mediaziun extragiudiziala saja terminada.

**Art. 215** Organisaziun e realisaziun da la mediaziun extragiudiziala

L'organisaziun e la realisaziun da la mediaziun extragiudiziala è chaussa da las partidas.

**Art. 216** Relaziun envers la procedura giudiziala

- 1 La mediaziun extragiudiziala è independenta da l'autoritat da mediaziun e da la dretgira ed è confidenciala.
- 2 Las deposiziuns da las partidas na dastgan betg veggir duvradas en la procedura giudiziala.

**Art. 217** Approvaziun d'in accord

Las partidas pon pretender cuminaivlamain che l'accord cuntanschi en la mediaziun extragiudiziala, veggia approvà. L'accord approvà correspunda ad ina decisiun legalmain valaivla.

**Art. 218** Custs da la mediaziun extragiudiziala

- 1 Las partidas portan ils custs da la mediaziun extragiudiziala.

<sup>2</sup> En fatschentas dal dretg dals uffants han las partidas il dretg sin ina mediaziun extragiudiziala gratuita, sche:<sup>86</sup>

- a. ils meds finanzials necessaris las mancan; e
- b. la dretgira recumonda da far ina mediaziun extragiudiziala.

<sup>3</sup> Il dretg chantunal po prevair ulteriuras reducziuns dals custs.

### **3. titel        Procedura ordinaria**

#### **1. chapitel    Champ d'applicaziun**

##### **Art. 219**

Las disposiziuns da quest titel valan per la procedura ordinaria sco er – confurm al senn – per tut las otras proceduras, nun che questa lescha disponia insatge auter.

#### **2. chapitel    Correspundenza e preparaziun da la tractativa principala**

##### **Art. 220        Cumenzament**

La procedura ordinaria cumenza cun inoltrar il plant.

##### **Art. 221        Plant**

<sup>1</sup> Il plant cuntegna:

- a. la denominaziun da las partidas dal process e d'eventualas represchentanzas;
- b. la pretensiun giuridica;
- c. l'indicaziun da la valur en disputa;
- d. las pretensiuns davart il fatg;
- e. la denominaziun da las cumprovas tar ils fatgs pretendids;
- f. la data e la suttascripziun.

<sup>2</sup> Cun il plant ston vegnir inoltradas las suandantas agijuntas:

- a. in plainpudair en cas d'ina represchentanza;
- b. eventualmain la permissiun da purtar plant u la declaranza ch'i vegnia renunzià a la procedura da mediaziun;
- c. ils documents disponibels che duain servir sco cumprovas;
- d. ina glista da las cumprovas.

<sup>3</sup> Il plant po cuntegnair ina motivazion giuridica.

<sup>86</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

**Art. 222**      Resposta al plant

- 1 La dretgira trametta il plant a la partida accusada e fixescha il medem mument in termin per responder en scrit il plant.
- 2 Per responder il plant vala l'artitgel 221 confurm al senn. La partida accusada sto explitigar tgeninas da las pretensiuns davart il fatg da la partida accusanta che veggan renconuschidas u refusadas.
- 3 La dretgira po ordinare a la partida accusada da restrenscher la resposta al plant a singulas dumondas u a singulas pretensiuns giuridicas (art. 125).
- 4 Ella trametta la resposta al plant a la partida accusanta.

**Art. 223**      Resposta al plant negligida

- 1 Sche la partida accusada negligescha da dar la resposta al plant, la conceda la dretgira ina curta prolungaziun dal termin.
- 2 Sche quest termin scada senza ch'el saja vegin duvrà, prenda la dretgira ina decisiun finala, premess che la fatschenta saja madira per la sentenzia. Cas cuntrari citescha ella las partidas a la tractativa principala.

**Art. 224**      Cuntraplant

- 1 En la resposta al plant po la partida accusada purtar cuntraplant, sche la pretensiun che vegg fatga valair sto vegin giuditgada tenor il medem tip da procedura sco il plant principala.
- 2 Sche la valur en disputa dal cuntraplant surpassa la cumpetenza materiala da la dretgira, sto quella transferir tuts dus plants a la dretgira che ha ina cumpetenza materiala pli auta.
- 3 Sch'i vegg fatg in cuntraplant, fixescha la dretgira in termin per la partida accusanta per dar resposta en scrit. I n'è betg admess da far in cuntraplant cunter in cuntraplant.

**Art. 225**      Segunda correspundenza

Sche las relaziuns pretendan quai, po la dretgira ordinare ina seconda correspundenza.

**Art. 226**      Audienzas d'instrucziun

- 1 La dretgira po da tut temp far audienzas d'instrucziun.
- 2 Las audiencias d'instrucziun servan a discutar libramain l'object da disputa, a cumplettar ils fatgs, ad empruvar da chattar in accord ed a preparar la tractativa principala.
- 3 La dretgira po examinar cumprovas.

**Art. 227**      Midada dal plant

- 1 Igl è admissibel da midar in plant, sche la pretensiun midada u nova sto vegin giuditgada tenor il medem tip da procedura e:

- a. sch'ella stat en in connex material cun la pretensiun vertenta;
- b. sche la cuntrapartida va d'accord cun quai.

<sup>2</sup> Sche la valur en dispita dal plant midà surpassa la cumpetenza materiala da la dretgira, sto quella transferir il process a la dretgira che ha ina cumpetenza materiala pli auta.

<sup>3</sup> Igl è adina pussaivel da limitar il plant; la dretgira appellada resta cumpetenta.

### 3. chapitel Tractativa principala

#### Art. 228 Emprims pleuds da las partidas

<sup>1</sup> Suenter l'avertura da la tractativa principala fan las partidas lur propostas e las motiveschan.

<sup>2</sup> La dretgira dat la pussaivladad da far ina replica e da far ina duplica.

#### Art. 229 Novs fatgs e novas cumprovas

<sup>1</sup> En la tractativa principala vegnan resguardads novs fatgs e novas cumprovas mo pli, sch'els vegnan preschentads senza retard e:

- a.<sup>87</sup> sch'els èn resultads pir suenter che la correspundenza è stada terminada u suenter l'ultima audiencia d'instrucziun (novums autentics); u
- b. sch'els èn stads avant maun gia avant che la correspundenza è stada terminada u avant l'ultima audiencia d'instrucziun, ma n'han betg pudi vegnir preschentads pli baud malgrà la premura che po vegnir pretendida (novums nunautentics).

<sup>2</sup> Sch'i n'ha gî lieu ni ina segunda correspundenza ni in'audiencia d'instrucziun, pon vegnir preschentads illimitadament novs fatgs e novs meds da cumprova al cumentament da la tractativa principala.

<sup>3</sup> Sche la dretgira sto sclerir d'uffizi ils fatgs, resguarda ella novs fatgs e novs meds da cumprova fin a la tractativa da la sentenzia.

#### Art. 230 Midada dal plant

<sup>1</sup> En la tractativa principala èsi admess da midar il plant mo, sche:

- a. las premissas tenor l'artitgel 227 alinea 1 èn dadas; e
- b.<sup>88</sup> la midada dal plant sa basa sin novs fatgs u sin novas cumprovas.

<sup>2</sup> L'artitgel 227 alineas 2 e 3 è applitgabel.

<sup>87</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS 2016 3643; BBI 2014 8669).

<sup>88</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS 2016 3643; BBI 2014 8669).

**Art. 231** Examinaziun da las cumprovas

Suenter ils pleds da las partidas examinescha la dretgira las cumprovas.

**Art. 232** Pleds finals

<sup>1</sup> Suenter che l'examinaziun da las cumprovas è terminada pon las partidas prender posiziun davart il resultat da las cumprovas e davart la chausse. La partida accusanta pleda sco emprima. La dretgira dat la pussaivladda a las partidas da far in segund pled.

<sup>2</sup> Las partidas pon renunziar cuminaivlamain als pleds finals orals e pretender d'inoltrar en scrit ils pleds da las partidas. La dretgira fixescha in termin per quai.

**Art. 233** Renunzia a la tractativa principala

Las partidas pon renunziar cuminaivlamain a la tractativa principala.

**Art. 234** Negligentscha a la tractativa principala

<sup>1</sup> En cas d'ina negligentscha d'ina partida, resguarda la dretgira las inoltraziuns ch'en vegnidas fatgas a norma da questa lescha. Dal rest po ella basar sia decisiun – cun resalva da l'artitgel 153 – sin las actas sco er sin ils motivs e sin ils arguments da la partida preschenta.

<sup>2</sup> En cas d'ina negligentscha da tuttas duas partidas vegn la procedura annullada pervia da mancanza d'object. Ils custs da dretgira vegnan adossads a las partidas mintgamai per la mesadat.

## 4. chapitel Protocol

**Art. 235**

<sup>1</sup> La dretgira fa in protocol da mintga tractativa. Quel cuntegna en spezial:

- a. il lieu ed il temp da la tractativa;
- b. la cumposizion da la dretgira;
- c. la preschientscha da las partidas e da lur represchentanzas;
- d. las pretensiuns giuridicas, las propostas e las declaranzas da process da las partidas;
- e. las disposiziuns da la dretgira;
- f. la suittascripcziun da la persuna che fa il protocol.

<sup>2</sup> Las explicaziuns che concernan ils fatgs ston vegnir protocolladas tenor lur cuntegn essenzial, nun ch'ellas sajan gia cuntegnidas en ils documents da las partidas. Supplementarmain pon ellas vegnir registradas sin bindel magnetic, sin video u cun auters medis tecnicas adattads.

<sup>3</sup> Davart las dumondas per curreger il protocol decida la dretgira.

## 5. chapitel Decisiun

### Art. 236 Decisiun finala

<sup>1</sup> Sche la procedura è madira per la sentenzia, vegn ella terminada tras ina decisiun u tras ina decisiun da betg entrar en chaussa.

<sup>2</sup> La dretgira giuditgescha sin basa d'ina decisiun da maioritat.

<sup>3</sup> Sin proposta da la partida gudagnanta decretescha ella mesiras d'execuziun.

### Art. 237 Decisiun intermediara

<sup>1</sup> La dretgira po prender ina decisiun intermediara, sch'i po vegnir cuntanschida uschia immediatamain ina decisiun finala pervia d'in giudicament divergent tras l'instanza superiura e sch'i po vegnir realisà uschia in respargn considerabel da temp u da custs.

<sup>2</sup> La decisiun intermediara sto vegnir contestada en moda independenta; ina contestaziun posteriura ensemen cun la decisiun finala è exclusa.

### Art. 238 Cuntegn

La decisiun cuntegna:

- a. la denominaziun e la cumposiziun da la dretgira;
- b. il lieu e la data da la decisiun;
- c. la denominaziun da las partidas e da lur represchentanza;
- d. il dispositiv da la sentenzia;
- e. las indicaziuns da las personas e da las autoritads, a las qualas la decisiun sto vegnir communityada;
- f. ina indicaziun dals meds legals, nun che las partidas hajan renunzià als meds legals;
- g. eventualmain ils motivs, sin ils quals la decisiun sa basa;
- h. la suttascripcziun da la dretgira.

### Art. 239 Communicaziun e motivaziun

<sup>1</sup> La dretgira po communigar sia decisiun senza ina motivaziun en scrit:

- a. en la tractativa principala cun surdar il dispositiv en scrit a las partidas cun ina curta motivaziun a bucca;
- b. cun consegnar il dispositiv a las partidas.

<sup>2</sup> Ina motivaziun en scrit sto vegnir furnida posteriuramain, sch'ina partida pretenda quai entaifer 10 dis suenter la communicaziun da la decisiun. Sch'i na vegn betg pretendi ina motivaziun, vala quai sco renunzia da contestar la decisiun tras appellaziun u tras recurs.

<sup>3</sup> Resalvadas restan las disposiziuns da la Lescha federala dals 17 da zercladur 2005<sup>89</sup> davart il Tribunal federal concernent la communicaziun da decisiuns, cunter las qualas i po vegnir recurrì tar il Tribunal federal.

**Art. 240** Communicaziun e publicaziun da la sentenzia

Sche la lescha prevesa quai u sche quai serva a l'execuziun, vegn la decisiun comunitgada ad autoritads u a terzas persunas pertutgadas ubain publitgada.

## 6. chapitel Terminaziun da la procedura senza decisiun

**Art. 241** Accord, acceptanza dal plant, retratga dal plant

<sup>1</sup> Sch'i vegn dà a protocol davant dretgira in accord, in'acceptanza dal plant u ina retratga dal plant, ston las partidas suttascriver il protocol.

<sup>2</sup> In accord, in'acceptanza dal plant u ina retratga dal plant correspundan ad ina decisiun legalmain valaivla.

<sup>3</sup> La dretgira annullescha la procedura.

**Art. 242** Ina procedura che ha pers ses object per auters motivs

Sche la procedura vegn terminada per auters motivs senza ina decisiun, vegn ella annullada.

## 4. titel Procedura simplifitgada

**Art. 243** Champ d'applicaziun

<sup>1</sup> La procedura simplifitgada vala per disputas dal dretg patrimonial fin ad ina valur en disputa da 30 000 francs.

<sup>2</sup> Ella vala senza resguardar la valur en disputa en cas da disputas:<sup>90</sup>

a. tenor la Lescha d'egalidad dals 24 da mars 1995<sup>91</sup>;

b.<sup>92</sup> pervia da violenza, smanatschas u persecuziuns tenor l'artitgel 28b CCS<sup>93</sup> u concernent la surveglianza electronica tenor l'artitgel 28c CCS;

<sup>89</sup> SR 173.110

<sup>90</sup> Versiun tenor la cifra I 2 da la LF dals 14 da dec. 2018 davart la meglierazjun da la protecziun da victimas da violenza, en vigur dapi il 1. da fan. 2020 (AS 2019 2273; BB1 2017 7307).

<sup>91</sup> SR 151.1

<sup>92</sup> Versiun tenor la cifra I 2 da la LF dals 14 da dec. 2018 davart la meglierazjun da la protecziun da victimas da violenza, en vigur dapi il 1. da fan. 2020 (AS 2019 2273; BB1 2017 7307).

<sup>93</sup> SR 210

- c. che resultan tras la locaziun e tras la fittanza da locals d'abitar e da fatschenta sco er tras la fittanza agricula, uschenavant ch'i èn pertutgads il deposit da tschains da locaziun e da fittanza, la protecziun cunter tschains da locaziun e da fittanza abusivs, la protecziun cunter la disditga u la prolungaziun da la relaziun da locaziun u da fittanza;
- d.<sup>94</sup> per far valair il dretg d'infurmaziun tenor l'artitgel 25 LPD<sup>95</sup>;
- e. tenor la Lescha da participaziun dals 17 da december 1993<sup>96</sup>;
- f. che resultan tras assicuranzas supplementaras a l'assicuranza da malsaunas sociala tenor la Lescha federala dals 18 da mars 1994<sup>97</sup> davart l'assicuranza da malsauns.

<sup>3</sup> Ella na vegn betg applitgada per dispitas devant l'unica instanza chantunala tenor ils artitgels 5 ed 8 e devant la dretgira kommerziala tenor l'artitgel 6.

#### Art. 244 Plant simplifitgà

<sup>1</sup> Il plant po vegnir inoltrà en las furmas tenor l'artitgel 130 u dà a protocol a bucca a la dretgira. El cuntegna:

- a. la denominaziun da las partidas;
- b. la pretensiun giuridica;
- c. la denominaziun da l'object da disputa;
- d. sche necessari l'indicaziun da la valur en disputa;
- e. la data e la su ttascripziun.

<sup>2</sup> Ina motivazion dal plant n'è betg necessaria.

<sup>3</sup> Sco aggiuntas ston vegnir inoltrads:

- a. in plainpudair en cas d'ina represchentanza;
- b. la permissiun da purtar plant u la decleranza ch'i vegnia renunzià a la procedura da mediaziun;
- c. ils documents disponibels che duain servir sco medis da cumprova.

#### Art. 245 Citaziun a la tractativa e prender posizion

<sup>1</sup> Sch'il plant na cuntegna betg ina motivazion, al trametta la dretgira a la partida accusada e citescha il medem mument las partidas a la tractativa.

<sup>2</sup> Sch'il plant cuntegna ina motivazion, fixescha la dretgira l'emprim in termin per la partida accusada per ch'ella possia prender posizion en scrit.

<sup>94</sup> Versiun tenor la cifra II 24 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS **2022** 491; BBl **2017** 6941).

<sup>95</sup> SR **235.1**

<sup>96</sup> SR **822.14**

<sup>97</sup> SR **832.10**

**Art. 246 Disposiziuns processualas**

- 1 La dretgira prenda las disposiziuns ch'èn necessarias per che la chaussa en disputa possia vegnir liquidada sche pussaivel a l'emprim termin.
- 2 Sche las relaziuns pretendan quai, po la dretgira ordinar ina correspundenza e far audiencias d'instrucziun.

**Art. 247 Constataziun dals fatgs**

1 Cun dumondas correspontentas cuntanscha la dretgira che las partidas cumpletteschian indicaziuns nunsufficientas concernent ils fatgs e designeschian las cumprovas.

2 La dretgira constatescha d'uffizi ils fatgs:

- a. en las fatschentas tenor l'artitgel 243 alinea 2;
- b. fin ad ina valur en disputa da 30 000 francs:
  1. en las ulteriuras disputas che resultan tras la locaziun e tras la fittanza da locals d'abitar e da fatschenta sco er tras la fittanza agricula,
  2. en las ulteriuras disputas dal dretg da lavur.

**5. titel Procedura summarica****1. chapitel Champ d'applicaziun****Art. 248 Princip**

La procedura summarica è applitgabla:

- a. en ils cas ch'èn fixads da la lescha;
- b. per la protecziun giuridica en cas evidents;
- c. per il scumond giudizial;
- d. per las mesiras preventivas;
- e. per las fatschentas da la giurisdicziun voluntara.

**Art. 249 Cedesch civil svizzer**

La procedura summarica vala en spezial per las suandantas fatschentas:

a.<sup>98</sup> dretg da persunas:

1. la fixaziun d'in termin per approvar fatschentas giuridicas d'ina persuna minorenna u d'ina persuna che stat sut curatella cumplessiva (art. 19a CCS<sup>99</sup>),

<sup>98</sup> Versiun tenor l'agiunta 2 cifra 3 da la LF dals 19 da dec. 2008, en vigur dapi il 1. da schan. 2013 (AS 2010 1739; BBl 2006 7221; AS 2011 725; BBl 2006 7001).

<sup>99</sup> SR 210

2. il dretg da far ina replica (art. 28/ CCS),
  3. la declaranza da spariziun (art. 35 fin 38 CCS),
  4. la correctura d'ina inscripziun en il register dal stadi civil (art. 42 CCS);
- b.<sup>100</sup> ...
- c. dretg d'ierta:
    1. prender en consegna in testament a bucca (art. 507 CCS),
    2. la garanzia en cas da l'ertar d'ina persuna sparida (art. 546 CCS),
    3. il spustament da la partizun d'ierta e la segirezza dals dretgs dals cunertavels envers ertavels insolvents (art. 604 al. 2 e 3 CCS);
  - d. dretgs reals:
    1. las mesiras per mantegnair la valur e l'utilitad da la chaussa en cas da cumproprietad (art. 647 al. 2 cifra 1 CCS),
    2. l'inscripziun da dretgs reals vi da bains immobiliars en cas d'in acquist tras giudida extraordinari (art. 662 CCS),
    3. l'abolizjun dal dretg da far protesta cunter las disposiziuns davart in plau (art. 712c al. 3 CCS),
    4. la nominaziun e la revocaziun da l'administratur en cas d'ina proprietad en condomini (art. 712q e 712r CCS),
    5. l'inscripziun provisoria da dretgs da pegr legals (art. 712*i*, 779*d*, 779*k* ed 837 fin 839 CCS),
    6. la fixaziun d'in termin per la garanzia en cas da la giudida ed en cas da la retratga dal possess (art. 760 e 762 CCS),
    7. l'ordinaziun da la liquidaziun dals debits da la facultad da giudida (art. 766 CCS),
    8. las mesiras a favur dal creditur da pegr per garantir il pegr immobiliar (art. 808 al. 1 e 2 sco er art. 809 fin 811 CCS),
    - 9.<sup>101</sup> l'ordinaziun davart la represchentanza en cas d'ina brev ipotecara (art. 850 al. 3 CCS),
    - 10.<sup>102</sup> l'annullaziun d'ina brev ipotecara (art. 856 e 865 CCS),
    11. la prenotaziun da restricziuns dal dretg da disposer ed inscripziuns provisioncas en il register funsil en cas da disputa (art. 960 al. 1 cifra 1, 961 al. 1 cifra 1 e 966 al. 2 CCS).

<sup>100</sup> Aboli tras l'agiunta 2 cifra 3 da la LF dals 19 da dec. 2008, cun effect dapi il 1. da schan. 2013 (AS 2010 1739; BBI 2006 7221; AS 2011 725; BBI 2006 7001).

<sup>101</sup> Versiun tenor la cifra II 3 da la LF dals 11 da dec. 2009 (brev ipotecara registrada ed ulteriuras midadas en ils dretgs reals), en vigur dapi il 1. da schan. 2012 (AS 2011 4637; BBI 2007 5283).

<sup>102</sup> Versiun tenor la cifra II 3 da la LF dals 11 da dec. 2009 (brev ipotecara registrada ed ulteriuras midadas en ils dretgs reals), en vigur dapi il 1. da schan. 2012 (AS 2011 4637; BBI 2007 5283).

## **Art. 250 Dretg d'obligaziuns**

La procedura summarica vala en spezial per las suandantas fatschentas:

- a. part generala:
  1. il deposit tar la dretgira d'in plainpudair extingui (art. 36 al. 1 DO<sup>103</sup>),
  2. la fixaziun d'in termin adequat per la garanzia (art. 83 al. 2 DO),
  3. il deposit e la vendita da la chaussa debitada en cas d'in retard dal creditur (art. 92 al. 2 e 93 al. 2 DO),
  4. l'autorisazion da far la prestaziun (art. 98 DO),
  5. la fixaziun d'in termin per ademplir il contract (art. 107 al. 1<sup>104</sup> DO),
  6. il deposit d'ina summa dispitaivla (art. 168 al. 1 DO);
- b. singulas relaziuns contractualas:
  1. la designaziun d'in expert per la controlla posteriura dal resultat da la fatschenta u dal rendaquit da provisius (art. 322a al. 2 e 322c al. 2 DO),
  2. la fixaziun d'in termin per prestar ina garanzia, sch'il salari è periclità (art. 337a DO),
  3. la fixaziun d'in termin en cas d'ina execuziun da la laver cuntraria al contract (art. 366 al. 2 DO),
  4. la designaziun d'in expert per examinar l'ovra (art. 367 DO),
  5. la fixaziun d'in termin per ina nova edizion d'ina ovra litterara u artistica (art. 383 al. 3 DO),
  6. la restituziun da la chaussa depositada a chaschun d'in sequester (art. 480 DO),
  7. il giudicament da la garanzia dal pegr immobigliar en cas d'ina garanzia solidarica (art. 496 al. 2 DO),
  8. la suspensiun da la scussiun cunter il garant en cas da prestaziuns da garanzias realas (art. 501 al. 2 DO),
  9. la segirezza dal debitur principal e la liberaziun da la garanzia (art. 506 DO);
- c. dretg da societads e register da commerzi:<sup>105</sup>
  1. la retratga provisoria da l'autorisazion da represchentanza (art. 565 al. 2, 603 e 767 al. 1 DO),
  2. la designaziun da la represchentanza cuminaivla (art. 690 al. 1, 764 al. 2, 792 cifra 1 ed 847 al. 4 DO),
  3. la nominaziun, la revocaziun ed il remplazzament da liquidaturs (art. 583 al. 2, 619, 740, 741, 770, 826 al. 2 e 913 DO),
  4. la vendita per in pretsch da cumpra global ed il gener da l'alienaziun da bains immobigliars (art. 585 al. 3 e 619 DO),

<sup>103</sup> SR 220

<sup>104</sup> Rectificità da la cumissiun da redacciun da l'AF (art. 58 al. 1 LParl; SR 171.10).

<sup>105</sup> Versiun tenor la cifra 2 da l'agiunta da la LF dals 17 da mars 2017 (dretg dal register da commerzi), en vigur dapi il 1. da schan. 2021 (AS 2020 957; BBI 2015 3617).

5. la designazion da l'expert per controllar il quint da gudogn e da perdita sco er la bilantscha da la societad commanditara (art. 600 al. 3 DO),
- 6.<sup>106</sup> la fixaziun d'in termin en cas d'in dumber nunsufficient da commembers u en cas ch'ils organs necessaris mancan (art. 731b, 819, 908 e 941a DO),
- 7.<sup>107</sup> l'ordinaziun da dar infurmaziuns als crediturs sco er als aczunaris, als commembers d'ina societad cun responsabludad limitada ed als associads (art. 697b, 802 al. 4, 857 al. 3 e 958e DO),
- 8.<sup>108</sup> la controlla speziala (art. 697c–697<sup>bis</sup> DO),
- 9.<sup>109</sup> la convocaziun da la radunanza generala, la tractandaziun d'in object da tractativa e l'integrazion da propostas e da curtas motivaziuns en l'invitaziun a la radunanza generala (art. 699 al. 5, 699b al. 4, 805 al. 5 cifra 2 e 3 ed 881 al. 3 DO),
- 10.<sup>110</sup> la designaziun d'ina represchentanza da la societad u da l'associazion, sche conclus da la radunanza generala vegnan contestads da l'administratiun (art. 706a al. 2, 808c ed 891 al. 1 DO),
- 11.<sup>111</sup> la nominaziun e la revocaziun dal post da revisiun (art. 731b, 819 e 908 DO),
12. il deposit d'imports pretendids en cas d'ina liquidaziun (art. 744, 770, 826 al. 2 e 913 DO),
- 13.<sup>112</sup> la revocaziun da l'administratiun e dal post da revisiun da l'associazion (art. 890 al. 2 DO),
- 14.<sup>113</sup> la reinscripcziun d'ina unitad giuridica stizzada en il register da comerzi (art. 935 DO),
- 15.<sup>114</sup> l'ordinaziun da dissolver la societad e da liquidar la societad tenor las prescripcziuns davart il concurs (art. 731b, 819 e 908 DO);
- d. dretg da vaglias:
1. l'annullaziun da vaglias (art. 981 DO),

<sup>106</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS **2016** 3643; BBI **2014** 8669).

<sup>107</sup> Versiun tenor la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109; BBI **2017** 399).

<sup>108</sup> Versiun tenor la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109; BBI **2017** 399).

<sup>109</sup> Versiun tenor la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109; BBI **2017** 399).

<sup>110</sup> Versiun tenor la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109; BBI **2017** 399).

<sup>111</sup> Versiun tenor la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109; BBI **2017** 399).

<sup>112</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS **2016** 3643; BBI **2014** 8669).

<sup>113</sup> Integrà tras la cifra 2 da l'aggiunta da la LF dals 17 da mars 2017 (dretg dal register da comerzi), en vigur dapi il 1. da schan. 2021 (AS **2020** 957; BBI **2015** 3617).

<sup>114</sup> Integrà tras la cifra 3 da l'aggiunta da la LF dals 19 da zer. 2020 (dretg d'aczijs), en vigur dapi il 1. da schan. 2023 (AS **2020** 4005; **2022** 109, 110; BBI **2017** 399).

2. il scumond da pajar ina cambiala ed il deposit da la summa da la cambiala (art. 1072 DO),
3. l'extincziun dal plainpudair che la radunanza dals crediturs ha dà ad in represchentant en cas d'obligaziuns d'emprest (art. 1162 al. 4 DO),
4. la convocaziun d'ina radunanza dals crediturs che vegn pretendida dals crediturs d'emprest (art. 1165 al. 3 e 4 DO).

**Art. 251** Lescha federala dals 11 d'avrigl 1889 davart la scussiun ed il concurs

La procedura summarica vala en spezial per las suandantas fatschentas:

- a. las decisiuns che vegnan prendidas da la dretgira da l'avertura da dretg, da la dretgira da concurs, da la dretgira d'arrest e da la dretgira da moratori;
- b. la permissiun da l'opposiziun posteriura (art. 77 al. 3 LSC<sup>115</sup>) e da l'opposiziun en la scussiun da cambialas (art. 181 LSC);
- c. l'aboliziun u la sistida da la scussiun (art. 85 LSC);
- d. la decisiun che nova facultad è avant maun (art. 265a al. 1 fin 3 LSC);
- e. l'ordinaziun da la separaziun dals bains (art. 68b LSC).

**Art. 251a<sup>116</sup>** Lescha federala dals 18 da december 1987 davart il dretg internaziunal privat

La procedura summarica vala en spezial per las suandantas fatschentas:

- a. la nominaziun ed il remplazzament da commembers da la dretgira da cumpromiss (art. 179 al. 2-5 LDIP<sup>117</sup>);
- b. la refusa e la revocaziun d'in commember da la dretgira da cumpromiss (art. 180a al. 2 ed art. 180b al. 2 LDIP);
- c. la cooperaziun da la dretgira statala a la realisaziun da mesiras preventivas (art. 183 al. 2 LDIP) ed a l'examinaziun da las cumprovas (art. 184 al. 2 LDIP);
- d. l'ulteriura cooperaziun da la dretgira statala a la procedura da cumpromiss (art. 185 LDIP);
- e. la cooperaziun da la dretgira statala a proceduras da cumpromiss estras (art. 185a LDIP);
- f. il deposit da la decisiun da cumpromiss e l'emissiun d'ina declaranza d'executabilitad (art. 193 LDIP);
- g. la renconuschientscha e l'execuziun da decisiuns da cumpromiss estras (art. 194 LDIP).

<sup>115</sup> SR 281.1

<sup>116</sup> Integrà tras la cifra 2 da l'aggiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>117</sup> SR 291

## 2. chapitel Procedura e decisiun

### Art. 252 Dumonda

<sup>1</sup> La procedura vegn iniciada d'ina dumonda.

<sup>2</sup> La dumonda sto vegnir fatga en las furmias tenor l'artitgel 130; en cas simpels u en cas urgents po ella vegnir dada a protocol a bucca davant dretgira.

### Art. 253 Posiziun

Sche la dumonda na para betg dad esser evidentamain inadmissibla u evidentamain nunmotivada, dat la dretgira a la cuntrapartida la pussaivladad da prender posiziun a bucca u en scrit.

### Art. 254 Cumprovas

<sup>1</sup> Las cumprovas ston vegnir fatgas tras documents.

<sup>2</sup> Autras cumprovas èn mo admissiblas:

- a. sch'ellas na retardeschan betg considerablament la procedura;
- b. sche l'intent da la procedura pretenda quai; u
- c. sche la dretgira sto constatar d'uffizi ils fatgs.

### Art. 255 Princip d'inquisiziun

La dretgira constatescha d'uffizi ils fatgs:

- a. sch'ella ha da decider sco dretgira da concurs u sco dretgira da moratori;
- b. en cas d'ordinaziuns da la giurisdicziun voluntara.

### Art. 256 Decisiun

<sup>1</sup> La dretgira po renunziar ad ina tractativa e decider sin basa da las actas, nun che questa lescha disponia insatge auter.

<sup>2</sup> Sch'i sa mussa posteriuramain ch'ina ordinaziun da la giurisdicziun voluntara n'è betg stada correcta, po ella vegnir abolida u midada d'uffizi u sin proposta, nun che questa lescha u la segirezza giuridica s'opponian a quai.

## 3. chapitel Protecziun giuridica en cas clers

### Art. 257

<sup>1</sup> La dretgira conceda ina protecziun giuridica en la procedura summarica, sche:

- a. ils fatgs èn incontestads u cumprovabels immediatamain; e
- b. la situaziun giuridica è clera.

<sup>2</sup> Questa protecziun giuridica è exclusa, sche la fatschenta suttastat a la maxima uffiziala.

<sup>3</sup> Sche questa protecziun giuridica na po betg vegnir concedida, n'entra la dretgira betg en la dumonda.

## 4. chapitel Scumond giudizial

### Art. 258 Princip

<sup>1</sup> Tgi che ha in dretg real vi d'in bain immobigliar po pretender davant dretgira ch'ella scumondia mintga disturbi dal possess e ch'ina cuntravenziun vegnia chastiada, sin denunzia, cun ina multa da fin 2000 francs. Quest scumond po esser fixà per in temp limità u per in temp illimità.

<sup>2</sup> Il petent sto cumprovar ses dretg real cun documents e sto far valair vardaivlamain ch'in disturbi exista u smanatscha.

### Art. 259 Publicaziun

Il scumond sto vegnir communitgà publicamain e sto vegnir plazzà sin il bain immobigliar en in lieu bain visibel.

### Art. 260 Protesta

<sup>1</sup> Tgi che na vul betg renconuscher il scumond sto far protesta tar la dretgira entaifer 30 dis dapi sia publicaziun e dapi ses plazzament sin il bain immobigliar. La protesta na sto betg vegnir motivada.

<sup>2</sup> La protesta fa ch'il scumond na vala betg per la persuna che ha fatg la protesta. Per far valair il scumond stoi vegnir purtà plant davant dretgira.

## 5. chapitel Mesiras preventivas e document da protecziun

### 1. secziun Mesiras preventivas

#### Art. 261 Princip

<sup>1</sup> La dretgira prenda las mesiras preventivas necessarias, sche la partida petenta fa valair vardaivlamain, che:

- a. in dretg ch'ella ha è violà u ch'igl è da temair ina violaziun; e
- b. da questa violaziun la smanatscha in dischavantatg ch'è difficult da puspè vegnir fatg bun.

<sup>2</sup> Sche la cuntrapartida dat ina garanzia adequata, po la dretgira desister da prender mesiras preventivas.

**Art. 262** Cuntegn

Ina mesira preventiva po esser mintga ordinaziun giudiziala ch'è adattada da gidar ad evitare il dischavantatg smanatschant, en spezial:

- a. in scumond;
- b. in'ordinaziun per eliminar in stadi illegal;
- c. ina instrucziun ad in uffizi da registrazion u ad ina terza persuna;
- d. ina prestazion materiala;
- e. il pajament d'in import da daners en ils cas fixads da la lescha.

**Art. 263** Mesiras avant la litispendenza

Sch'il plant en la chaussa principala n'è betg anc pendent, fixescha la dretgira in termin per la partida petenta per inoltrar il plant, smanatschond che la mesira ordinada scodia senz'auter, sch'il termin scadia senza ch'el saja vegnì duvrà.

**Art. 264** Garanzia ed indemnisiaciun dal donn

<sup>1</sup> Sch'igl è da temair ch'i dettia in donn per la cuntrapartida, po la dretgira decider che mesiras preventivas vegnian ordinadas, sche la partida petenta presta ina garanzia.

<sup>2</sup> La partida petenta stat buna per il donn che resulta d'ina mesira preventiva nun-giustifitgada. Ma sch'ella cumprova ch'ella ha fatg sia dumonda en buna fai, po la dretgira reducir l'obligazion d'indemnisiaciun u la liberar dal tuttafatg da tala.

<sup>3</sup> Ina garanzia prestada sto vegnir dada libra, cur ch'igl è cler ch'i na vegg inoltrà nagin plant sin indemnisiaciun dal donn; en cas d'intschertezza fixescha la dretgira in termin per purtar plant.

**Art. 265** Mesiras superprovisoricas

<sup>1</sup> Sch'igl è spezialmain urgent, oravant tut en cas d'in privel d'impediment, po la dretgira ordinar la mesira preventiva immediatamain e senza tadlar la cuntrapartida.

<sup>2</sup> Ordinond la mesira preventiva citescha la dretgira las partidas ad ina audienza che sto avair lieu immediatamain u fixescha in termin per la cuntrapartida per ch'ella possia prender posizion en scrit. Suenter avair tadlà la cuntrapartida decida la dretgira immediatamain davart la dumonda.

<sup>3</sup> La dretgira po obligar d'uffizi la partida petenta da prestar ordavant ina garanzia.

**Art. 266** Mesiras cunter las medias

Cunter las medias che cumparan periodicamain dastga la dretgira ordinar ina mesira preventiva mo:

- a. sche la violaziun da dretg che smanatscha la partida petenta po chaschunar in dischavantatg spezialmain grev per ella;

- b. sch'i n'è evidentamain betg avant maun in motiv che giustifitgass la violaziun; e
- c. sche la mesira na para betg dad esser sproporzionada.

#### **Art. 267 Execuziun**

La dretgira che ordinescha la mesira preventiva prenda er las mesiras d'execuziun necessarias.

#### **Art. 268 Midada ed aboliziun**

<sup>1</sup> Sche las circumstanças èn sa midadas u sche las mesiras preventivas sa mussan posteriuramain dad esser nungiustifitgadas, pon ellas vegin midadas u abolidas.

<sup>2</sup> Cun l'entrada en vigur da la decisiun en la chaussa principala scrodan las mesiras tras lescha. La dretgira po ordinar che las mesiras valian vinavant, sche quai serva a l'execuziun u sche la lescha prevesa quai.

#### **Art. 269 Resalva**

Resalvadas restan las disposiziuns:

- a. da la LSC<sup>118</sup> concernent mesiras da segirezza tar l'execuziun da pretensiuns en daners;
- b. dal CCS<sup>119</sup> concernent las disposiziuns da garanzia dal dretg d'ierta;
- c. da la Lescha da patentas dals 25 da zercladur 1954<sup>120</sup> concernent il plant sin concessiun da la licenza.

## **2. secziun Document da protecziun**

#### **Art. 270**

<sup>1</sup> Tgi che ha motiv da supponer ch'i vegnia pretendi – senza al tadlar ordavant – d'ordinar ina mesira superprovisorica, in arrest tenor ils artitgels 271 fin 281 LSC<sup>121</sup> u in'autra mesira cunter el, po preschenttar preventivamain ses puntg da vista en in document da protecziun.<sup>122</sup>

<sup>2</sup> Il document da protecziun vegn communitgà a la cuntrapartida mo, sche quella iniziescha la procedura correspudenta.

<sup>118</sup> SR **281.1**

<sup>119</sup> SR **210**

<sup>120</sup> SR **232.14**

<sup>121</sup> SR **281.1**

<sup>122</sup> Versiun tenor l'art. 3 cifra 1 dal COF dals 11 da dec. 2009 (approvaziun e realisaziun da la Cunvegna da Lugano), en vigur dapi il 1. da schan. 2011 (AS **2010** 5601; BB<sub>I</sub> **2009** 1777).

<sup>3</sup> Il document da proteczion na sto betg pli vegnir resguardà 6 mais suenter ch'el è vegnì inoltrà.

## 6. titel      Proceduras spezialas dal dretg matrimonial

### 1. chapitel    Fatschentas da la procedura summarica

#### Art. 271      Champ d'applicaziun

La procedura summarica po vegnir applitgada – cun resalva dals artitgels 272 e 273 – per mesiras per proteger la cuminanza conjugala, en spezial per:

- a. las mesiras tenor ils artitgels 172 fin 179 CCS<sup>123</sup>;
- b. l'extensiun da l'autorisaziun da represchentar in conjugal per la cuminanza conjugala (art. 166 al. 2 cifra 1 CCS);
- c. l'autorisaziun d'in conjugal da disponer da l'abitaziun da la famiglia (art. 169 al. 2 CCS);
- d. l'obligaziun dals conjugals da dar infurmaziuns davart las entradas, davart la facultad e davart ils debits (art. 170 al. 2 CCS);
- e. l'ordinaziun da la separaziun dals bains ed il reprender da l'antierur urden dals bains (art. 185, 187 al. 2, 189 e 191 CCS);
- f. l'obligaziun d'in conjugal da cooperar a far in inventari (art. 195a CCS);
- g. la determinaziun da termins da pajament e da garanzias tranter conjugals ordaifer in process davart la liquidaziun dals bains matrimonials (art. 203 al. 2, 218, 235 al. 2 e 250 al. 2 CCS);
- h. il consentiment d'in conjugal da refusar u d'acceptar ina ierta (art. 230 al. 2 CCS);
- i. l'avis als debiturs e la garanzia dal mantegniment suenter il divorzi ordaifer in process davart il mantegniment suenter il divorzi (art. 132 CCS).

#### Art. 272      Princip d'inquisiziun

La dretgira constatescha d'uffizi ils fatgs.

#### Art. 273      Procedura

<sup>1</sup> La dretgira realisescha ina tractativa a bucca. A quella po ella renunziar mo, sch'ils fatgs èn clers u incontestads sin basa da las inoltraziuns da las partidas.

<sup>2</sup> Las partidas ston cumpairir persunalmain, nun che la dretgira las dispenseschia pervia da malsogna, pervia da vegliadetgna u per auters motivs impurtants.

<sup>3</sup> La dretgira sa stenta da chattar in consens tranter las partidas.

<sup>123</sup> SR 210

**2. chapitel Procedura da divorzi****1. secziun Disposiziuns generalas****Art. 274** Iniziazion

La procedura da divorzi vegn iniziada cun inoltrar ina dumonda cuminaivla da divorzi u cun in plant da divorzi.

**Art. 275** Aboliziun da la chasada cuminaivla

Suenter l'entrada da la litispendenza po mintga conjugal abolir la chasada cuminaivla per la durada da la procedura da divorzi.

**Art. 276** Mesiras preventivas

- 1 La dretgira prenda las mesiras preventivas necessarias. Las disposiziuns davart las mesiras per la protecziun da la cuminanza conjugala èn applitgablas tenor il senn.
- 2 Mesiras che la dretgira per la protecziun da la lètg ha ordinà valan vinavant. Per abolir u per midar quellas è cumpetenta la dretgira da divorzi.
- 3 La dretgira po ordinar mesiras preventivas er, sche la lètg è schliada e sche la procedura davart las consequenzas dal divorzi dura però anc.

**Art. 277** Constatazjuni dals fatgs

- 1 Per la liquidazjuni dals bains matrimonials e per il mantegniment suenter il divorzi vala il princip da tractativa.
- 2 Sche la dretgira constatescha ch'i mancan documents ch'èn necessaris per giudigar las consequenzas patrimonialas dal divorzi, ordinescha ella a las partidas d'inoltrar quels posteriuramain.
- 3 Dal rest constatescha la dretgira d'uffizi ils fatgs.

**Art. 278** Preschientscha persunalna

Las partidas ston esser preschentas persunalmain a las tractativas, nun che la dretgira las dispenseschia pervia da malsogna, pervia da vegliadetgna u per auters motivs impurtants.

**Art. 279** Approvaziun da la cunvegna

- 1 La dretgira approvescha la cunvegna davart las consequenzas dal divorzi, sch'ella è persvadida ch'ils conjugals hajan fatg ella da libra voluntad e suenter madira reflexiun e ch'ella saja clera, cumpletta e betg evidentamain inadequata; resalvadas restan las disposiziuns davart il provediment professiunal.
- 2 La cunvegna va pir en vigur, cur che la dretgira l'ha approvada. Ella sto vegnir integrada en il dispositiv da la decisiun.

**Art. 280** Cunvegna davart il provediment professiunal

<sup>1</sup> La dretgira approvescha ina cunvegna davart la gulivaziun da las pretensiuns dal provediment professiunal, sche:<sup>124</sup>

- a.<sup>125</sup> ils conjugals èn s'accordads davart la gulivaziun sco er davart sia realisazion;
- b.<sup>126</sup> ils conjugals preschentan ina conferma da las instituziuns dal provediment professiunal participadas davart la realisabladad da la regulaziun fixada e davart l'autezza dals dabuns u da las rentas; e
- c. la dretgira è sa persvadida che la cunvegna correspunda a la lescha.

<sup>2</sup> La dretgira communityescha a las instituziuns participadas ils puncts da la sentenzia valaivla che las concernan, inclusiv las indicaziuns necessarias per assegnar l'import fixà. La decisiun è lianta per las instituziuns.

<sup>3</sup> Sch'ils conjugals sa cunvegnan da divergiar da la partiziun mez a mez u da desister da la cumpensaziun dal provediment professiunal, controllescha la dretgira d'uffizi, sch'in provediment adequat da vegliadetgna e d'invaliditat resta garanti.<sup>127</sup>

**Art. 281** Mancanza d'ina cunvegna davart la cumpensaziun dal provediment professiunal<sup>128</sup>

<sup>1</sup> Sch'i na reussescha betg da far ina cunvegna, ma sch'ils dabuns e las rentas èn cleris, decida la dretgira tenor las prescripziuns dal CCS<sup>129</sup> e da la Lescha dals 17 da december 1993<sup>130</sup> davart la libra circulaziun (LFLP) davart la proporziun da la partiziun (art. 122–124e CCS en cumbinaziun cun art. 22–22f LFLP), fixescha l'import che sto veginr assegnà e sa procura – fixond in termin – tar las instituziuns participadas dal provediment professiunal la conferma che la regulaziun ch'è veginida prendida en mira è realisabla.<sup>131</sup>

<sup>2</sup> L'artitgel 280 alinea 2 vala tenor il senn.

<sup>124</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>125</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>126</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>127</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>128</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>129</sup> SR 210

<sup>130</sup> SR 831.42

<sup>131</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>3</sup> En ils ulteriurs cas nua ch'i na reussescha betg da far ina cunvegna, assegna la dretgira, apaina che la decisiun davart la proporziun da la partizun è entrada en vigur, d'uffizi la chaussa en disputa a la dretgira ch'è cumpetenta per quai tenor la LFLP e la communitegescha en spezial:<sup>132</sup>

- a. la decisiun davart la proporziun da la partizun;
- b. la data da la maridaglia e la data dal divorzi;
- c.<sup>133</sup> las instituziuns dal provediment professiunal, nua ch'ils conjugals han previsiblamain dabuns, e l'autezza da queste dabuns;
- d.<sup>134</sup> las instituziuns dal provediment professiunal che pajan rentas als conjugals, l'autezza da questas rentas e las parts da rentas concedidas.

### **Art. 282 Contribuziuns da mantegniment**

1 La cunvegna u la decisiun che fixescha contribuziuns da mantegniment sto inditgar:

- a. tge entradas e tge facultad da mintga conjugal ch'en vegnidas resguardadas per la calculazion;
- b. tge import che vegn attribui al conjugal ed a mintga uffant;
- c. tge import che manca per cuvrir il mantegniment duì dal conjugal sustegni, sch'i vegn resalvà d'augmentar posteriuramain la renta;
- d. sche ed en tge dimensiun che la renta vegn adattada a las midadas dals custs da viver.

2 Sche la contribuziun da mantegniment per il conjugal vegn contestada, po l'instanza da recurs giuditgar da nov er las contribuziuns da mantegniment per ils uffants che n'en betg vegnidas contestadas.

### **Art. 283 Unitad da la decisiun**

1 En la decisiun davart il divorzi decide la dretgira er davart sias consequenzas.

2 Per motivs impurtants po la liquidaziun dals bains matrimonials vegnir attribuida ad ina procedura separada.

<sup>3</sup> La gulivaziun da pretensiuns dal provediment professiunal po vegnir attribuida sco unitad ad ina procedura separada, sch'i en pertutgadas pretensiuns da provediment a l'exterior e sche la gulivaziun permetta d'effectuar ina decisiun en il stadi respectiv.

<sup>132</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>133</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>134</sup> Versiun tenor la cifra 2 da l'agiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

La dretgira po suspender la procedura separada, fin che la decisiun da l'exterior è avant maun; ella po già fixar la proporziun da la partizion.<sup>135</sup>

#### **Art. 284** Midada da consequenzas dal divorzi decididas cun vigur legala

<sup>1</sup> Las premissas e la cumpetenza materiala per midar la decisiun sa drizzan tenor ils artitgels 124e alinea 2, 129 e 134 CCS<sup>136,137</sup>

<sup>2</sup> Midadas betg dispitaivlas pon las partidas fixar en ina simpla furma scritta; resalvadas restan las disposiziuns dal CCS concernent las dumondas d'uffants (art. 134 al. 3 CCS).

<sup>3</sup> Per proceduras davart midadas dispitaivlas valan las disposiziuns davart il plant da divorzi confurm al senn.

### **2. secziun Divorzi sin dumonda cuminaivla**

#### **Art. 285** Inoltraziun en cas d'ina cunvegna cumplettia

L'inoltraziun cuminaivla dals conjugals cuntegna:

- a. ils numis e las addressas dals conjugals sco er la designaziun d'eventualas re-preschentanzas;
- b. la dumonda cuminaivla da divorzi;
- c. la cunvegna cumplettia davart las consequenzas dal divorzi;
- d. las propostas cuminaivlas areguard ils uffants;
- e. ils mussaments necessaris;
- f. la data e las su ttascripziuns.

#### **Art. 286** Inoltraziun en cas d'ina cunvegna parziale

<sup>1</sup> En l'inoltraziun han ils conjugals da far la proposta che la dretgira giuditgeschia las consequenzas dal divorzi davart las qualas els n'èn betg perina.

<sup>2</sup> Mintga conjugal po far propostas motivadas davart las consequenzas dal divorzi dispitaivlas.

<sup>3</sup> Dal rest vala l'artitgel 285 tenor il senn.

<sup>135</sup> Integrà tras la cifra 2 da l'aggiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>136</sup> SR 210

<sup>137</sup> Versiun tenor la cifra 2 da l'aggiunta da la LF dals 19 da zer. 2015 (cumpensaziun dal provediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

**Art. 287<sup>138</sup>** Audiziun da las partidas

Sche l'inoltrazion è cumplettia, citescha la dretgira las partidas ad in'audiziun. Quella sa drizza tenor las disposiziuns dal CCS<sup>139</sup>.

**Art. 288** Cuntinuaziun da la procedura e decisiun

1 Sche las premissas per in divorzi sin dumonda cuminaivla èn ademplidas, pronunzia la dretgira il divorzi ed approvescha la cunvegna.

2 Sche consequenzas dal divorzi èn restadas dispitaivlas, vegn la procedura cuntinuada en moda cuntradictoria concerment questas consequenzas.<sup>140</sup> La dretgira po reparter las rollas da las partidas.

3 Sche las premissas per in divorzi sin dumonda cuminaivla n'èn betg ademplidas, refusescha la dretgira la dumonda cuminaivla da divorzi e fixescha il medem mument in termin per mintga conjugal per inoltrar in plant da divorzi.<sup>141</sup> Durant quest termin resta la procedura pendenta ed eventualas mesiras preventivas valan vinavant.

**Art. 289** Meds legals

Il divorzi da la lètg po vegnir contestà cun appellaziun mo pervia da mancanzas da voluntad.

**3. secziun Plant da divorzi****Art. 290** Inoltrazion dal plant

Il plant da divorzi po vegnir inoltrà senza ina motivaziun en scrit. El cuntegna:

- a. ils numis e las addressas dals conjugals sco er la designaziun d'eventualas re-preschentanzas;
- b. la pretensiun giuridica che la lètg stoppia vegnir divorziada sco er la designaziun dal motiv dal divorzi (art. 114 u 115 CCS<sup>142</sup>);
- c. las pretensiuns giuridicas areguard las consequenzas patrimonialas dal divorzi;
- d. las pretensiuns giuridicas areguard ils uffants;
- e. ils mussaments necessaris;

<sup>138</sup> Versiun tenor la cifra II da la LF dals 25 da sett. 2009 (temp da reflexiun en la procedura da divorzi sin dumonda cuminaivla), en vigur dapi il 1. da schan. 2011 (AS 2010 281 1861; BBI 2008 1959 1975).

<sup>139</sup> SR 210

<sup>140</sup> Versiun tenor la cifra II da la LF dals 25 da sett. 2009 (temp da reflexiun en la procedura da divorzi sin dumonda cuminaivla), en vigur dapi il 1. da schan. 2011 (AS 2010 281 1861; BBI 2008 1959 1975).

<sup>141</sup> Versiun tenor la cifra II da la LF dals 25 da sett. 2009 (temp da reflexiun en la procedura da divorzi sin dumonda cuminaivla), en vigur dapi il 1. da schan. 2011 (AS 2010 281 1861; BBI 2008 1959 1975).

<sup>142</sup> SR 210

f. la data e las suttascripcziuns.

#### **Art. 291 Tractativa da cunvegna**

<sup>1</sup> La dretgira citescha ils conjugals ad ina tractativa e sclerescha, sch'il motiv dal divorzi è avant maun.

<sup>2</sup> Sch'il motiv dal divorzi è segir, emprova la dretgira da cuntanscher tranter ils conjugals ina cunvegna davart las consequenzas dal divorzi.

<sup>3</sup> Sch'il motiv dal divorzi n'è betg segir u sch'i na reussescha betg da cuntanscher ina cunvegna, fixescha la dretgira in termin per la partida accusanta per inoltrar posteriuramain ina motivazion en scrit dal plant. Sch'il termin na vegn betg observà, vegn il plant stritgà pervia da mancanza d'object.

#### **Art. 292 Midada al divorzi sin dumonda cuminaivla**

<sup>1</sup> La procedura vegn cuntuinada tenor las prescripcziuns davart il divorzi sin dumonda cuminaivla, sch'ils conjugals:

- a. n'han betg vivì en moda separada dapi almain 2 onns, cur che la litispendenza entra; e
- b. van d'accord cun il divorzi.

<sup>2</sup> Sch'il motiv che vegn fatg valair per il divorzi è segir, na datti nagina midada al divorzi sin dumonda cuminaivla.

#### **Art. 293 Midada dal plant**

Il plant da divorzi po vegnir midà en in plant da separaziun fin al mument che la tractativa da la sentenzia cumenza.

### **4. secziun Plant sin nunvalaivladad da la lètg e plant da separaziun**

#### **Art. 294**

<sup>1</sup> La procedura en cas da plants sin nunvalaivladad da la lètg e da plants da separaziun sa drizza tenor il senn segund las prescripcziuns davart il plant da divorzi.

<sup>2</sup> In plant da separaziun po vegnir midà en in plant da divorzi fin al mument che la tractativa da la sentenzia cumenza.

### **7. titel Interess dals uffants en fatschentas dal dretg da famiglia**

#### **1. chapitel Disposiziuns generalas**

#### **Art. 295 Princip**

Per plants independents vala la procedura simplifitgada.

**Art. 296** Princip d'inquisizion e maxima uffiziala

- 1 La dretgira eruescha d'uffizi ils fatgs.
- 2 Per sclerir la derivanza han las partidas e terzas persunas da cooperar tar examinazioni ch'èn necessarias e senza privel per la sanadad. Las disposiziuns davart ils dretgs da refusa da las partidas e da terzas persunas n'èn betg appligtglas.
- 3 La dretgira decida independentamain davart las dumondas da las partidas.

**Art. 297** Audiziun dals geniturs e mediaziun extragiudiziala

- 1 Avant che prender mesiras concernent in uffant, taidla la dretgira persunalmain ils geniturs.
- 2 La dretgira po intimar ils geniturs d'empruvar da far ina mediaziun extragiudiziala.

**Art. 298** Audiziun da l'uffant

- 1 L'uffant vegn tadlà persunalmain en moda adattada da la dretgira u d'ina terza persuna incumbensada, nun che sia vegliadetgna u auters motivs impurtants plestan cunter qui.
- 2 En il protocol da l'audiziun vegnan menziunads mo ils resultats ch'èn essenzials per la decisum. Ils geniturs ed il procuratur vegnan infurmads davart quests resultats.
- 3 L'uffant ch'è abel da giuditgar po contestar cun recurs la refusa da l'audiziun.

**Art. 299** Ordinazion d'ina represchentanza da l'uffant

- 1 La dretgira ordinescha sche necessari la represchentanza da l'uffant e designescha sco procuratur ina persuna che ha experientscha en dumondas dal provediment e dal dretg.
- 2 Ella examinescha, sch'ella duai ordinari la represchentanza, en spezial sche:
  - a.<sup>143</sup> ils geniturs fan differentas propostas areguard:
    1. l'attribuzion da la tgira genituriala,
    2. l'attribuzion da la surveglianza,
    3. dumondas impurtantas da la relaziun persunala cun l'uffant,
    4. la repartizion da l'assistenza,
    5. la contribuzion da mantegniment;
  - b.<sup>144</sup> l'autoritatad da proteczion d'uffants u in genitur dumonda ina represchentanza;

<sup>143</sup> Versiun tenor la cifra 2 da l'aggiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>144</sup> Versiun tenor l'aggiunta 2 cifra 3 da la LF dals 19 da dec. 2008, en vigur dapi il 1. da schan. 2013 (AS 2010 1739; BBI 2006 7221; AS 2011 725; BBI 2006 7001)..

- c. ella fa valair sa basond sin l'audiziun dals geniturs u da l'uffant ubain per auters motivs;<sup>145</sup>
- 1.<sup>146</sup> dubis considerabels, sche las dumondas cuminaivlas dals geniturs areguard las dumondas tenor la litera a èn adequatas, u
- 2. ponderaziuns da decretar mesiras per la protecziun da l'uffant.

<sup>3</sup> Sche l'uffant ch'è abel da giuditgar fa la dumonda d'ina represchentanza, sto quella vegnir ordinada. L'uffant po contestar cun recurs, sche la represchentanza na vegn betg ordinada.

#### Art. 300<sup>147</sup> Cumpetenzas da la represchentanza

La represchentanza da l'uffant po far dumondas e far diever da meds legals, uschenavant ch'i sa tracta da las suandardas fatschentas:

- a. l'attribuziun da la tgira genituriala;
- b. l'attribuziun da la surveglianza;
- c. dumondas impurtantas da la relaziun persunala cun l'uffant;
- d. la repartiziun da l'assistenza;
- e. la contribuziun da mantegniment;
- f. las mesiras da protecziun da l'uffant.

#### Art. 301 Communicaziun da la decisiun

Ina decisiun vegn communitgada:

- a. als geniturs;
- b. a l'uffant che ha cumplenì il 14. onn da vegliadetgna;
- c.<sup>148</sup> eventualmain al procuratur, uschenavant ch'i sa tracta d'ina da las suandardas dumondas:
  - 1. l'attribuziun da la tgira genituriala.
  - 2. l'attribuziun da la surveglianza,
  - 3. dumondas impurtantas da la relaziun persunala cun l'uffant,
  - 4. la repartiziun da l'assistenza,
  - 5. la contribuziun da mantegniment,
  - 6. las mesiras da protecziun da l'uffant.

<sup>145</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>146</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>147</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>148</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

**Art. 301a<sup>149</sup> Contribuziuns da mantegniment**

Sch'i vegnan fixadas contribuziuns da mantegniment en il contract da mantegniment u en la decisiun, stoi vegnir inditgà:

- a. tge entradas e tge facultad da mintga genitur che vegnan resguardadas per la calculaziun;
- b. tge import ch'è destinà a mintga uffant;
- c. tge import che manca per cuvrir il mantegniment duì da mintga uffant;
- d. sche ed en tge dimensiun che las contribuziuns da mantegniment vegnan adattadas a las midadas dals custs da viver.

**2. chapitel Procedura summarica: champ d'applicaziun<sup>150</sup>****Art. 302 ...<sup>151</sup>**

<sup>1</sup> La procedura summarica è en spezial applitgabla per:

- a. decisiuns tenor la Convenziun da Den Haag dals 25 d'october 1980<sup>152</sup> davart ils aspects civils dal rapiment internaziunal d'uffants e tenor la Convenziun europeica dals 20 da matg 1980<sup>153</sup> davart la renconuschienschaft e l'execuziun da decisiuns areguard il dretg da tgira dals uffants e davart il restabiliment dal dretg da tgira;
- b. il pajament d'ina contribuziun speziala en cas da basegns spezials imprevis da l'uffant (art. 286 al. 3 CCS<sup>154</sup>);
- c. l'avis als debiturs e la garanzia dal mantegniment dals uffants suenter il divisorzi ordaifer in process davart l'obligaziun da mantegniment suenter il divisorzi dals geniturs (art. 291 e 292 CCS).

<sup>2</sup> Resalvadas èn las disposiziuns da la Lescha federala dals 21 da december 2007<sup>155</sup> davart il rapiment internaziunal d'uffants e davart las Convenziuns da Den Haag concernt la protecziun d'uffants e da persunas creschidas.

<sup>149</sup> Integrà tras la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>150</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>151</sup> Aboli tras la cifra 2 da l'agiunta da la LF dals 20 da mars 2015 (mantegniment dals uffants), cun effect dapi il 1. da schan. 2017 (AS 2015 4299; BBI 2014 529).

<sup>152</sup> SR 0.211.230.02

<sup>153</sup> SR 0.211.230.01

<sup>154</sup> SR 210

<sup>155</sup> SR 211.222.32

### **3. chapitel Plant sin mantegniment e plant da paternitad<sup>156</sup>**

#### **Art. 303 Mesiras preventivas**

<sup>1</sup> Sche la relaziun da figlialanza è clera, po l'accusà vegnir obligà da depositar u da pajar provisoriamain contribuziuns adequatas al mantegniment da l'uffant.

<sup>2</sup> Sch'il plant sin mantegniment è vegnì inoltrà ensemes cun il plant da paternitad, sto l'accusà sin dumonda da la partida accusanta:

- a. depositar ils custs da la pagliola e contribuziuns adequatas al mantegniment da la mamma e da l'uffant, sche la paternitad è vegnida fatga valair vardai-vlaman;
- b. pajar contribuziuns adequatas al mantegniment da l'uffant, sche la paternitad po vegnir presumada e sche questa presumziun resta valaivla er suenter ch'ils medis da cumprova èn vegnids preschentads immediatamain.

#### **Art. 304 Cumpetenza**

<sup>1</sup> La dretgira ch'è cumpetenta per giuditgar il plant decida davart il deposit, davart il pajament provisoric, davart il sbursament da contribuziuns depositadas e davart la restituziun da pajaments provisorics.

<sup>2</sup> En cas d'in plant sin mantegniment decida la dretgira er davart la tgira genituriela e davart las ulteriuras dumondas concerment ils uffants.<sup>157</sup>

## **8. titel Proceduras en cas d'in partenadi registrà**

### **1. chapitel Fatschentas da la procedura summarica**

#### **Art. 305 Champ d'applicaziun**

La procedura summarica è en spezial applitgabla per:<sup>158</sup>

- a. la fixaziun da contribuziuns en daners per il mantegniment ed ordinaziun a la debitura u al debitür (art. 13 al. 2 e 3 da la Lescha da partenadi dals 18 da zercladur 2004<sup>159</sup>, LPart);
- b. l'autorisaziun d'ina partenaria u d'in partenari da disponer da l'abitaziun cuminaivla (art. 14 al. 2 LPart);
- c. l'extensiun e la retratga da l'autorisaziun da represchentanza d'ina partenaria u d'in partenari per la cuminanza (art. 15 al. 2 lit. a e 4 LPart);

<sup>156</sup> Versiun tenor la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>157</sup> Integrà tras la cifra 2 da l'agiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>158</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS 2016 3643; BBI 2014 8669).

<sup>159</sup> SR 211.231

- d. l'obligaziun da la partenaria u dal partenari da dar infurmazius davart las entradas, davart la facultad e davart ils debits (art. 16 al. 2 LPart);
- e. la fixaziun, l'adattaziun u l'aboliziun da las contribuziuns en daners e la regulaziun da l'utilisaziun da l'abitaziun e da la rauba da chasa (art. 17 al. 2 e 4 LPart);
- f. l'obligaziun d'ina partenaria u d'in partenari da cooperar tar l'inventarisazion (art. 20 al. 1 LPart);
- g. la restricziun da l'autorisaziun d'ina partenaria u d'in partenari da disponer da tschertas valurs da facultad (art. 22 al. 1 LPart);
- h. la concessiun da termins per pajar ils debits tranter las partenarias ed ils partenaris (art. 23 al. 1 LPart).

#### **Art. 306 Procedura**

Per la procedura valan ils artitgels 272 e 273 tenor il senn.

### **2. chapitel Schliaziun e nunvalaivladad dal partenadi registrà**

#### **Art. 307**

Per la procedura per schiliar e per declarar sco nunvalaivel il partenadi registrà valan las disposiziuns davart la procedura da divorzi tenor il senn.

#### **3. chapitel<sup>160</sup>**

### **Dumondas d'uffants en proceduras concernent il partenadi registrà**

#### **Art. 307a**

Sch'ina persuna ha adoptà l'uffant minoren da ses partenari registrà, valan ils artitgels 295–302 tenor il senn.

### **9. titel Meds legals**

#### **1. chapitel Appellaziun**

##### **1. secziun Decisiuns contestablas e motivs d'appellaziun**

#### **Art. 308 Decisiuns contestablas**

<sup>1</sup> Cun appellaziun pon vegnir contestads:

- a. decisiuns finalas e decisiuns intermediares d'emprima instanza;

<sup>160</sup> Integrà tras la cifra 2 da l'aggiunta da la LF dals 17 da zer. 2016 (adopziun), en vigur dapi il 1. da schan. 2018 (AS 2017 3699; BBI 2015 877).

b. decisiuns d'emprima instanza davart mesiras preventivas.

<sup>2</sup> En fatschentas dal dretg patrimonial è l'appellaziun mo admissibla, sche la valur en disputa da las pretensiuns giuridicas mantegnidas sco ultimas importa almain 10 000 francs.

### Art. 309 Excepziuns

L'appellaziun è inadmissibla:

- a. cunter decisiuns da la dretgira d'execuziun;
- b. en las suandantas fatschentas da la LSC<sup>161</sup>:
  - 1. aboliziun dal moratori (art. 57d LSC),
  - 2. permissiun d'ina opposiziun posteriura (art. 77 LSC),
  - 3. avertura da dretg (art. 80 fin 84 LSC),
  - 4. aboliziun u sistida da la scussiun (art. 85 LSC),
  - 5. permissiun da l'opposiziun en la scussiun da cambialas (art. 185 LSC),
  - 6.<sup>162</sup> arrest (art. 272 e 278 LSC),
  - 7.<sup>163</sup> decisiuns che tutgan tenor LSC en la cumpetenza da la dretgira da concurs u da la dretgira da moratori.

### Art. 310 Motivs d'appellaziun

Cun appellaziun pon ins far valair:

- a. in'applicaziun fallada dal dretg;
- b. constataziun fallada dals fatgs.

## 2. seczion

### Appellaziun, resposta a l'appellaziun ed appellaziun adesiva

#### Art. 311 Inoltraziun da l'appellaziun

<sup>1</sup> L'appellaziun sto veginr inoltrada en scrit e cun ina motivaziun a l'instanza da recurs entaifer 30 dis suenter la consegna da la decisiun motivada respectivamain suenter la consegna posteriura da la motivaziun da la decisiun (art. 239).

<sup>2</sup> La decisiun contestada sto veginr agiuntada.

<sup>161</sup> SR 281.1

<sup>162</sup> Versiun tenor l'art. 3 cifra 1 dal COF dals 11 da dec. 2009 (approvaziun e realisaziun da la Cunvegna da Lugano), en vigur dapi il 1. da schan. 2011 (AS 2010 5601; BBI 2009 1777).

<sup>163</sup> Integrà tras l'art. 3 cifra 1 dal COF dals 11 da dec. 2009 (approvaziun e realisaziun da la Cunvegna da Lugano), en vigur dapi il 1. da schan. 2011 (AS 2010 5601; BBI 2009 1777).

**Art. 312** Resposta a l'appellaziun

1 L'instanza da recurs trumetta l'appellaziun a la cuntrapartida per ch'ella possia prender posiziun en scrit, nun che l'appellaziun seja evidentamain inadmissibla u evidentamain nunmotivada.

2 Il termin per dar resposta a l'appellaziun importa 30 dis.

**Art. 313** Appellaziun adesiva

1 En sia resposta a l'appellaziun po la cuntrapartida far in'appellaziun adesiva.

2 L'appellaziun adesiva scroda, sche:

- a. l'instanza da recurs n'entra betg en l'appellaziun;
- b. l'appellaziun vegn refusada sco evidentamain nunmotivada;
- c. l'appellaziun vegn retratga avant ch'il tractament da la sentenzia ha cumenzà.

**Art. 314** Procedura summarica

1 Cunter ina decisiun ch'è vegnida decretada en la procedura summarica importa il termin per inoltrar l'appellaziun e per la resposta a l'appellaziun mintgamai 10 dis.

2 L'appellaziun adesiva n'è betg admissibla.

**3. secziun Effects e proceduras da l'appellaziun****Art. 315** Effect suspensiv

1 L'appellaziun blochescha la vigur legala e l'executabilitad da la decisiun contestada en la dimensiun da las dumondas.

2 L'instanza da recurs po permetter l'execuziun anticipada. En cas da basegn ordinescha ella che mesiras da segirezza vegnian prendidas u ch'ina garanzia vegnia prestada.

3 Sche l'appellaziun sa drizza cunter ina decisiun da concepziun, na po l'effect suspensiv betg vegnir retratg.

4 Nagin effect suspensiv n'ha l'appellaziun cunter decisiuns davart:

- a. il dretg da far ina replica;
- b. mesiras preventivas.

5 L'execuziun da mesiras preventivas po vegnir suspendida excepziunalmain, sche la partida pertutgada vegn smanatschada d'in dischavantatg quasi irreparabel.

**Art. 316** Proceduras davant l'instanza da recurs

1 L'instanza da recurs po realisar ina tractativa u decider sin basa da las actas.

2 Ella po ordinar ina segunda correspundenza.

<sup>3</sup> Ella po examinar cumprovas.

**Art. 317** Novs fatgs, novs meds da cumprova e midada dal plant

<sup>1</sup> Novs fatgs e novs meds da cumprova vegnan resguardads mo pli, sch'els:

- a. vegnan preschentads senza retard; e
- b. n'han betg gia pudi vegnir preschentads davant l'emprima instanza malgrà la premura pretendibla.

<sup>2</sup> Igl è mo pli admess da midar il plant, sche:

- a. las premissas tenor l'artitgel 227 alinea 1 èn dadas; e
- b.<sup>164</sup> la midada dal plant sa basa sin novs fatgs u sin novas cumprovas.

**Art. 318** Decisiun

<sup>1</sup> L'instanza da recurs po:

- a. confermar la decisiun contestada;
- b. decider da nov; u
- c. refusar la chaussa per mauns da l'emprima instanza, sche:
  - 1. ina part essenziala dal plant n'è betg vegnida giuditgada, u
  - 2. ils fatgs ston vegnir cumplettads en parts essenzialas.

<sup>2</sup> L'instanza da recurs communityescha sia decisiun cun ina motivaziun en scrit.

<sup>3</sup> Sche l'instanza da recurs prenda ina nova decisiun, decida ella er davart ils custs da la procedura d'emprima instanza.

## 2. chapitel Recurs

**Art. 319** Object contestà

Cun recurs pon vegnir contestads:

- a. decisiuns finalas d'emprima instanza, decisiuns intermediaras e decisiuns davart mesiras preventivas cunter las qualas i na po betg vegnir fatga in'appellaziun;
- b. outras decisiuns d'emprima instanza e disposiziuns processualas:
  - 1. en ils cas ch'en fixads da la lescha,
  - 2. sch'i smanatscha pervia dad ellas in dischavantatg quasi irreparabel;
- c. en ils cas d'ina retardada da dretg.

<sup>164</sup> Versiun tenor la cifra II da la LF dals 25 da sett. 2015 (represchentanza professiunala en la procedura d'execuziun sfurzada), en vigur dapi il 1. da schan. 2018 (AS 2016 3643; BBI 2014 8669).

**Art. 320** Motivs da recurs

Cun il recurs pon vegnir fatgas valair:

- a. in'aplicaziun fallada dal dretg;
- b. ina constataziun evidentamain fallada dals fatgs.

**Art. 321** Inoltrazion dal recurs

<sup>1</sup> Il recurs sto vegnir inoltrà en scrit e cun ina motivaziun a l'instanza da recurs entaifer 30 dis suenter la consegna da la decisiun motivada ubain suenter la consegna posteriura da la motivaziun da la decisiun (art. 239).

<sup>2</sup> Sch'i vegn recurrì cunter ina decisiun ch'è vegnida decretada en la procedura summarica u cunter ina disposiziun processuala, importa il termin da recurs 10 dis, nun che questa lescha disponia insatge auter.

<sup>3</sup> La decisiun contestada u la disposiziun processuala contestada sto vegnir agiuntada, uschenavant che la partida la ha en mauns.

<sup>4</sup> Cunter la retardada dal dretg pon ins far recurs da tut temp.

**Art. 322** Resposta al recurs

<sup>1</sup> L'instanza da recurs tramentta il recurs a la cuntrapartida per ch'ella possia prender posiziun en scrit, nun ch'il recurs saja evidentamain inadmissibel u evidentamain nunmotivà.

<sup>2</sup> Per la resposta al recurs vala il medem termin sco per il recurs.

**Art. 323** Recurs successiv

In recurs successiv è exclus.

**Art. 324** Posiziun da l'instanza precedenta

L'instanza da recurs po supplitgar l'instanza precedenta da prender posiziun.

**Art. 325** Effect suspensiv

<sup>1</sup> Il recurs na blochescha betg la vigur legala e l'executabilitad da la decisiun contestada.

<sup>2</sup> L'instanza da recurs po suspender l'execuziun. En cas da basegn ordinescha ella che mesiras da segirezza vegnian prendidas u ch'ina garanzia vegnia prestada.

**Art. 326** Novas dumondas, novs fatgs e novs meds da cumprova

<sup>1</sup> Novas dumondas, novas pretensiuns davart ils fatgs e novs meds da cumprova èn exclus.

<sup>2</sup> Disposiziuns spezialas da la lescha restan resalvadas.

**Art. 327** Procedura e decisiun

<sup>1</sup> L'instanza da recurs dumonda las actas da l'instanza precedenta.

<sup>2</sup> Ella po decider sin basa da las actas.

<sup>3</sup> Uschenavant ch'ella approvescha il recurs:

- a. abolescha ella la decisiun u la disposizion processuala e retorna la chaussa a l'instanza precedenta; u
- b. decida ella da nov, sche la chaussa è madira per la sentenzia.

<sup>4</sup> Sch'il recurs pervia da retardada dal dretg vegn approvà, po l'instanza da recurs fixar a l'instanza precedenta in termin per tractar la chaussa.

<sup>5</sup> L'instanza da recurs communityescha sia decisiun cun ina motivaziun en scrit.

**Art. 327a<sup>165</sup>** Decleranza d'executabilitad tenor la Cunvegna da Lugano

<sup>1</sup> Sch'il recurs sa drizza cunter ina decisiun da la dretgira d'execuziun tenor ils artitgels 38 fin 52 da la Cunvegna dals 30 d'october 2007<sup>166</sup> davart la cumpetenza giudiziala e la renconuschientscha e l'execuziun da decisiuns en chaussas civilas e commerzialas (Cunvegna da Lugano), examinescha l'instanza da recurs ils motivs da refusa ch'en previs en la Cunvegna da Lugano cun tutta cogniziun.

<sup>2</sup> Il recurs ha in effect suspensiv. Mesiras da segirezza, en spezial l'arrest tenor l'artitgel 271 alinea 1 cifra 6 LSC<sup>167</sup> èn resalvadas.

<sup>3</sup> Il termin dal recurs cunter la decleranza d'executabilitad sa drizza tenor l'artitgel 43 alinea 5 da la Cunvegna da Lugano.

**3. chapitel Revisiun****Art. 328** Motivs da revisiun

<sup>1</sup> Ina partida po pretender ina revisiun da la decisiun legalmain valaivla davant la dretgira che ha decidi sco ultima instanza en chaussa, sche:

- a. ella scuvra posteriuramain fatgs relevants u chatta meds da cumprova decisivs ch'ella n'ha betg pudi preschentar en la procedura precedenta; exclus èn fatgs e meds da cumprova ch'en resultads pir suenter la decisiun;
- b. ina procedura penalha mussà che la decisiun era vegnida influenzada tras in crím u tras in delict a disfavur da la partida respectiva; ina condemnaziun tras la dretgira penala n'è betg necessaria; sche la procedura penala na po betg vegnir realisada, po la cumprova vegnir procurada en autra moda;

<sup>165</sup> Integrà tras l'art. 3 cifra 1 dal COF dals 11 da dec. 2009 (approvaziun e realisaziun da la Cunvegna da Lugano), en vigur dapi il 1. da schan. 2011 (AS 2010 5601; BBI 2009 1777).

<sup>166</sup> SR 0.275.12

<sup>167</sup> SR 281.1

- c. i vegn fatg valair che la renconuschientscha dal plant, la retratga dal plant u l'accord giudizial n'hajan betg effect.
- 2 La revisiun pervia d'ina violaziun da la Convenziun europeica dals dretgs umans dals 4 da novembre 1950<sup>168</sup> (CEDU) po vegnir pretendida, sche:

- a.<sup>169</sup> il Tribunal europeic dals dretgs umans ha constatà en ina sentenzia definitiva (art. 44 CEDU) che la CEDU u ils protocols latiers sajan vegnids violads, u ha terminà il cas tras ina cunvegna amicabla (art. 39 CEDU);
- b. ina indemnissazion n'è betg adattada per egualisar las consequenzas da la violaziun; e
- c. la revisiun è necessaria per eliminar la violaziun.

#### **Art. 329** Dumonda da revisiun e termins da revisiun

- 1 La dumonda da revisiun sto vegnir inoltrada en scrit e cun motivazion entaifer 90 dapi ch'il motiv da revisiun è vegnì scuvri.
- 2 Suenter la scadenza da 10 onns dapi che la decisioù è entrada en vigur na po la revisiun betg pli vegnir pretendida, danor en il cas da l'artitgel 328 alinea 1 litera b.

#### **Art. 330** Posiziun da la cuntrapartida

La dretgira trametta la dumonda da revisiun a la cuntrapartida per prender posiziun, nun che la dumonda saja evidentamain inadmissibla u evidentamain nunmotivada.

#### **Art. 331** Effect suspensiv

- 1 La dumonda da revisiun na blochescha betg la vigur legala e l'executabilitad da la decisioù.
- 2 La dretgira po suspender l'execuziun. En cas da basegn ordinescha ella che mesiras da segrezza vegnian prendidas u ch'ina garanzia vegnia prestada.

#### **Art. 332** Decisiun davart la dumonda da revisiun

Cunter la decisioù davart la dumonda da revisiun pon ins far recurs.

#### **Art. 333** Nova decisioù en chaussa

- 1 Sche la dretgira approvescha la dumonda da revisiun, abolescha ella sia decisioù precedenta e decida da nov.
- 2 En la nova decisioù decida ella er davart ils custs da la procedura precedenta.
- 3 Ella communitygescha sia decisioù cun ina motivazion en scrit.

<sup>168</sup> SR 0.101

<sup>169</sup> Versiun tenor la cifra 2 da l'aggiunta da la LF dal 1. d'oct. 2021, en vigur dapi il 1. da fan. 2022 (AS 2022 289; BBl 2021 300, 889).

## **4. chapitel Explicaziun e rectificaziun**

### **Art. 334**

<sup>1</sup> Sch'il dispositiv n'è betg cler, sch'el è incoherent u incumplet u sch'el stat en cuntradicziun cun la motivazion, explitgescha u rectifitgescha la dretgira sia decisiun sin dumonda d'ina partida u d'uffizi. En la dumonda ston vegnir inditgadas las parts crititgadas e las midadas giavischadas.

<sup>2</sup> Ils artitgels 330 e 331 valan tenor il senn. En cas da la rectificaziun da sbagls redacziunals e da sbagls calculatorics po la dretgira renunziar da dumandar las partidas da prender posiziun.

<sup>3</sup> Cunter ina decisiun davart la dumonda d'explicaziun e da rectificaziun pon ins far recurs.

<sup>4</sup> La decisiun explitgada u rectifitgada vegn communitgada a las partidas.

## **10. titel Execuziun**

### **1. chapitel Execuziun da decisiuns**

#### **Art. 335 Champ d'applicaziun**

<sup>1</sup> Las decisiuns vegnan exequidas tenor las disposiziuns da quest chapitel.

<sup>2</sup> Sche la decisiun ordinescha in pajament en daners u la prestaziun d'ina garanzia, vegn ella exequida tenor las disposiziuns da la LSC<sup>170</sup>.

<sup>3</sup> La renconuschientscha, la decleranza d'executabilitad e l'execuziun da decisiuns estras sa drizzan tenor quest chapitel, nun ch'in contract internaziunal u la LDIP<sup>171</sup> fixeschia insatge auter.

#### **Art. 336 Executabilitad**

<sup>1</sup> Ina decisiun è exequibla, sch'ella:

- è legalmain valaivla e la dretgira n'ha betg suspendi l'execuziun (art. 325 al. 2 e 331 al. 2); u
- n'è anc betg legalmain valaivla, l'execuziun anticipada è dentant vegnida permessa.

<sup>2</sup> Sin giavisch attesta la dretgira che ha prendì la decisiun, la quala sto vegnir exequida, che tala saja exequibla.

#### **Art. 337 Execuziun directa**

<sup>1</sup> Sche la dretgira sentenzianta ha gia ordinà mesiras d'execuziun concretas (art. 236 al. 3), po la decisiun vegnir exequida directamain.

<sup>170</sup> SR 281.1

<sup>171</sup> SR 291

<sup>2</sup> La partida che ha pers po dumandar la dretgira d'execuziun da sistir l'execuziun, l'artitel 341 vala tenor il senn.

#### **Art. 338** Dumonda d'execuziun

<sup>1</sup> Sche la decisiun na po betg vegnir exequida directamain, sto vegnir inoltrada ina dumonda d'execuziun a la dretgira d'execuziun.

<sup>2</sup> La partida petenta sto preschentar las premissas da l'executabilitad ed agiuntar ils documents necessaris.

#### **Art. 339** Cumpetenza e procedura

<sup>1</sup> Stringentamain cumpetenza per ordinar mesiras d'execuziun e per sistir l'execuziun è la dretgira:

- a. al domicil u a la sedia da la partida che ha pers;
- b. al lieu, nua che las mesiras ston vegnir prendidas; u
- c. al lieu, nua che la decisiun, che sto vegnir exequida, è vegnida prendida.

<sup>2</sup> La dretgira decida en la procedura summarica.

#### **Art. 340<sup>172</sup>** Mesiras da segirezza

La dretgira d'execuziun po ordinar mesiras da segirezza, en cas da basegn senza tadlar ordavant la cuntrapartida.

#### **Art. 341** Examinaziun da l'executabilitad e posiziun da la partida che ha pers

<sup>1</sup> La dretgira d'execuziun examinescha d'uffizi l'executabilitad.

<sup>2</sup> Ella fixescha in curt termin per la partida che ha pers per prender posiziun.

<sup>3</sup> Materialmain po la partida che ha pers remartgar ch'i sajan entrads fatgs dapi la communicaziun da la decisiun, che s'opponan a l'execuziun, sco en spezial l'amortisaziun, la prorogaziun, la surannaziun u la scadenza da la prestazion debitada. L'amortisaziun e la prorogaziun ston vegnir cumprovadas tras documents.

#### **Art. 342** Execuziun d'ina prestazion cundiziunada u d'ina prestazion che dependa d'ina cuntraprestazion

La decisiun davart ina prestazion cundiziunada u davart ina prestazion che dependa d'ina cuntraprestazion po vegnir exequida pir, cur che la dretgira d'execuziun ha constatà che la premissa è entrada u che la cuntraprestazion è vegnida purschida, prestada u garantida en moda suffizienta.

<sup>172</sup> Versiun tenor l'art. 3 cifra 1 dal COF dals 11 da dec. 2009 (approvaziun e realisaziun da la Cunvegna da Lugano), en vigur dapi il 1. da schan. 2011 (AS 2010 5601; BBI 2009 1777).

**Art. 343** Obligaziun da far, da tralaschar u da tolerar insatge

<sup>1</sup> Sche la decisiu pretenda in'obligaziun da far, da tralaschar u da tolerar insatge, po la dretgira d'execuziun ordinar:

- a. ina smanatscha da chasti tenor l'artitgel 292 CP<sup>173</sup>;
- b. ina multa disciplinara fin a 5000 francs;
- c. ina multa disciplinara fin a 1000 francs per mintga di che l'obligaziun n'è betg vegnida ademplida;
- d. ina mesira repressiva sco la confiscaziun d'ina chaussa movibla u sco la ru-mida d'in bain immobigliar; u
- e. in'execuziun d'uffizi.

<sup>1bis</sup> Sche la decisiu cuntegna in scumond tenor l'artitgel 28b CCS<sup>174</sup>, po la dretgira d'execuziun ordinar – sin dumonda dal patent – ina surveglianza electronica tenor l'artitgel 28c CCS.<sup>175</sup>

<sup>2</sup> La partida che ha pers e terzas persunas ston dar las infurmaziuns necessarias e tolerar las perquisiziuns necessarias.

<sup>3</sup> La persuna che sto far l'execuziun po pretender l'agid da las autoritads cumpetentas.

**Art. 344** Deposiziun d'ina decleranza da voluntad

<sup>1</sup> Sche la decisiu pretenda ch'ina decleranza da voluntad vegnia fatga, vegn la decleranza remplazzada tras la decisiu executabla.

<sup>2</sup> Sche la decleranza pertutga in register public sco il register funsil ed il register da commerzi, dat la dretgira sentenzianta las instrucziuns necessarias a la persuna che maina il register.

**Art. 345** Indemnisaziun dal donn e transfurmaziun en daners

<sup>1</sup> La partida che ha gudagnà po pretender:

- a. ina indemnisiun dal donn, sche la partida che ha pers n'ademplescha betg las ordinaziuns giudizialas;
- b. la transfurmaziun da la prestazion debitada en ina prestazion en daners.

<sup>2</sup> La dretgira d'execuziun fixescha l'import correspudent.

**Art. 346** Meds legals da terzas persunas

Terzas persunas, da las qualas ils dretgs èn pertutgads d'ina decisiu d'execuziun, pon recurrer cunter questa decisiu.

<sup>173</sup> SR 311.0

<sup>174</sup> SR 210

<sup>175</sup> Integrà tras la cifra I 2 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da schan. 2022 (AS 2019 2273; BBI 2017 7307).

## 2. chapitel Execuziun da documents publics

### Art. 347 Executabilitad

Documents publics davart prestaziuns da tut gener pon vegnir exequids sco decisiuns, sche:

- a. la partida obligada ha declarà expressivamain en il document ch'ella renco-nuschia l'execuziun directa;
- b. il motiv giuridic da la prestaziun debitada è numnà en il document; e
- c. la prestaziun debitada:
  1. è definida sufficientamain en il document,
  2. è renconuschida en il document da la partida obligada, e
  3. sto vegnir prestada.

### Art. 348 Excepziuns

Betg directamain exequibels èn documents davart prestaziuns:

- a. tenor la Lescha d'egalitatad dals 24 da mars 1995<sup>176</sup>;
- b. che resultan tras la locazion e tras la fittanza da locals d'abitar e da fatschenta sco er tras la fittanza agricula;
- c. tenor la Lescha da participaziun dals 17 da december 1993<sup>177</sup>;
- d. che resultan tras la relaziun da lavur e tenor la Lescha davart l'intermediaziun da lavur dals 6 d'october 1989<sup>178</sup>;
- e. che resultan tras contracts cun consuments (art. 32).

### Art. 349 Document davart ina prestaziun en daners

Il document exequibel davart ina prestaziun en daners vala sco titel definitiv per iniziari la procedura da dretg tenor ils artitgels 80 ed 81 LSC<sup>179</sup>.

### Art. 350 Document davart in'autra prestaziun

<sup>1</sup> Sch'in document davart in'autra prestaziun sto vegnir exequì, consegna il funcziori da documentaziun – sin dumonda da la partida autorisada – ina copia legalisada dal document a la partida obligada e fixescha in termin da 20 dis per ch'ella possia ademplir la prestaziun. La partida autorisada survegn ina copia da la consegna.

<sup>2</sup> Sch'il termin d'adempliment è scadi senza ch'el saja vegnì duvrà, po la partida autorisada far ina dumonda d'execuziun a la dretgira d'execuziun.

<sup>176</sup> SR 151.1

<sup>177</sup> SR 822.14

<sup>178</sup> SR 823.11

<sup>179</sup> SR 281.1

**Art. 351** Procedura davant la dretgira d'execuziun

<sup>1</sup> La partida obligada po far valair objecziuns cunter l'obligaziun d'ademplir la prestaziun mo, sch'ella po cumprovar immediatamain questas objecziuns.

<sup>2</sup> Sch'ella sto depositar ina declaranza da voluntad, vegn la declaranza remplazzada tras la decisiuon da la dretgira d'execuziun. La dretgira dat las ordinaziuns necessarias tenor l'artitgel 344 alinea 2.

**Art. 352** Giudicament giudizial

Il giudicament giudizial da la prestaziun debitada resta resalvà en mintga cas. En spezial po la partida obligada purtar da tut temp plant sin constataziun ch'il dretg n'exista betg u betg pli ubain ch'el n'è betg u betg pli prorogà.

**3. part** **Giurisdicziun da cumpromiss****1. titel** **Disposiziuns generalas****Art. 353** Champ d'applicaziun

<sup>1</sup> Las disposiziuns da questa part valan per proceduras davant dretgiras da cumpromiss cun sedia en Svizra, sche las disposiziuns dal 12. chapitel da la LDIP<sup>180</sup> n'èn betg aplittgablas.

<sup>2</sup> Las partidas pon excluder la valaivladad da questa part tras ina declaranza en la cunvegna da cumpromiss u en ina cunvegna posteriura e fixar l'applicaziun da las disposiziuns dal 12. chapitel da la LDIP sco lianta. La declaranza sto avair la furma tenor l'artitgel 358.<sup>181</sup>

**Art. 354** Object d'ina procedura da cumpromiss

L'object d'ina procedura da cumpromiss po esser mintga pretensiun, da la quala las partidas pon disponer libramain.

**Art. 355** Sedia da la dretgira da cumpromiss

<sup>1</sup> La sedia da la dretgira da cumpromiss vegn fixada da las partidas u da l'organ ch'ellas han incumbensà. Sche la sedia na vegn betg fixada, designescha la dretgira da cumpromiss sezza sia sedia.

<sup>2</sup> Sche ni las partidas ni l'organ ch'ellas han incumbensà ni la dretgira da cumpromiss na designeschon la sedia, è la sedia al lieu da la dretgira statala che fiss cumpetenta per giuditgar la chaussa en cas ch'ina cunvegna da cumpromiss mancass.

<sup>180</sup> SR 291

<sup>181</sup> Versiun tenor la cifra 2 da l'aggiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBl 2018 7163).

<sup>3</sup> Sche pliras dretgiras statalas èn cumpetentas, ha la dretgira da cumpromiss sia sedia al lieu da quella dretgira statala che vegn appellada sco emprima applitgond l'artitel 356.

<sup>4</sup> Sche las partidas n'hant betg fixà insatge auter, po la dretgira da cumpromiss far sesidas, examinar las cumprovas e deliberar er en mintga auter lieu.

### **Art. 356 Dretgiras statalas cumpetentas**

<sup>1</sup> Il chantun, en il qual la sedia da la dretgira da cumpromiss sa chatta, designescha ina dretgira superiura ch'è cumpetenta per:

- a. recurs e dumondas da revisiun;
- b. prender en consegna la sentenzia da cumpromiss per archivar ella e per confermar sia executabilitad.

<sup>2</sup> In'autra dretgira u ina dretgira d'ina autre cumposiziun ch'è vegnida designada dal chantun da la sedia da la dretgira da cumpromiss è sco suletta instanza cumpetenta per:

- a. nominar, refusar, relaschar e remplazzar ils derschaders da cumpromiss;
- b. prolungar la perioda d'uffizi da la dretgira da cumpromiss;
- c. sustegnair la dretgira da cumpromiss en connex cun ils acts processuals.

<sup>3</sup> Cun excepciuon da l'alinea 1 litera a decida la dretgira statala cumpetenta en la procedura summarica.<sup>182</sup>

## **2. titel Cunvegna da cumpromiss e clausula da cumpromiss<sup>183</sup>**

### **Art. 357 Cunvegna da cumpromiss**

<sup>1</sup> La cunvegna da cumpromiss po sa referir tant a disputas existentes sco er a disputas futuras che resultan d'ina tscherta relaziun giuridica.

<sup>2</sup> La valaivladad da la cunvegna da cumpromiss na po betg vegnir contestada cun il motiv ch'il contract principal saja nunvalaivel.

### **Art. 358 Furma**

<sup>1</sup> La cunvegna da cumpromiss sto vegnir fatga en scrit u en in'autra furma che permetta da la cumprovar a maun d'in text.

<sup>2</sup> Per clausulas da cumpromiss ch'èn previsas en acts giuridics unilaterals u en statuts, valan las disposiziuns da questa part tenor il senn.<sup>184</sup>

<sup>182</sup> Integrà tras la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>183</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>184</sup> Integrà tras la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

**Art. 359** Contestaziun da la cumpetenza da la dretgira da cumpromiss

<sup>1</sup> Sche la valaivladad da la cunvegna da cumpromiss, ses cuntegn, sia impurtanza u la constituziun correcta da la dretgira da cumpromiss veggan contestads devant la dretgira da cumpromiss, decida quella en chaussa cun ina decisiun intermediara u en la decisiun davart la chaussa principala.

<sup>2</sup> L'objecziun da l'incumpetenza da la dretgira da cumpromiss sto vegnir fatga avant ch'entrar en la chaussa principala.

**3. titel** **Constituziun da la dretgira da cumpromiss****Art. 360** Dumber da commembers

<sup>1</sup> Las partidas pon fixar libramain il dumber da commembers da la dretgira da cumpromiss. Sch'ina tala cunvegna manca, è il dumber da commembers 3.

<sup>2</sup> Sche las partidas han fixà in dumber pèr, vegni presumà ch'ina persuna supplementara vegnia nominada sco president.

**Art. 361** Nominazion tras las partidas

<sup>1</sup> Ils commembers da la dretgira da cumpromiss veggan nominads sco ch'igl è vegni fixà tranter las partidas.

<sup>2</sup> Sch'ina tala cunvegna manca, nominescha mintga partida il medem dumber da commembers; quels elegian unanimamain in president.

<sup>3</sup> Sch'in derschader da cumpromiss vegn designà tenor sia funcziun, vala quella persuna sco nominada che occupa questa funcziun il mument ch'ella accepta l'uffizi.

<sup>4</sup> En las disputas che resultan tras la locaziun e tras la fittanza d'abitaziuns pon las partidas designar mo l'autoritat da mediaziun sco dretgira da cumpromiss.

**Art. 362** Nominazion tras la dretgira statala

<sup>1</sup> Sche la cunvegna da cumpromiss na prevesa betg in auter organ per la nominazion u sche quest organ na nominescha betg ils commembers entaifer in termin adequat, fa la dretgira statala ch'è cumpetenta tenor l'artitgel 356 alinea 2 la nominazion sin proposta d'ina partida, sche:

- a. las partidas na pon betg s'accordar davart la nominazion dal derschader singul da cumpromiss u dal president;
- b. ina partida na nominescha betg ils commembers ch'ella sto designar entaifer 30 dis dapi ch'ella è vegnida intimada da far quai; u
- c. ils derschaders da cumpromiss na s'accordan betg – entaifer 30 dis suenter lur nominazion – davart l'elecziun d'in president.

<sup>2</sup> En cas d'ina chaussa da cumpromiss che cumpiglia pliras partidas po la dretgira statala ch'è cumpetenta tenor l'artigel 356 alinea 2 nominar tut ils commembers.

<sup>3</sup> Sche la nominazion vegn surdada ad ina dretgira statala, sto quella far la nominazion, nun ch'ina examinazion summarica mussia che las partidas n'han nagina cunvegna da cumpromiss.

#### **Art. 363      Obligaziun da transparenza**

<sup>1</sup> Ina persuna che vegn proponida sco derschadra da cumpromiss sto annunziar immediatamain, sch'i dat fatgs che pudessan svegliar dubis legitims davart sia independenza u davart sia imparzialitat.

<sup>2</sup> Questa obligaziun vala durant l'entira procedura.

#### **Art. 364      Acceptaziun da l'uffizi**

<sup>1</sup> Ils derschaders da cumpromiss conferman l'acceptaziun da l'uffizi.

<sup>2</sup> La dretgira da cumpromiss è constituida pir, cur che tut ils commembers han acceptà l'uffizi.

#### **Art. 365      Secretariat**

<sup>1</sup> La dretgira da cumpromiss po instituir in secretariat.

<sup>2</sup> Ils artitgels 363 alinea 1 ed ils artitgels 367 fin 369 valan tenor il senn.

#### **Art. 366      Perioda d'uffizi**

<sup>1</sup> En la cunvegna da cumpromiss u en ina cunvegna posteriura pon las partidas limitar la perioda d'uffizi da la dretgira da cumpromiss.

<sup>2</sup> La perioda d'uffizi, entaifer la quala la dretgira da cumpromiss sto pronunziar la sentenzia da cumpromiss, po vegnir prolungada en ils sustants cas:

- a.    tras ina cunvegna tranter las partidas;
- b.    sin proposta d'ina partida u da la dretgira da cumpromiss tras ina decisiu da la dretgira statala ch'è cumpetenta tenor l'artigel 356 alinea 2.

### **4. titel**

#### **Refusa, revocaziun e remplazzament dals commembers da la dretgira da cumpromiss**

#### **Art. 367      Refusa d'in commember**

<sup>1</sup> In commember da la dretgira da cumpromiss po vegnir refusà en ils sustants cas:

- a.    el na correspunda betg a las pretensiuns fixadas da las partidas;
- b.    igl è avant maun in motiv da refusa ch'è previs en l'urden da procedura che las partidas han fixà; u

c. i dat dubis legitims davart sia independenza u imparzialitat.

<sup>2</sup> Ina partida po refusar in commember ch'ella ha nominà u dal qual ella ha sustegni la nominaziun, mo per motivs ch'ella è vegnida a savair, malgrà l'attenziun necessaria, pir suenter la nominaziun.<sup>185</sup> Il motiv da refusa sto vegnir communitgà immediatamain a la dretgira da cumpromiss ed a l'autra partida.

#### Art. 368 Refusa da la dretgira da cumpromiss

<sup>1</sup> Ina partida po refusar la dretgira da cumpromiss, sche l'autra partida ha exercità ina influenza predominanta sin la nominaziun dals commembers. La refusa sto vegnir communitgada immediatamain a la dretgira da cumpromiss ed a l'autra partida.

<sup>2</sup> La nova dretgira da cumpromiss vegn constituida en la procedura tenor ils artitgels 361 e 362.

<sup>3</sup> Las partidas han il dretg da puspè nominar sco derschaders da cumpromiss commembers da la dretgira da cumpromiss ch'en vegnids refusads.

#### Art. 369 Procedura da refusa

<sup>1</sup> Las partidas pon fixar libramain la procedura da refusa.

<sup>2</sup> Sch'ellas n'hant fixà nagut auter e sche la procedura da cumpromiss n'è betg terminada, sto la dumonda da refusa vegnir drizzada en scrit e cun motivaziun al commember refusà e vegnir communitgada als ulteriurs commembers entaifer 30 dis suenter che la partida petenta ha survegnì enconuschienscha dal motiv da refusa u avess pudi survegnir enconuschienscha da quest motiv cun l'attenziun necessaria.<sup>186</sup>

<sup>3</sup> Entaifer 30 dis suenter l'inoltrazion da la dumonda da refusa po la partida petenta pretender ina decisiu da l'organ designà da las partidas u, sch'in tal organ n'è betg vegnì designà, da la dretgira statala ch'è cumpetenta tenor l'artitgel 356 alinea 2.<sup>187</sup>

<sup>4</sup> Sche las partidas n'hant fixà nagut auter, po la dretgira da cumpromiss cuntinuar durant la procedura da refusa fin a la sentenzia da cumpromiss cun la procedura, senza excluder las persunas refusadas.

<sup>5</sup> La decisiu davart la refusa po vegnir contestada mo ensemes cun in recurs cunter l'emprima sentenzia da cumpromiss.

#### Art. 370 Revocaziun

<sup>1</sup> Mintga commember da la dretgira da cumpromiss po vegnir revocà tras ina cunvegna en scrit da las partidas.

<sup>185</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>186</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>187</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

<sup>2</sup> Sch'in commember da la dretgira da cumpromiss n'è betg en cas d'ademplir sias incumbensas entaifer in termin adequat u cum il quità necessari e sche las partidas n'han fixà nagut auter, po el vegnir revocà sin proposta d'ina partida tras l'organ designà da las partidas u, sch'in tal organ n'è betg vegni designà, tras la dretgira statala ch'è cumpetenta tenor l'artitgel 356 alinea 2.<sup>188</sup>

<sup>3</sup> Per la contestaziun d'ina tala decisiun vala l'artitgel 369 alinea 5.

#### **Art. 371        Remplazzament d'in commember da la dretgira da cumpromiss**

<sup>1</sup> Sch'in commember da la dretgira da cumpromiss sto vegnir remplazzà, vala la medema procedura sco per sia nominaziun, nun che las partidas hajan fixà u fixeschian insatge auter.

<sup>2</sup> Sch'el na po betg vegnir remplazzà en questa moda, vegn il nov commember nominà tras la dretgira statala ch'è cumpetenta tenor l'artitgel 356 alinea 2, nun che la cunvegna da cumpromiss excludia questa pussaivladad u che la dretgira da cumpromiss scrodia tras l'extrada d'in commember.

<sup>3</sup> Sche las partidas na pon betg sa cunvegnir, decida la dretgira da cumpromiss ch'è sa constituida da nov tge acts processuals, als quals il commember remplazzà ha collavurà, che ston vegnir repetids.

<sup>4</sup> La procedura da remplazzament na suspenda betg il termin, entaifer il qual la dretgira da cumpromiss sto pronunziar sia sentenzia da cumpromiss.

### **5. titel        Procedura da cumpromiss**

#### **Art. 372        Litispendenza**

<sup>1</sup> La procedura da cumpromiss è pendenta:

- uschespert ch'ina partida appellescha a la dretgira da cumpromiss ch'è designada en la cunvegna da cumpromiss; u
- sche la cunvegna na designescha nagina dretgira da cumpromiss: uschespert ch'ina partida iniziescha la procedura per constituir la dretgira da cumpromiss u la procedura da mediaziun precedenta ch'è vegnida fixada da las partidas.

<sup>2</sup> Sche plants che pertutgan il medem object da disputa e las medemas partidas vegnan inoltrads ad ina dretgira statala ed ad ina dretgira da cumpromiss, suspenda la dretgira ch'è vegnida appellada sco ultima la procedura, fin che la dretgira appellada sco emprima ha decidi davart la cumpetenza.

#### **Art. 373        Reglas generalas da procedura**

<sup>1</sup> Las partidas pon:

- reglar sezzas la procedura da cumpromiss;

<sup>188</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

- b. reglar la procedura da cumpromiss tras in renviament ad in urden da procedura da cumpromiss;
- c. suttametter la procedura da cumpromiss ad in dretg da procedura da lur tscherna.

<sup>2</sup> Sche las partidas n'han betg reglà la procedura, vegn quella fixada da la dretgira da cumpromiss.

<sup>3</sup> Il president da la dretgira da cumpromiss po decider sulet davart singulas dumondas da procedura, sche las partidas u ils auters commembers da la dretgira da cumpromiss l'han autorisà da far quai.

<sup>4</sup> La dretgira da cumpromiss sto garantir il tractament egual da las partidas e lur dretg sin attenziun giuridica e realisar ina procedura cuntradictorica.

<sup>5</sup> Mintga partida po sa laschar repeschentar.

<sup>6</sup> Cuntravenziuns cunter las reglas da procedura ston vegnir contestadas immediatamain, suenter ch'ellas èn vegnidias enconuschenzas u fissan stadas d'enconuscher cun l'attenziun necessaria; uschiglio na pon ellas betg pli vegnir fatgas valair pli tard.<sup>189</sup>

#### **Art. 374 Mesiras preventivas, segirezza ed indemnisiaciun dal donn**

<sup>1</sup> La dretgira statala ubain, sche las partidas n'han fixà nagut auter, la dretgira da cumpromiss po ordinari sin dumonda d'ina partida mesiras preventivas inclusiv mesiras per seguir cumprovas.

<sup>2</sup> Sche la persuna pertutgada na sa suttametta betg voluntarmain ad ina mesira ch'è vegnida ordinada da la dretgira da cumpromiss, dat la dretgira statala ils cumonds necessaris, e quai sin dumonda da la dretgira da cumpromiss u d'ina partida; sche la proposta vegn fatga d'ina partida, sto ella dumandar il consentiment da la dretgira da cumpromiss.

<sup>3</sup> Sch'igl è da temair ch'i resultia in donn per l'autra partida, po la dretgira da cumpromiss u la dretgira statala obligar il petent da prestar ina segirezza per ch'ella possia ordinar mesiras preventivas.

<sup>4</sup> La partida petenta stat buna per il donn che resulta d'ina mesira preventiva nun giustifitgada. Ma sch'ella cumprova ch'ella ha fatg sia dumonda en buna fai, po la dretgira reducir l'obligazion d'indemnisaziun u la liberar dal tuttafatg da tala. La partida donnegiada po far valair il dretg en la procedura da cumpromiss pendenta.

<sup>5</sup> Ina garanzia prestada sto vegnir dada libra, cur ch'igl è cler ch'i na vegn inoltrà nagin plant sin indemnisiaciun dal donn; en cas d'intschertezza fixescha la dretgira da cumpromiss in termin per purtar plant.

#### **Art. 375 Examinaziun da las cumprovas e cooperaziun da la dretgira statala**

<sup>1</sup> La dretgira da cumpromiss examinescha sezza las cumprovas.

<sup>189</sup> Versiun tenor la cifra 2 da l'aggiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBl 2018 7163).

<sup>2</sup> Sch'ina assistenza giudiziala statala è necessaria per l'examinaziun da las cumprovas u per la realisaziun d'auters acts da la dretgira da cumpromiss, po la dretgira da cumpromiss – tenor l'artitgel 356 alinea 2 – dumandar la cooperaziun da la dretgira statala ch'è cumpetenta. Cun il consentiment da la dretgira da cumpromiss po far quai er ina partida.

<sup>3</sup> Ils commembres da la dretgira da cumpromiss pon prender part als acts processuals da la dretgira statala e far dumondas.

#### **Art. 376** Litisconsorzi, accumulaziun da plants e participaziun da terzas persunas

- <sup>1</sup> Ina procedura da cumpromiss po vegnir introducida da u cunter litisconsorts, sche:
  - a. tut las partidas èn colliadas tranter ellas tras ina u tras pliras cunvegas da cumpromiss concordantas; e
  - b. ils dretgs che vegnan fatgs valair èn identics u han in connex material.
- <sup>2</sup> Las pretensiuns che han in connex material tranter las medemas partidas pon vegnir giuditgadas en la medema procedura da cumpromiss, sch'ellas èn l'object da cunvegas da cumpromiss concordantas da questas partidas.
- <sup>3</sup> L'intervenziun d'ina terza persuna e la participaziun d'in denunzià premettan ina cunvega da cumpromiss tranter la terza persuna e las partidas en disputa e basegnan il consentiment da la dretgira da cumpromiss.

#### **Art. 377** Cumpensaziun e cuntraplant

- <sup>1</sup> La dretgira da cumpromiss po giuditgar l'objecziun da cumpensaziun che vegn fatga d'ina partida, schebain che la pretensiun, per la quala vegn dumandada la cumpensaziun na pertutga betg la cunvega da cumpromiss u schebain ch'igl exista per ella in'autra cunvega da cumpromiss u ina cunvega davart la dretgira cumpetenta.
- <sup>2</sup> In cuntraplant è admissibel, sch'el pertutga ina chaussa disputaivla ch'è suttamessa ad ina cunvega da cumpromiss concordanta da las partidas.

#### **Art. 378** Pajament anticipà dals custs

- <sup>1</sup> La dretgira da cumpromiss po pretender in pajament anticipà per ils custs da procedura presumptivs e far depender la realisaziun da la procedura da quest pajament. Sche las partidas n'hant fixà nagut auter, fixescha ella l'import che mintga partida sto pajar anticipadament.
- <sup>2</sup> Sch'ina partida na presta betg il pajament anticipà che vegn pretendì dad ella, po l'autra partida ubain pajar anticipadament tut ils custs ubain renunziar a la procedura da cumpromiss. Sch'ella renunzia a la procedura da cumpromiss, po ella iniziari ina nova procedura da cumpromiss u purtar plant davant la dretgira statala per questa chaussa.

**Art. 379** Garanzia d'indemnisaziun da la partida

Sche la partida accusanta para dad esser insolventa, po la dretgira da cumpromiss disponer – sin proposta da la partida accusada – che l'indemnisaziun presumptiva da la partida insolventa sto vegnir garantida entaifer in tschert termin. Per la partida accusada vala l'artitgel 378 alinea 2 tenor il senn.

**Art. 380** Giurisdicziun gratuita

La giurisdicziun gratuita è exclusa.

**6. titel** **Sentenzia da cumpromiss****Art. 381** Dretg applitgabel

<sup>1</sup> La dretgira da cumpromiss decida:

- a. tenor las reglas da dretg che las partidas han tschernì; u
- b. tenor duavladad, sch'ella è vegnida autorisada da las partidas da far quai.

<sup>2</sup> Sch'ina tala tscherna u ina tala autorisaziun manca, decida ella tenor il dretg ch'ina dretgira statala applitgass.

**Art. 382** Tractativa e votaziun

<sup>1</sup> A tractativas ed a votaziuns ston cooperar tut ils commembers da la dretgira da cumpromiss.

<sup>2</sup> Sch'in commember refusescha da sa participar ad ina tractativa u ad ina votaziun, pon ils ulterius commembers tractar e decider senza el, nun che las partidas hajan fixà insatge auter.

<sup>3</sup> La dretgira da cumpromiss pronunzia la sentenzia da cumpromiss cun la maioridad da las vuschs da ses commembers, nun che las partidas hajan fixà insatge auter.

<sup>4</sup> Sch'i na resulta betg ina maioridad da las vuschs, pronunzia il president la sentenzia da cumpromiss.

**Art. 383** Sentenzias da cumpromiss intermediaras e parzialas

Sche las partidas n'hant betg fixà insatge auter, po la dretgira da cumpromiss limitar la procedura a singulas dumondas ed a singulas pretensiuns giuridicas.

**Art. 384** Cuntegn da la sentenzia da cumpromiss

<sup>1</sup> La sentenzia da cumpromiss cumpiglia:

- a. la cumposiziun da la dretgira da cumpromiss;
- b. l'indicaziun da la sedia da la dretgira da cumpromiss;
- c. la designaziun da las partidas e da lur represchentanza;

- d. las pretensiuns giuridicas da las partidas u – sch'i mancan las propostas – ina circumscripziun da la dumonda disputaivla;
  - e. sche las partidas n'han betg renunzià a quai: la preschentaziun dals fatgs, ils motivs giuridics da la decisiun ed eventualmain las consideraziuns da la duaivladad;
  - f. il dispositiv en chaussa sco er l'import e la repartiziun dals custs da procedura e da l'indemnisaziun da la partida;
  - g. la data da la sentenzia da cumpromiss.
- 2 La sentenzia da cumpromiss sto vegnir suttascritta; la suttascriziun dal president basta.

**Art. 385** Cunvegna da las partidas

Sche las partidas liquideschan la disputa durant la procedura da cumpromiss, fixescha la dretgira da cumpromiss – sin proposta – la cunvegna, e quai en furma d'ina sentenzia da cumpromiss.

**Art. 386** Consegnna e deposit da la sentenzia da cumpromiss

- 1 A mintga partida sto vegnir consegnà in exemplar da la sentenzia da cumpromiss.
- 2 Mintga partida po deponer, sin agens custs, in exemplar da la sentenzia da cumpromiss tar la dretgira statala ch'è cumpetenta tenor l'artitgel 356 alinea 1.
- 3 Sin proposta d'ina partida emetta questa dretgira ina declaranza d'executabilitad.

**Art. 387** Effects da la sentenzia da cumpromiss

Tras la communicaziun ha la sentenzia da cumpromiss l'effect d'ina decisiun giudiziala legalmain valaivla ed executabla.

**Art. 388** Rectificaziun, explicaziun e cumplettaziun da la sentenzia da cumpromiss

- 1 Mintga partida po dumandar la dretgira da cumpromiss da:
  - a. rectifitgar sbagls redacziunals e calculatorics en la sentenzia da cumpromiss;
  - b. explitgar tschertas parts da la sentenzia da cumpromiss;
  - c. pronunziar ina sentenzia da cumpromiss cumplementara davart pretensiuns ch'èn bain vegnidias fatgas valair en la procedura da cumpromiss, ma che n'èn betg vegnidias tractadas en la sentenzia da cumpromiss.
- 2 La proposta sto vegnir fatga entaifer 30 dis dapi ch'il sbagl è vegnì scuvrì ubain dapi che las parts che basegnan explicaziuns e cumplettaziuns èn vegnidias pertschavidas, il pli tard dentant entaifer 1 onn dapi la consegna da la sentenzia da cumpromiss.

<sup>3</sup> La proposta na suspenda betg ils termins da recurs. Areguard la part da la sentenzia da cumpromiss ch'è vegnida rectifitgada, explitgada u cumplettada cumenza il termin da recurs da nov.<sup>190</sup>

## 7. titel      Meds legals

### 1. chapitel    Recurs

#### Art. 389      Recurs tar il Tribunal federal

<sup>1</sup> La sentenzia da cumpromiss è puttamessa al recurs tar il Tribunal federal.

<sup>2</sup> Per la procedura valan las disposiziuns da la Lescha federala dals 17 da zercladur 2005<sup>191</sup> davart il Tribunal federal, sche quest chapitel na fixescha nagut auter.

#### Art. 390      Recurs tar la dretgira chantunala

<sup>1</sup> Tras ina declaranza explicita en la cunvegna da cumpromiss u en ina cunvegna posteriura pon las partidas fixar ch'ins po far recurs cunter la sentenzia da cumpromiss tar la dretgira chantunala ch'è cumpetenta tenor l'artitgel 356 alinea 1.

<sup>2</sup> Per la procedura valan ils artitgels 319 fin 327, sche quest chapitel na fixescha nagut auter. La dretgira chantunala decida definitivamain.

#### Art. 391      Subsidiaritat

Il recurs è admissibel pir suenter ch'ils meds legals da cumpromiss previs en la cunvegna da cumpromiss èn consumads.

#### Art. 392      Sentenzias da cumpromiss contestablas

Contestablas èn:

- a. mintga sentenzia da cumpromiss parziala u finala;
- b. ina sentenzia da cumpromiss intermediara per ils motivs menziunads en l'artitgel 393 literas a e b.

#### Art. 393      Motivs da recurs

Ina sentenzia da cumpromiss po vegnir contestada mo, sche:

- a. il derschader singul da cumpromiss è vegnì nominà en moda irregulara u sche la dretgira da cumpromiss è vegnida cumponida en moda irregulara;
- b. la dretgira da cumpromiss è sa declarada nungiustifitgadament per cumpetenta u per incumpetenta;

<sup>190</sup> Versiun tenor la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBl 2018 7163).

<sup>191</sup> SR 173.110

- c. la dretgira da cumpromiss ha decidì davart puncs dispitaivels che n'èn betg vegnids suttamess ad ella, u sch'ella n'ha betg giuditgà tschertas pretensiuns giuridicas;
- d. il princip dal tractament equal da las partidas u il princip da l'attenziun giuridica èn vegnids violads;
- e. il resultat è arbitrar, perquai ch'el sa basa sin constataziuns dals fatgs che cuntrafan evidentamain a las actas u perquai ch'el sa basa sin ina violaziun evidenta dal dretgira u da la duaivladad;
- f. las indemnisiuns e las expensas che la dretgira da cumpromiss ha fixà per ses commembres èn evidentamain excessivas.

**Art. 394** Refusazjun per rectifitgar u per cumplettar la sentenzia da cumpromiss

Suenter avair tadlà las partidas po l'instanza da recurs refusar la sentenzia da cumpromiss per mauns da la dretgira da cumpromiss e fixar in termin per rectifitgar e per cumplettar la sentenzia da cumpromiss.

**Art. 395** Decisiun

1 Sch'ina sentenzia da cumpromiss na vegn betg refusada a la dretgira da cumpromiss u na vegn betg rectifitgada u cumplettada da tala a temp, decida l'instanza da recurs davart il recurs ed abolescha la sentenzia da cumpromiss, il mument ch'ella approvescha il recurs.

2 Sche la sentenzia da cumpromiss vegn abolida, decida la dretgira da cumpromiss da nov a norma da las consideraziuns en la decisiun da refusazjun. Sch'ella n'è betg pli cumpletta, vegn applitgà l'artitgel 371.<sup>192</sup>

3 L'aboliziun po vegnir restrenschida a singulas parts da la sentenzia da cumpromiss, sche las otras parts na dependan betg da quellas.

4 Sche la sentenzia da cumpromiss vegn contestada, perquai che las indemnisiuns e las expensas dals derschaders da cumpromiss èn evidentamain excessivas, po l'instanza recurs decider sezza davart questas summas.

## 2. chapitel Revisiun

**Art. 396** Motivs da revisiun

1 Ina partida po pretender la revisiun da la sentenzia da cumpromiss tar la dretgira statala ch'è cumpetenta tenor l'artitgel 356 alinea 1, sche:

<sup>192</sup> Integrà la seguda frasa tras la cifra 2 da l'aggiunta da la LF dals 19 da zer. 2020, en vigur dapi il 1. da schan. 2021 (AS 2020 4179; BBI 2018 7163).

- a. ella vegn a savair posteriuramain fatgs relevants u chatta medis da cumprova decisivs ch'ella n'ha betg pudi preschentar en la procedura precedenta; exclus èn fatgs e medis da cumprova ch'èn resultads pir suenter la sentenzia da cumpromiss;
  - b. ina procedura penalha mussà che la sentenzia da cumpromiss era vegnida influenzada tras in crim u tras in delict a disfavur da la partida respectiva; ina condamnaziun tras la dretgira penalha n'è betg necessaria; sch'ina procedura penalha n'è betg pussaivla, po la cumprova vegnir procurada sin in'autra via;
  - c. i vegn fatg valair che la renconuschientscha dal plant, la retratga dal plant u l'accord tras la dretgira da cumpromiss n'hajan nagin effect;
- d.<sup>193</sup> in motiv da refusa tenor l'artitgel 367 alinea 1 litera c è vegnì scuvrì, malgrà l'attenziun necessaria, pir suenter la terminaziun da la procedura da cumpromiss e negins auters medis legals na stattan a disposiziun.

<sup>2</sup> La revisiun pervia d'ina violaziun da la CEDU<sup>194</sup> po vegnir pretendida, sche:

- a.<sup>195</sup> il Tribunal europeic dals dretgs umans ha constatà en ina sentenzia definitiva (art. 44 CEDU) che la CEDU u ils protocols latiers sajan vegnids violads, u ha terminà il cas tras ina cunvegna amicabla (art. 39 CEDU);
- b. ina indemnisiaziun n'è betg adattada per cumpensar las consequenzas da la violaziun; e
- c. la revisiun è necessaria per eliminar la violaziun.

### Art. 397            Terms

<sup>1</sup> La dumonda da revisiun sto vegnir inoltrada entaifer 90 dis dapi ch'il motiv da revisiun è vegnì scuvrì.

<sup>2</sup> Suenter la scadenza da 10 onns dapi che la sentenzia da cumpromiss è entrada en vigur na po la revisiun betg pli vegnir pretendida, danor en il cas da l'artitgel 396 alinea 1 litera b.

### Art. 398            Procedura

Per la procedura valan ils artitgels 330 e 331.

### Art. 399            Refusaziun a la dretgira da cumpromiss

<sup>1</sup> Sche la dretgira approvescha la dumonda da revisiun, abolescha ella la sentenzia da cumpromiss e refusescha la chaussa a la dretgira da cumpromiss per laschar giuditgar da nov.

<sup>2</sup> Sche la dretgira da cumpromiss n'è betg pli completta, vegn applitgà l'artitgel 371.

<sup>193</sup> Integrà tras la cifra 2 da l'agiunta da la LF dals 19 da zer. 2020, en vigur dapi il 1. da schan. 2021 (AS **2020** 4179; BBI **2018** 7163).

<sup>194</sup> SR **0.101**

<sup>195</sup> Versiun tenor la cifra 2 da l'agiunta da la LF dal 1. d'oct. 2021, en vigur dapi il 1. da fan. 2022 (AS **2022** 289; BBI **2021** 300, 889).

**4. part Disposiziuns finalas****1. titel Execuziun****Art. 400** Princips

- 1 Il Cussegli federal decretescha las disposiziuns executivas.
- 2 El metta a disposizjuni formulars per ils documents da dretgira e per las inoltraziuns da las partidas. Ils formulars ch'èn destinads a las inoltraziuns da las partidas ston vegnir concepids uschia ch'els pon vegnir emplenids er d'ina partida che n'ha betg enconuschientschas giuridicas.
- 3 El po incaricar l'Uffizi federal da giustia da decretar prescripziuns administrativas e tecnicas.

**Art. 401** Projects da pilot

- 1 Cun l'approvaziun dal Cussegli federal pon ils chantuns realisar projects da pilot.
- 2 Il Cussegli federal po surdar a l'uffizi federal da giustia la cumpetenza d'approvar ils projects da pilot.

**2. titel Adattazziun da leschas****Art. 402** Aboliziun e midada dal dretg vertent

L'aboliziun e la midada dal dretg vertent vegnan regladas en l'agiunta 1.

**Art. 403** Disposiziuns da coordinaziun

La coordinaziun da las disposiziuns d'auters decrets cun las disposiziuns da questa lescha vegn reglada en l'agiunta 2.

**3. titel Disposiziuns transitoricas****1. chapitel Disposiziuns transitoricas dals 19 da decembre 2008<sup>196</sup>****Art. 404** Applitgabludad dal dretg vertent

1 Per proceduras ch'èn pendentes il mument da l'entrada en vigur da questa lescha vala il dretg da procedura vertent, fin che la procedura devant l'instanza pertulgada è terminada.

2 La cumpetenza locala sa drizza tenor il dretg nov. Ina cumpetenza existenta tenor il dretg vegl vegn mantegnida.

<sup>196</sup> Integrà tras la cifra I 1 da la LF dals 28 da sett. 2012 (prescripziuns da protocollaziun), en vigur dapi il 1. da matg 2013 (AS 2013 851; BBI 2012 5707 5719).

**Art. 405 Meds legals**

<sup>1</sup> Per ils meds legals vala il dretg ch'è en vigur il mument da la communicaziun da la decisiun.

<sup>2</sup> Per la revisiun da decisiuns ch'èn vegnidas communitgadas tenor il dretg vertent, vala il dretg nov.

**Art. 406 Cunvegna davart la dretgira cumpetenta**

La valaivladad d'ina cunvegna davart la dretgira cumpetenta vegn definida tenor quel dretg che valeva il mument ch'ella è vegnida fixada.

**Art. 407 Giurisdicziun da cumpromiss**

<sup>1</sup> La valaivladad da cunvegnas da cumpromiss ch'èn vegnidas fixadas avant l'entrada en vigur da questa lescha vegn giuditgada tenor il dretg il pli favuraivel.

<sup>2</sup> Per proceduras da cumpromiss ch'èn pendentes il mument da l'entrada en vigur da questa lescha vala il dretg vertent. Las partidas pon dentant fixar ch'il dretg nov vegnia aplittgà.

<sup>3</sup> Per ils meds legals vala il dretg ch'è en vigur il mument da la communicaziun da la sentenzia da cumpromiss.

<sup>4</sup> Per proceduras ch'èn pendentes il mument da l'entrada en vigur da questa lescha davant las dretgiras statalas ch'èn cumpetentas tenor l'artitgel 356 vala il dretg vertent.

**2. chapitel<sup>197</sup>****Disposiziun transitorica da la midada dals 28 da settember 2012****Art. 407a**

En proceduras ch'èn pendentes il mument che la midada dals 28 da settember 2012 da questa lescha entra en vigur, vegnan ils acts processuals reglads tenor il dretg nov a partir dal mument da l'entrada en vigur.

**3. chapitel<sup>198</sup>****Disposiziun transitorica da la midada dals 20 da mars 2015****Art. 407b**

<sup>1</sup> Per proceduras ch'èn pendentes il mument da l'entrada en vigur da la midada dals 20 da mars 2015 vala il dretg nov.

<sup>197</sup> Integrà tras la cifra 1 da la LF dals 28 da sett. 2012 (prescripziuns da protocollaziun), en vigur dapi il 1. da matg 2013 (AS 2013 851; BBI 2012 5707 5719).

<sup>198</sup> Integrà tras la cifra 2 da l'aggiunta da la LF dals 20 da mars 2015 (mantegniment dals uffants), en vigur dapi il 1. da schan. 2017 (AS 2015 4299; BBI 2014 529).

<sup>2</sup> Novas pretensiuns giuridicas che vegnan iniziadas tras la midada dal dretg appligabel èn admissiblas; las parts d'ina decisiun che na vegnan betg contestadas restan liantas, uschenavant ch'ellas n'èn betg colliadas materialmain en moda uschè stretga cun pretensiuns giuridicas che ston anc vegnir giuditgadas, ch'i sto vegnir fatg raschunaivlamain in giudicament cumplessiv.

#### 4. chapitel<sup>199</sup>

#### **Disposiziun transitorica da la midada dals 19 da zercladur 2015**

##### **Art. 407c**

1 En proceduras da divorzi ch'èn pendentes il mument da l'entrada en vigur da la midada dals 19 da zercladur 2015 vala il dretg nov.

2 Novas pretensiuns giuridicas che vegnan iniziadas tras la midada dal dretg appligabel èn admissiblas; las parts da la sentenzia che na vegnan betg contestadas restan liantas, uschenavant ch'ellas n'èn betg colliadas materialmain en moda uschè stretga cun pretensiuns giuridicas che ston anc vegnir giuditgadas, ch'i sto vegnir fatg raschunaivlamain in giudicament cumplessiv.

#### 5. chapitel<sup>200</sup>

#### **Disposiziun transitorica da la midada dals 14 da december 2018**

##### **Art. 407d**

Per proceduras ch'èn pendentes il mument da l'entrada en vigur da la midada dals 14 da december 2018 vala il dretg nov.

#### 6. chapitel:<sup>201</sup>

#### **Disposiziun transitorica da la midada dals 25 da settember 2020**

##### **Art. 407e**

Per proceduras ch'èn pendentes il mument da l'entrada en vigur da la midada dals 25 da settember 2020 vala il dretg nov.

<sup>199</sup> Integrà tras la cifra 2 da l'aggiunta da la LF dals 19 da zer. 2015 (cumpensaziun dal provvediment professiunal en cas da divorzi), en vigur dapi il 1. da schan. 2017 (AS 2016 2313; BBI 2013 4887).

<sup>200</sup> Integrà tras la cifra I 2 da la LF dals 14 da dec. 2018 davart la meglieraziun da la protecziun da victimas da violenza, en vigur dapi il 1. da fan. 2020 (AS 2019 2273; BBI 2017 7307).

<sup>201</sup> Integrà tras la cifra II 24 da l'aggiunta 1 da la LF dals 25 da sett. 2020 davart la protecziun da datas, en vigur dapi il 1. da sett. 2023 (AS 2022 491; BBI 2017 6941).

**4. titel      Referendum ed entrada en vigur****Art. 408**

<sup>1</sup> Questa lescha è suttamessa al referendum facultativ.

<sup>2</sup> Il Cussegl federal fixescha l'entrada en vigur.

Data da l'entrada en vigur: 1. da schaner 2011<sup>202</sup>

<sup>202</sup> COCF dals 31 da mars 2010.

*Agiunta 1*  
(art. 402)

## **Aboliziun e midada dal dretg vertent**

### **I. Aboliziun dal dretg vertent**

La Lescha federala dals 24 da mars 2000<sup>203</sup> davart la cumpetenza en chaussas civilas vegn abolida.

### **II. Midada dal dretg vertent**

Las leschas federalas qua sutvart vegnan midadas sco suonda:

...<sup>204</sup>

<sup>203</sup> [AS 2000 2355; 2004 2617 agiunta cifra 3; 2005 5685 agiunta cifra 14; 2006 5379 agiunta cifra II 2]

<sup>204</sup> Las midadas pon vegnir consultadas en la AS 2010 1739.

*Agiunta 2  
(art. 403)*

## Disposiziuns da coordinaziun

### 1. Coordinaziun dal Cedesch da procedura civila svizzer cun la nova Lescha federala davart la responsabladad civila per l'energia nucleara

*Independentamain dal fatg, sche la Lescha federala dals 13 da zercladur 2008<sup>205</sup> davart la responsabladad civila per l'energia nucleara (nova LRCN) u sch'il Cedesch da procedura civila svizzer dals 19 da december 2008 (CPC) entra en vigur sco emprim, vegn midà il CPC – tras la lescha che entra en vigur pli tard u en cas che las duas leschas entran en vigur a medem temp – sco suonda:*

...<sup>206</sup>

### 2. Coordinaziun da la cifra 19 da l'agiunta 1 cun la nova LRCN

*Independentamain dal fatg, sche la nova LRCN<sup>207</sup> u sch'il CPC entra en vigur sco emprim, vegn midada la cifra 19 da l'agiunta 1 dal CPC – tras la lescha che entra en vigur pli tard u en cas che las duas leschas entran en vigur a medem temp – e la nova LRCN vegn midada tenor la cifra 20 da l'agiunta 1 dal CPC.*

### 3. Coordinaziun cun la midada dals 19 da december 2008 dal CCS (protecziun da creschids, dretg da persunas e dretg dals uffants)

*Independentamain dal fatg, sche la midada dals 19 da december 2008<sup>208</sup> dal CCS (protecziun da creschids, dretg da persunas e dretg dals uffants) u sch'il Cedesch da procedura civila svizzer (CPC) entra en vigur sco emprim, vegn midà il CPC – tras la lescha che entra en vigur pli tard u en cas che las duas leschas entran en vigur a medem temp – sco suonda:*

...<sup>209</sup>

<sup>205</sup> SR **732.44**; en vigur dapi il 1. da schan. 2022, publitgà ils 27 da schan. 2022 (AS **2022** 43).

<sup>206</sup> Las midadas pon vegnir consultadas en la AS **2010** 1739.

<sup>207</sup> SR **732.44**; en vigur dapi il 1. da schan. 2022, publitgà ils 27 da schan. 2022 (AS **2022** 43).

<sup>208</sup> SR **210**

<sup>209</sup> Las midadas pon vegnir consultadas en la AS **2010** 1739..

## Cuntegn

### 1. part Disposiziuns generalas

#### 1. titel Object e champ d'applicaziun

Object .....	Art. 1
Relaziuns internaziunalas .....	Art. 2
Organisazion da las dretgiras e da las autoritads da mediaziun .....	Art. 3

#### 2. titel Cumpetenza da las dretgiras e recusaziun

##### 1. chapitel Cumpetenza materiala e funcziunala

Princips .....	Art. 4
Suletta instanza chantunala .....	Art. 5
Dretgira kommerziala .....	Art. 6
Dretgira per dispitas che resultan tras assicuranzas supplementarjas a l'assicuranza da malsauns sociala.....	Art. 7
Plant direct devant la dretgira superiura.....	Art. 8

##### 2. chapitel Cumpetenza locala

###### 1. seczion Disposiziuns generalas

Cumpetenza stringentia.....	Art. 9
Domicil e sedia .....	Art. 10
Lieu da dimora.....	Art. 11
Fatschenta e filiala .....	Art. 12
Mesiras preventivas .....	Art. 13
Cuntraplant .....	Art. 14
Litisconsorzi ed accumulaziun da plants.....	Art. 15
Plant sin denunzia da la dispita.....	Art. 16
Cunvegna davart la dretgira cumpetenta.....	Art. 17
Acceptazion tacitura .....	Art. 18
Giurisdicziun voluntara.....	Art. 19

###### 2. seczion Dretg da persunas

Protecziun da la persunalidad e protecziun da datas .....	Art. 20
Declaranza da mort e da sparizion .....	Art. 21
Rectificazion dal register dal stadi civil .....	Art. 22

###### 3. seczion Dretg da famiglia

Inoltraziuns e plants dal dretg matrimonial .....	Art. 23
Inoltraziuns e plants concernent il partenadi registrà .....	Art. 24
Constatazion e contestaziun da la relaziun da figlialanza .....	Art. 25

Plants sin mantegniment e sin sustegn.....	Art. 26
Pretensiuns da mammas betg maridadas.....	Art. 27
<b>4. secziun Dretg d'ierta</b>	
.....	Art. 28
<b>5. secziun Dretgs reals</b>	
Bains immobigliers.....	Art. 29
Chaussas moviblas.....	Art. 30
<b>6. secziun Plants che resultan tras contracts</b>	
Princip .....	Art. 31
Contracts cun consuments .....	Art. 32
Locaziun e fittanza da chaussas immoviblas .....	Art. 33
Dretg da lavour .....	Art. 34
Renunzia a las dretgiras cumpetentas tenor la lescha.....	Art. 35
<b>7. secziun Plants che resultan d'acziuns scumandadas</b>	
Princip .....	Art. 36
Indemnisaziun dal donn en cas da mesiras preventivas nungiustifitgadas.....	Art. 37
Accidents da vehichels a motor e da velos.....	Art. 38
Donns nuclears .....	Art. 38a
Plant d'adesiun .....	Art. 39
<b>8. secziun Dretg da commerzi</b>	
Dretg da societads e register da commerzi.....	Art. 40
<i>Aboli</i> .....	Art. 41
Fusiuns, partiziuns, transfurmaziuns e transferiments da facultad .....	Art. 42
Annnullaziun da vaglias e da polissas d'assicuranza; scumond da pajament .....	Art. 43
Obligaziuns d'emprest.....	Art. 44
Investiziuns collectivas .....	Art. 45
<b>9. secziun Dretg da scussiun e da concurs</b>	
.....	Art. 46
<b>3. chapitel Recusaziun</b>	
Motivs da recusaziun .....	Art. 47
Obligaziun d'annunzia.....	Art. 48
Dumonda da recusaziun.....	Art. 49
Decisiun.....	Art. 50

---

Consequenzas da la violaziun da las prescripcziuns da recusaziun.....	Art. 51
<b>3. titel</b>	
<b>Princips da procedura e premissas per in process</b>	
<b>1. chapitel Princips da procedura</b>	
Agir en buna fai .....	Art. 52
Attenzjum giuridica .....	Art. 53
Publicitad da la procedura.....	Art. 54
Princip da tractativa e d'inquisiziun.....	Art. 55
Interrogazijun tras la dretgira.....	Art. 56
Dretg applitgà d'uffizi .....	Art. 57
Princip da disposiziun e maxima uffiziala .....	Art. 58
<b>2. chapitel Premissas per in process</b>	
Princip.....	Art. 59
Examinazijun da las premissas per in process.....	Art. 60
Cunvegna da cumpromiss .....	Art. 61
<b>4. titel</b>	
<b>Litispendenza e consequenzas da la retratga dal plant</b>	
Cumenzament da la litispendenza.....	Art. 62
Litispendenza en cas che la cumpetenza manca ed en cas ch'il tip da procedura è fauss .....	Art. 63
Effects da la litispendenza .....	Art. 64
Consequenzas da la retratga dal plant .....	Art. 65
<b>5. titel Partidas e participaziun da terzas persunas</b>	
<b>1. chapitel Capacitad d'esser partida e da processar</b>	
Capacitad d'esser partida .....	Art. 66
Capacitad da processar.....	Art. 67
<b>2. chapitel Represchentanza da las partidas</b>	
Represchentanza contractuala.....	Art. 68
Incapacitad d'ina partida.....	Art. 69
<b>3. chapitel Litisconsorzi</b>	
Litisconsorzi necessari.....	Art. 70
Litisconsorzi simpel.....	Art. 71
Represchentanza cumainivla.....	Art. 72

#### **4. chapitel Intervenziun**

<b>1. seczjun Intervenziun principala</b>	.....	Art. 73
---	-------	---------

#### **2. seczjun Intervenziun accessorica**

Princip .....	.....	Art. 74
Dumonda .....	.....	Art. 75
Dretgs da l'intervenient .....	.....	Art. 76
Effects da l'intervenziun.....	.....	Art. 77

#### **5. chapitel**

#### **Convocaziun en ina dispita e delegaziun d'ina dispita**

##### **1. seczjun Convocaziun simpla en ina dispita**

Princips.....	.....	Art. 78
Posiziun dal convocà .....	.....	Art. 79
Effects da la delegaziun da la dispita .....	.....	Art. 80

##### **2. seczjun Delegaziun d'ina dispita**

Princips.....	.....	Art. 81
Procedura.....	.....	Art. 82

#### **6. chapitel Midada da partida**

.....	.....	Art. 83
-------	-------	---------

#### **6. titel Plants**

Plant sin condemnaziun ad ina prestaziun .....	.....	Art. 84
Plant sin ina pretensiun betg quantifitgada .....	.....	Art. 85
Plant parzial .....	.....	Art. 86
Plant constitutiv .....	.....	Art. 87
Plant da constataziun .....	.....	Art. 88
Plant collectiv .....	.....	Art. 89
Accumulaziun da plants.....	.....	Art. 90

#### **7. titel Valur en dispita**

Princip .....	.....	Art. 91
Utilisaziuns e prestaziuns periodicas .....	.....	Art. 92
Litisconsorzi simpel ed accumulaziun da plants .....	.....	Art. 93
Cuntraplant .....	.....	Art. 94

#### **8. titel Custs da process e giurisdicziun gratuita**

##### **1. chapitel Custs da process**

Noziuns.....	.....	Art. 95
--------------	-------	---------

Tariffas .....	Art. 96
Infurmaziun davart ils custs da process .....	Art. 97
Pajament anticipà dals custs.....	Art. 98
Garanzia per l'indemnisaziun da la partida.....	Art. 99
Gener ed autezza da la garanzia.....	Art. 100
Prestaziun dal pajament anticipà e da la garanzia .....	Art. 101
Pajament anticipà per la registrazion da las cumprovas.....	Art. 102
Meds legals.....	Art. 103
<b>2. chapitel</b>	
<b>Repartiziun e liquidaziun dals custs da process</b>	
Decisiun davart ils custs da process .....	Art. 104
Fixaziun e repartiziun dals custs da process.....	Art. 105
Princips da repartiziun .....	Art. 106
Repartiziun tenor agen giudicat .....	Art. 107
Custs da process nunneccesaris.....	Art. 108
Repartiziun en cas d'accord .....	Art. 109
Meds legals.....	Art. 110
Liquidaziun dals custs da process.....	Art. 111
Prorogaziun, relasch, scadenza e tschains dals custs da dretgira.....	Art. 112
<b>3. chapitel Regulaziuns spezialas areguard ils custs</b>	
Procedura da mediaziun.....	Art. 113
Procedura da decisiun .....	Art. 114
Obligaziun da surpigliar ils custs .....	Art. 115
Liberaziun dals custs tenor il dretg chantunal.....	Art. 116
<b>4. chapitel Giurisdicziun gratuita</b>	
Dretg .....	Art. 117
Dimensiun.....	Art. 118
Dumonda e procedura.....	Art. 119
Retratga da la giurisdicziun gratuita .....	Art. 120
Meds legals .....	Art. 121
Liquidaziun dals custs da process .....	Art. 122
Restituziun .....	Art. 123
<b>9. titel</b>	
<b>Direcziun dal process, agir processual e termins</b>	
<b>1. chapitel Direcziun dal process</b>	
Princips .....	Art. 124

Simplificaziun dal process .....	Art. 125
Sistida da la procedura.....	Art. 126
Surdada en cas da proceduras connexas .....	Art. 127
Disciplina en la procedura e process da levsenn.....	Art. 128
<b>2. chapitel Furmas da l'agir processual</b>	
<b>1. seczjün Lingua da procedura</b>	
.....	Art. 129
<b>2. seczjün Inoltraziuns da las partidas</b>	
Furma.....	Art. 130
Dumber.....	Art. 131
Inoltraziuns manglusas, querulantas e giuridicamain abusivas .....	Art. 132
<b>3. seczjün Citaziun giudiziala</b>	
Cuntegn .....	Art. 133
Termin .....	Art. 134
Spustament dal termin d'audiziun .....	Art. 135
<b>4. seczjün Consegnna giudiziala</b>	
Documents da consegnar .....	Art. 136
En cas da represchentanza .....	Art. 137
Furma.....	Art. 138
Consegnna electronica.....	Art. 139
Domicil da consegna.....	Art. 140
Publicaziun uffiziala .....	Art. 141
<b>3. chapitel</b>	
<b>Periodas da scadenza, negligentscha e restituziun</b>	
<b>1. seczjün Periodas da scadenza</b>	
Cumenzament e calculaziun .....	Art. 142
Observaziun.....	Art. 143
Prolungaziun.....	Art. 144
Interrupziun da las periodas da scadenza .....	Art. 145
Effects da l'interrupziun .....	Art. 146
<b>2. seczjün Negligentscha e restituziun</b>	
Negligentscha e consequenzas.....	Art. 147
Restituziun.....	Art. 148
Procedura da restituziun .....	Art. 149

## 10. titel Cumprova

### 1. chapitel Disposiziuns generalas

Object da la cumprova .....	Art. 150
Fatgs enconuschents .....	Art. 151
Dretg d'inoltrar cumprovas.....	Art. 152
Cumprovas registradas d'uffizi.....	Art. 153
Decrets areguard las cumprovas .....	Art. 154
Examinazion da las cumprovas.....	Art. 155
Protecziun d'interess degns da vegnir protegids .....	Art. 156
Liber giudicat a basa da las cumprovas.....	Art. 157
Cumprovas preventivas.....	Art. 158
Organs d'ina persuna giuridica .....	Art. 159

### 2. chapitel

#### Obligaziun da cooperar e dretg da refusar la cooperaziun

##### 1. secziun Disposiziuns generalas

Obligaziun da cooperar .....	Art. 160
Infirmazion .....	Art. 161
Cooperaziun refusada giustifitgadomain .....	Art. 162

##### 2. secziun

#### Dretg da las partidas da refusar la cooperaziun

Dretg da refusa.....	Art. 163
Refusa nungiustifitgada .....	Art. 164

##### 3. secziun

#### Dretg da terzas personas da refusar la cooperaziun

Dretg cumplessiv da refusar la cooperaziun .....	Art. 165
Dretg limità da refusar la cooperaziun .....	Art. 166
Refusa nungiustifitgada .....	Art. 167

### 3. chapitel Cumprovas

#### 1. secziun Cumprovas admissiblas

.....	Art. 168
-------	----------

#### 2. secziun Dar perditga

Object .....	Art. 169
Citaziun.....	Art. 170
Furma da l'interrogazion .....	Art. 171
Cuntegn da l'interrogazion .....	Art. 172
Dumondas cumplmentaras .....	Art. 173

Confruntazjun .....	Art. 174
Perditga tras in expert .....	Art. 175
Protocol .....	Art. 176
<b>3. secziun Documents</b>	
Noziun .....	Art. 177
Autenticitad .....	Art. 178
Forza da cumprova da registers e da documents publics .....	Art. 179
Inoltraziun.....	Art. 180
<b>4. secziun Inspecziun</b>	
Realisaziun .....	Art. 181
Protocol .....	Art. 182
<b>5. secziun Expertisa</b>	
Princips.....	Art. 183
Dretgs ed obligaziuns da l'expert .....	Art. 184
Incumbensa.....	Art. 185
Scleriments da l'expert .....	Art. 186
Furniziun da l'expertisa .....	Art. 187
Negligentscha e mancanzas .....	Art. 188
Expertisa da cumpromiss.....	Art. 189
<b>6. secziun Infurmaziun en scrit</b>	
.....	Art. 190
<b>7. secziun</b>	
<b>Interrogaziun da las partidas e deposiziun da cumprova</b>	
Interrogaziun da las partidas .....	Art. 191
Deposiziun da cumprova .....	Art. 192
Protocol .....	Art. 193
<b>11. titel</b>	
<b>Assistenza giudiziala tranter dretgiras svizras</b>	
Princip .....	Art. 194
Acts processuals exequids directamain en in auter chantun.....	Art. 195
Assistenza giudiziala .....	Art. 196

## 2. part Disposiziuns spezialas

### 1. titel Emprova da mediaziun

#### 1. chapitel

##### Champ d'applicaziun ed autoritat da mediaziun

Principi.....	Art. 197
Excepziuns.....	Art. 198
Renunzia a la procedura da mediaziun.....	Art. 199
Autoritads da mediaziun pariteticas.....	Art. 200
Incumbensas da l'autoritat da mediaziun .....	Art. 201

#### 2. chapitel Procedura da mediaziun

Iniziazun .....	Art. 202
Tractativa.....	Art. 203
Preschientscha persunala .....	Art. 204
Confidencialitat da la procedura .....	Art. 205
Negligentscha .....	Art. 206
Custs da la procedura da mediaziun.....	Art. 207

#### 3. chapitel Cunvegna e permissiun da purtar plant

Consens da las partidas .....	Art. 208
Permissiun da purtar plant .....	Art. 209

#### 4. chapitel Proposta da sentenzia e decisiun

Proposta da sentenzia.....	Art. 210
Effects.....	Art. 211
Decisiun .....	Art. 212

### 2. titel Mediaziun extragiudiziala

Mediaziun extragiudiziala empè d'ina procedura da mediaziun .....	Art. 213
Mediaziun extragiudiziala en la procedura da decisiun .....	Art. 214
Organisazion e realisaziun da la mediaziun extragiudiziala.....	Art. 215
Relaziun envers la procedura giudiziala .....	Art. 216
Approvaziun d'in accord .....	Art. 217
Custs da la mediaziun extragiudiziala.....	Art. 218

### 3. titel Procedura ordinaria

#### 1. chapitel Champ d'applicaziun

.....	Art. 219
-------	----------

**2. chapitel****Correspundenza e preparaziun da la tractativa principala**

Cumenzament .....	Art. 220
Plant .....	Art. 221
Resposta al plant .....	Art. 222
Resposta al plant negligida .....	Art. 223
Cuntraplant .....	Art. 224
Segunda correspundenza .....	Art. 225
Audienzas d'instruczion .....	Art. 226
Midada dal plant .....	Art. 227

**3. chapitel Tractativa principala**

Emprims pleads da las partidas .....	Art. 228
Novs fatgs e novas cumprovers .....	Art. 229
Midada dal plant .....	Art. 230
Examinaziun da las cumprovers .....	Art. 231
Pleds finals .....	Art. 232
Renunzia a la tractativa principala .....	Art. 233
Negligentscha a la tractativa principala .....	Art. 234

**4. chapitel Protocol**

.....	Art. 235
-------	----------

**5. chapitel Decisiun**

Decisiun finala .....	Art. 236
Decisiun intermediara .....	Art. 237
Cuntegn .....	Art. 238
Communicaziun e motivaziun .....	Art. 239
Communicaziun e publicaziun da la sentenzia .....	Art. 240

**6. chapitel Terminaziun da la procedura senza decisiun**

Accord, acceptanza dal plant, retratga dal plant .....	Art. 241
Ina procedura che ha pers ses object per auters motivs .....	Art. 242

**4. titel Procedura simplifitgada**

Champ d'applicaziun .....	Art. 243
Plant simplifitgà .....	Art. 244
Citaziun a la tractativa e prender posiziun .....	Art. 245
Disposiziuns processualas .....	Art. 246
Constataziun dals fatgs .....	Art. 247

## **5. titel Procedura summarica**

### **1. chapitel Champ d'applicaziun**

Princip.....	Art. 248
Cudesch civil svizzer .....	Art. 249
Dretg d'obligaziuns .....	Art. 250
Lescha federala dals 11 d'avrigl 1889 davart la scussiun ed il concurs.....	Art. 251
Lescha federala dals 18 da december 1987 davart il dretg internaziunal privat .....	Art. 251a

### **2. chapitel Procedura e decisiun**

Dumonda .....	Art. 252
Posiziun .....	Art. 253
Cumprovas.....	Art. 254
Princip d'inquisiziun.....	Art. 255
Decisiun.....	Art. 256

### **3. chapitel Protecziun giuridica en cas clers**

.....	Art. 257
-------	----------

### **4. chapitel Scumond giudizial**

Princip.....	Art. 258
Publicaziun .....	Art. 259
Protesta .....	Art. 260

### **5. chapitel**

#### **Mesiras preventivas e document da protecziun**

##### **1. secziun Mesiras preventivas**

Princip.....	Art. 261
Cuntegn.....	Art. 262
Mesiras avant la litispendenza .....	Art. 263
Garanzia ed indemnisaziun dal donn .....	Art. 264
Mesiras superprovisoricas.....	Art. 265
Mesiras cunter las medias .....	Art. 266
Execuziun .....	Art. 267
Midada ed aboliziun .....	Art. 268
Resalva .....	Art. 269

##### **2. secziun Document da protecziun**

.....	Art. 270
-------	----------

## **6. titel Proceduras spezialas dal dretg matrimonial**

### **1. chapitel Fatschentas da la procedura summarica**

Champ d'applicaziun .....	Art. 271
Princip d'inquisiziun.....	Art. 272
Procedura.....	Art. 273

### **2. chapitel Procedura da divorzi**

#### **1. secziun Disposiziuns generalas**

Iniziazion .....	Art. 274
Aboliziun da la chasada cuminaivla.....	Art. 275
Mesiras preventivas .....	Art. 276
Constatazjuni dals fatgs .....	Art. 277
Preschientscha persunala .....	Art. 278
Approvaziun da la cunvegna.....	Art. 279
Cunvegna davart il provediment professiunal.....	Art. 280
Mancanza d'ina cunvegna davart la cumpensaziun dal provediment professiunal.....	Art. 281
Contribuziuns da mantegniment .....	Art. 282
Unitad da la decisiun .....	Art. 283
Midada da consequenzas dal divorzi decididas cun vigur legala .....	Art. 284

#### **2. secziun Divorzi sin dumonda cuminaivla**

Inoltrazjuni en cas d'ina cunvegna cumpletta .....	Art. 285
Inoltrazjuni en cas d'ina cunvegna parzjalia .....	Art. 286
Audizjuni da las partidas.....	Art. 287
Cuntinuazjuni da la procedura e decisiun .....	Art. 288
Meds legals.....	Art. 289

#### **3. secziun Plant da divorzi**

Inoltrazjuni dal plant.....	Art. 290
Tractativa da cunvegna .....	Art. 291
Midada al divorzi sin dumonda cuminaivla .....	Art. 292
Midada dal plant .....	Art. 293

#### **4. secziun Plant sin nunvalaivladad da la lètg e plant da separaziun**

.....	Art. 294
-------	----------

**7. titel****Interess dals uffants en fatschentas dal dretg da famiglia****1. chapitel Disposiziuns generalas**

Princip.....	Art. 295
Princip d'inquisiziun e maxima uffiziala .....	Art. 296
Audiziun dals geniturs e mediaziun extragiudiziala.....	Art. 297
Audiziun da l'uffant.....	Art. 298
Ordinaziun d'ina represchentanza da l'uffant .....	Art. 299
Cumpetenzas da la represchentanza.....	Art. 300
Communicaziun da la decisiun .....	Art. 301
Contribuziuns da mantegniment .....	Art. 301a

**2. chapitel Procedura summarica: champ d'applicaziun**

.....	Art. 302
-------	----------

**3. chapitel Plant sin mantegniment e plant da paternitat**

Mesiras preventivas .....	Art. 303
Cumpetenza .....	Art. 304

**8. titel Proceduras en cas d'in partenadi registrà****1. chapitel Fatschentas da la procedura summarica**

Champ d'applicaziun .....	Art. 305
Procedura.....	Art. 306

**2. chapitel****Schliazun e nunvalaivladad dal partenadi registrà**

.....	Art. 307
-------	----------

**3. chapitel****Dumondas d'uffants en proceduras concernent il partenadi registrà**

.....	Art. 307a
-------	-----------

**9. titel Meds legals****1. chapitel Appellaziun****1. secziun Decisiuns contestablas e motivs d'appellaziun**

Decisiuns contestablas .....	Art. 308
Excepziuns.....	Art. 309
Motivs d'appellaziun .....	Art. 310

## **2. secziun**

### **Appellaziun, resposta a l'appellaziun ed appellaziun adesiva**

Inoltraziun da l'appellaziun .....	Art. 311
Resposta a l'appellaziun .....	Art. 312
Appellaziun adesiva.....	Art. 313
Procedura summarica.....	Art. 314

## **3. secziun Effects e proceduras da l'appellaziun**

Effect suspensiv .....	Art. 315
Proceduras davant l'instanza da recurs .....	Art. 316
Novs fatgs, novs meds da cumprova e midada dal plant.....	Art. 317
Decisiun.....	Art. 318

## **2. chapitel Recurs**

Object contestà .....	Art. 319
Motivs da recurs .....	Art. 320
Inoltraziun dal recurs .....	Art. 321
Resposta al recurs .....	Art. 322
Recurs successiv .....	Art. 323
Posiziun da l'instanza precedenta .....	Art. 324
Effect suspensiv .....	Art. 325
Novas dumondas, novs fatgs e novs meds da cumprova .....	Art. 326
Procedura e decisiun .....	Art. 327
Decleranza d'executabilitad tenor la Cunvegna da Lugano .....	Art. 327a

## **3. chapitel Revisiun**

Motivs da revisiun .....	Art. 328
Dumonda da revisiun e termins da revisiun.....	Art. 329
Posiziun da la cuntrapartida.....	Art. 330
Effect suspensiv .....	Art. 331
Decisiun davart la dumonda da revisiun .....	Art. 332
Nova decisiun en chaussa .....	Art. 333

## **4. chapitel Explicacizun e rectificacizun**

.....	Art. 334
-------	----------

## **10. titel Execuziun**

### **1. chapitel Execuziun da decisiuns**

Champ d'applicazion .....	Art. 335
Executabilitad .....	Art. 336

Execuziun directa.....	Art. 337
Dumonda d'execuziun .....	Art. 338
Cumpetenza e procedura.....	Art. 339
Mesiras da segirezza .....	Art. 340
Examinazion da l'executabilitad e posiziun da la partida che ha pers .....	Art. 341
Execuziun d'ina prestaziun cundizionada u d'ina prestaziun che dependa d'ina cuntraprestaziun .....	Art. 342
Obligaziun da far, da tralaschar u da tolerar insatge .....	Art. 343
Deposiziun d'ina declaranza da voluntad .....	Art. 344
Indemnisaziun dal donn e transformaziun en daners .....	Art. 345
Meds legals da terzas persunas .....	Art. 346

## **2. chapitel Execuziun da documents publics**

Executabilitad .....	Art. 347
Excepziuns.....	Art. 348
Document davart ina prestaziun en daners.....	Art. 349
Document davart in'autra prestaziun .....	Art. 350
Procedura davant la dretgira d'execuziun .....	Art. 351
Giudicament giudizial.....	Art. 352

## **3. part Giurisdicziun da cumpromiss**

### **1. titel Disposiziuns generalas**

Champ d'applicaziun .....	Art. 353
Object d'ina procedura da cumpromiss.....	Art. 354
Sedia da la dretgira da cumpromiss .....	Art. 355
Dretgiras statalas cumpetentas .....	Art. 356

### **2. titel**

#### **Cunvegna da cumpromiss e clausula da cumpromiss**

Cunvegna da cumpromiss .....	Art. 357
Furma.....	Art. 358
Contestaziun da la cumpetenza da la dretgira da cumpromiss.....	Art. 359

### **3. titel Constituziun da la dretgira da cumpromiss**

Dumber da commembres .....	Art. 360
Nominaziun tras las partidas.....	Art. 361
Nominaziun tras la dretgira statala.....	Art. 362
Obligaziun da transparenza.....	Art. 363

Acceptaziun da l'uffizi .....	Art. 364
Secretariat.....	Art. 365
Perioda d'uffizi .....	Art. 366

**4. titel****Refusa, revocaziun e remplazzament dals  
commembers da la dretgira da cumpromiss**

Refusa d'in commember .....	Art. 367
Refusa da la dretgira da cumpromiss .....	Art. 368
Procedura da refusa .....	Art. 369
Revocaziun .....	Art. 370
Remplazzament d'in commember da la dretgira da cumpromiss.....	Art. 371

**5. titel Procedura da cumpromiss**

Litispendenza.....	Art. 372
Reglas generalas da procedura.....	Art. 373
Mesiras preventivas, segirezza ed indemnisiazun dal donn .....	Art. 374
Examinaziun da las cumprovas e cooperazion da la dretgira statala .....	Art. 375
Litisconsorzi, accumulaziun da plants e participaziun da terzas persunas.....	Art. 376
Cumpensaziun e cuntraplant.....	Art. 377
Pajament anticipà dals custs .....	Art. 378
Garanzia d'indemnisiazun da la partida.....	Art. 379
Giurisdicziun gratuita .....	Art. 380

**6. titel Sentenzia da cumpromiss**

Dretg applitgabel .....	Art. 381
Tractativa e votaziun.....	Art. 382
Sentenzias da cumpromiss intermediaras e parzialas.....	Art. 383
Cuntegn da la sentenzia da cumpromiss .....	Art. 384
Cunvegna da las partidas .....	Art. 385
Consegna e deposit da la sentenzia da cumpromiss .....	Art. 386
Effects da la sentenzia da cumpromiss .....	Art. 387
Rectificaziun, explicaziun e cumplettaziun da la sentenzia da cumpromiss.....	Art. 388

**7. titel Meds legals****1. chapitel Recurs**

Recurs tar il Tribunal federal .....	Art. 389
--------------------------------------	----------

Recurs tar la dretgira chantunala.....	Art. 390
Subsidiaritat .....	Art. 391
Sentenzias da cumpromiss contestablas.....	Art. 392
Motivs da recurs .....	Art. 393
Refusaziun per rectifitgar u per cumpletar la sentenzia da cumpromiss .....	Art. 394
Decisiun .....	Art. 395
<b>2. chapitel Revisiun</b>	
Motivs da revisiun .....	Art. 396
Termins.....	Art. 397
Procedura.....	Art. 398
Refusaziun a la dretgira da cumpromiss .....	Art. 399
<b>4. part Disposiziuns finalas</b>	
<b>1. titel Execuziun</b>	
Princips.....	Art. 400
Projects da pilot .....	Art. 401
<b>2. titel Adattaziun da leschas</b>	
Abolizjun e midada dal dretg vertent .....	Art. 402
Disposiziuns da coordinaziun .....	Art. 403
<b>3. titel Disposiziuns transitoricas</b>	
<b>1. chapitel</b>	
<b>Disposiziuns transitoricas dals 19 da decembre 2008</b>	
Applitgabladad dal dretg vertent.....	Art. 404
Meds legals .....	Art. 405
Cunvegna davart la dretgira cumpetenta.....	Art. 406
Giurisdicziun da cumpromiss .....	Art. 407
<b>2. chapitel</b>	
<b>Disposiziun transitorica da la midada dals 28 da settember 2012</b>	
.....	Art. 407a
<b>3. chapitel</b>	
<b>Disposiziun transitorica da la midada dals 20 da mars 2015</b>	
.....	Art. 407b

<b>4. chapitel</b> <b>Disposiziun transitorica da la midada</b> <b>dals 19 da zercladur 2015</b>	.....Art. 407c
<b>5. chapitel</b> <b>Disposiziun transitorica da la midada</b> <b>dals 14 da decembre 2018</b>	.....Art. 407d
<b>6. chapitel: Disposiziun transitorica da la midada dals</b> <b>25 da settember 2020</b>	.....Art. 407e
<b>4. titel Referendum ed entrada en vigur</b>	.....Art. 408